



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

NEPER

514

1/2
45

1
2
3
4
5

13



ԵՊԻԿՏԵՏԵԱՅ

ԱՌԱԾՔ ԲԱՐՈՅԱԿԱՆՔ

ԱՆՆՆԵՐ

514

ար

ԵՊԻԿՏԵՏԵԱՅ

ԻՄԱՏԱՍԻՐԻ

Ս.Ռ.Ս.Ծ.Բ. Բ.Ս.Ր.ՈՅԱ.ԿԱՆ.Բ.

ԹԱՐԳՄԱՆԵԱՅ

Հ. Բ. Ե. Վ. Մ.

521



Ի ՎԵՆԵՏԻԿ

Ի ՏՊԱՐԱՆԻ ՄԻԻԹԱՐԵԱՆՑ

1871



514-2009

(4473
41)

№ 518



ԳԼՈՒԽ Ա.

Յողագոս Ճշմարիտ Բարեաց :

1. Աստուածքն յերանութիւն ստեղծին զմարդիկ. յանցանօք իւրեանց վատաբաղդիկք լինին :

2. Որպէս ոչ կանգնի նպատակ՝ որպէս զի թիւրեսցի ոք ՚ի նմանէ, այսպէս չիք յաշխարհի չար ՚ի բնէ :

3. Եւ չար և բարի ըստ կամաց մերոց լինին :

4. Վասն էր արանջես. աստուածութի ետ քեզ յիւրայոցն զմեծագոյնն, զաղնուագոյն, զթագաւորականն և զաստուածականն. այսինքն է՝ յօգուտ քո իսելամուլա լինել, և ՚ի քում իսկ յանձնէդ հայթհայթել

դքո կարևոր բարխա: Չմնչ ևս խըն-
դրես. լեր ուրեմն գոհացող, շնոր-
հակալու հօր քում բարերարի, և
մի գաղարիք ժտել 'ի նմանէ:

5. Ամենայն ինչ որ յաշխարհիս՝
է որ 'ի մէնջ կախեալ կայ և է որ ոչ,
'ի մէնջ՝ կարծիք մեր, շարժուածք,
կղճք, յօժարուածիւնք և ատելու-
ածիւնք. բովանդակ ասել, ամենայն
գործք մեր:

6. Իսկ որ ոչն 'ի մէնջ, մարմինք
մեր, ինչք, համբաւ, իշխանուածիւն.
և բովանդակ՝ ամենայն որ ոչն է 'ի
համար գործոց մերոց:

7. Այն որ զմէնջն կախի՝ ազատ
է 'ի բնէ, և չիք որ խափան կամ
խոչընդոտն նմա լինիցի. իսկ որ ոչն՝
տկար է և սարուկ, նկուռն և նշա-
ւակ բազում ինչ խափանչաց և գրժ-
պատեհից, և համանդամայն՝ եկա-
մուտ:

8. Եւ արդ յիշեա, զի եթէ առ
ազատս ունիցիս զառ 'ի բնէ սարը-
կացեալսն, կամ թէ քո ինչ համա-
րիցիս զայն որ չիցէ կախեալ զքէն՝
ամենայն ուրեք գտցես քեզ խոչ

ընդ որոնք • վշտասցիս և նեղեցիս և
'ի զուր բամբասիցես զաստուածսն
և զմարդիկ : Իսկ եթէ զպատշա-
ճեալսն և եթ անձինքում՝ համա-
րիցիս քեզ և ոչ զօտարացն , ասա
ոչ ոք բռնագատիցէ զքեզ առնել՝
զոր ոչն կամիցիս , կամ խափանել
զոր կամիցիսն առնել • ոչ զոր ամ-
բաստանիցես , ոչ կալցես զումեքէ
տրտունջ • և հակառակ կամաց քոց
և ոչ մի ինչ ոչ առնիցես • ոչ ոք
ստնանիցէ քեզ • քէն ընդ ումեք ոչ
ունիցիս , և ոչ ուստեք հասցէ քեզ
իւրաս :

Թ . Եւ քանզի առ մեծամեծս ձրգ-
տինն իղձք քո , յիշեա և զայն զի մե-
ծամեծ ճգանց սէտք են առ 'ի դա-
մադիւտ նոցին լինել • և զի յամե-
նայն արտաքնոց իրաց՝ հարկ է քեզ
յոմանց հրաժարել իսպառ , զո-
մանս՝ այլում թողուլ սպտեհի •
քանզի եթէ բնաւին միանգամայն
հետամուտ եղեալ՝ ջանայցես ըզ-
բաամբ ածել և զճշմարիտ բարխան
և զմեծութիւնս և զիշխանութիւնս ,
գուցէ և 'ի յետնոցս վրիպիցիս ,

ակնկալու և այլոցն էլով. և առանց
ինչ երկբայութեան դուրի գտանի-
ցիս յայնցանէ՝ որ միայն կարողն են
առնել զքեզ ազատ և երանելի :

10. Եւ արդ յառաջ քան զա-
մենայն յորժամ խորհուրդ գծալհի
անկցի 'ի միտս քո, փութասցիր ա-
սել. « Մտացածին ցնորք իմն ես գու
և ոչ որ ինչ երեխող. » : Յետ այնու-
րիկ քաջ քննեա զայն և խելամուտ
լեր. և առ 'ի բարեոք հասու լինել
այնմ՝ վարեսցիր կանոնօք զոր ու-
սարդ, և մանաւանդ առաջնօրն
այնու, այն ինքն է՝ գիտելն եթէ այն
որ երեւցաւն քեզ յորոնց անտի իցէ,
յայնցանէ՞ որ 'ի մէնջն կախեալ կան,
եթէ որ ոչն. և թէ չիցեն 'ի կարողու-
թեան մերում, ապա գիտեա ան-
երկմիա՝ զի և ոչ անկ են քեզ :

11. Յիշեա զի կէտ ըղձից քոց է
հասանել ըղձացելումդ. և առ թ եր
կիւղի՝ քո խորշելն յորմէ երկնչիս : Ար
ոչ հասանէ փափաքանայն՝ վատա-
բաղդիկ է, իսկ որ գթէ յայն յորմէ
զանգիտելն՝ եղկելի է : Արդ եթէ գու
զայնոսիկ միայն առիցես որ հակա-

ուակքն են ճշմարիտ բարւոյ քում և որ 'ի քէն կախեալն կան, մի գթիցես բնաւ 'իխորշէլիան. իսկ եթէ երկնչիս 'ի մահուանէ, 'ի հիւանդութեանց և յաղքատութէ, եղիցիս առաւապեալ: Փոխանակ ահաբեկ լինելոյ յիրաց որ ոչն են կախեալ 'ի մէնջ՝ երկիր յայնցանէ որ ընդ մերով իշխանութբ են. և զիդձս քո կարճեա առ ժամայն. զի եթէ ըզձանայցես իրաց որ չեն ընդ մերով իշխանութեամբ, ապա ոչ ես դու բաւական ճանաչել զարդարև փափազելիան: Եւ արդ մինչև իցէ քո այդմ՝ ձեռնհաս լեալ շատ համարես ջեր խնդրել և սրահել զհանդիպեալսն քեզ. այլ և զայն մեղմով, ընտրութեամբ և անխուճասլ:

12. Հիւանդութիւնք խափանք են մարմնոյ և ոչ կամաց, բայց եթէ ինքնին յօժարեսցի: Աաղ եմ. այս արգել է ոտիցս, բայց ոչ կամաց իմոյ: Զնոյն բան ասա և զամենայն արկածից որ կասեցուսցեն զքեզ. և ծանիցես, զի թէպէտ լիցին ինչ իմիք արգել՝ բայց քեզ ոչ բնաւ:

13. Չադուառու եթէ լսիցես կը-
ռինչ չարագուշակ, մի՛ խռովեցու-
ցեն զքեզ խորհուրդք քո, այլ լէ՛ր
խելամուտ յանձին քում և ասա-
րնձ բնաւ յարկածից այախ չարա-
գոյժ գուշակիդ՝ ոչ ինչ հասցէ, այլ
միայն եղկելի մարմնոյս, դուզնա-
քեայ ընչիցս, կամ փանաքի վարկի
անուանս, կամ մանկանց իմոց, և
կամ ամուսնոյ իմոյ. իսկ ինձ՝ եթէ
կամիցիմ միայն՝ բասա բարի իցէ.
քան զի որ ինչ և դիպեացի՝ կարող
եմ հանել անախօգուտ մեծ:

14. Յամենայնի որ զբօսական
քեզ իցէ, կամ՝ ի սէսս ինչ կամ
հաճոյ ախորժակացդ, յիշեցն ցանձն
քո թէ զինչ բնաւ իցեն դոքա սառ-
դապէս, սկսեալ ՚ի փոքունց մինչև
ցմեծամեծսն: Եթէ սիրիցես անօթ
ինչ բրախ, ասա, թէ զոր սիրեմն ա-
նօթ ինչ հողեղէն է. որպէս զի եթէ
խորտակիցի՝ մի ինչ խռովիցիս: Եթէ
զորդեակ քո սիրես և կամ զկին,
ասա դու ցքեզ, թէ սիրեմ մարդ մի
մահկանացու. որպէս զի եթէ մե-
ռանիցի՝ մի յայլ յայլմէ լինիցիս:

15. Եթէ զայն կամիս զի մանկունք քո և կին և բարեկամք՝ կեցցեն հանապազ, ցնորեալ մոլիս . քանզի այնու կամիս իմն նուաճել իրս՝ յոր չեսն ձեռնհաս, և զօտարին գրաւել: Նոյնպէս եթէ կամիցիս զի ծառայ քո ոչ բնաւ սխալակիցէ, մոլիս, քանզի այսու կամիս իմն զի թերութիւն ոչ լինէր թերութիւն, այլ այլ իմն ինչ: Կամիցիս չեւանել՝ ի դերև ՚ի յուսոյդ . — կարես քաջ . — փափաքեաց այնմ միայնոյ՝ որ չեւանէ ըստ կար ձեռին քո:

16. Մի զայն խնդրեր զի ըստ ըզծից քոց իրքն սրատահեացին, այլ զի որպէս ինչ սրատահինն սրատահեացին, և յաջողեսցիս միշտ:

17. Հանդերձեալք նաւաջու լինել՝ փափագեմք հողմոյ աջողակի՝ զի յառաջեալ երթիցեմք . և մինչդեռ սպասեմք՝ վարանեալ նստիմք, և հայիմք ստէս քննել թէ ուստի հողմն շնչիցէ: «Աւա՛ղ, ասեմք, հանապազ հիւսիսակ է. զի՞նչ օգուտ մեզ ՚ի հողմոյ հիւսիսոյ՝ որ հակա-

ուակ է մեզ: Ե՞րբ շնչեցէ արեւմը-
տեան հողմն »: Բարեկամ, շնչեցէ
նա երբ և կամեսցի, մանաւանդ թէ
շնչեսցէ՝ երբ աեառն նորա կամք
իցեն: Միթէ դո՞ւ իցես իշխան հող-
մոց իբրև այլ ոմն Եւոլոս: Ար ինչ
անկէ է մեզ՝ զայն և եթ արժան է առ-
նել, զայլն ամենայն վարել որպէս
և հանդիպին:

18. Թրասէսա ասէր. Սիրեմ
այսօր ՚ի մահ մասնիլ քան վաղիւ
յաքսոր: Աս որ Ռուփոս եա սա-
տասխանի. « Եթէ իբրև զվատթա-
րագոյն զառաջինն ընտրես, մոլիս,
իսկ եթէ իբրև զաւագոյն՝ ո՞ արար
զքեզ իշխան ընտրութեանդ »:

19. Ար արժանապէս զիջանի հար-
կին՝ իմաստուն է և ճարտար ՚ի գի-
տել զգործս աստուածոցն:

20. Սրբոյ են ինձ միշտ հանդի-
սեալքն, քանզի հաւանեալ եմ թէ
քաջ քան զիս ընտրեն դիք զօգուան
իմ: Վասն որոյ փարիմ զնոքօք, ըզ-
հեա կրթիմ նոցին, և ըսա կամս նո-
ցա ուղղեմ զիղձս իմ և զարժմունս,
զկամս իմ և զերկիւղ սարդաբար

ասել, զոր նոքայն կամին՝ կամիմ և
ևս :

21. Բնութիւն արդարև բարի իմն
է և սքանչելի, որ ուժգնադոյնս յա-
րեցուցանէ զմեզ ընդ կեանս, ասէր
Քսենոփոն: Խնամով դարմանեմք ըզ-
մարմին մեր՝ թէպէտև դժպէտ և
տխեղծ ևս իցէ. այլ եթէ զընկերին
հասանէր մեզ խնամել լոկ միայն
աւուրս չորս՝ անտանելի լինէր:

22. Ճշմարիտ երջանկութեան
սեփհական է յարատևն լինել և
անարգել յամենայն խափանչաց. և
որ զերկոսին զայսոսիկ շնորհս ոչ
ունի՝ չէ՛ նա ճշմարիտ երանութիւն:

23. Չէ պարտ խնդակից լինել ընդ
մարդկան և երանել, բայց վասն այն-
պիսեաց և եթ՝ ընդ որս արժան իցէ
նոցա ուրախանալ, և որք արդարև
խկ արդոյք իցեն և նոցա շահա-
ւէտք: օ

24. Երջանկութեան և ըզձից ան-
մարթ է կալ՝ ի միասին:

25. Ճշմարիտ աւուրք հանդիպից
են քեզ աւուրք՝ յորս փորձու-
թեանց ինչ յաղթեցեր, կամ հա-

լածեցեր, և կամ դոնեայ նկուն ա-
րարեր զգոռոզութիւն, զժպրհու-
թիւն, զչարամտութիւն, զչարա-
խօսութիւն, զնախանձ, զցոխաբա-
նութիւն, զզեղխութիւն, և կամ
զմի յախալից որք բռնացեալ են 'ի
քեզ: Ընդ այս առաւել արժան է
քեզ զոհս մատուցանել, քան եթէ
'ի ձեռս բերեալ էր քո զպատիւ
հիւսպատոսական, և կամ զհրամա-
նատարութիւն բանակի:

26. Զինչ իցէ հասարակացն ուղ-
ղադատութիւն: Զոր օրինակ ամե-
նայն դք ունի լսելիս ինչ հասարակ-
օրէն, որով հաւասար ամենեցուն
ընարէ զձայնս, և զամենայն բար-
բառս զոր խօսիցին. բայց է և այլ
իմն արուեստական լսելիք՝ որ զա-
նազանէ զեղանակս և նշանակէ. այս-
պէս գոյ յամենայն մարդիկ բնա-
ւորական իմն զգացումն, որ եթէ չի-
ցեն այլով իւրիք ախտացեալ յոգւոջ,
հաւասարապէս խելամուտ առնէ
զնոսա ամենայնի որ առաջի առնիցի
նոցա. և բերումնս այս հաւասար
յամենեօրն՝ սա կոչի « հասարակաց
ուղղադատութի կամ զգացումն »:

27. Պահակապանք առ ամենայն
որ մերձենայ հարցանեն զնիշ բանի
անցից. այսպէս արացես և դու.
ամենայնի որ յանդիման լինի սրա-
կերի մտաց քոց՝ հարց զնիշ բանի
անցից, և ոչ հասցեն քեզ յանկար-
ծակի խաբկանք:

28. Ի Հռովմ երթաս հատանելով
զերկայն ճանստարհն, որպէս զի
յաջողեսցի քեզ վարել 'ի հայրե-
նիսդ սաշտօն շքեղագոյն քան զոր
այժմդ ունիս: Իսկ զոր ուղի հատեալ
իցէ քո երբեք վասն լաւագոյն ինչ
կարծիս և վարկ ստանալոյ: Ամ
ընդ ում եղեր խորհրդակից յուղ-
ղութիւն թերութեանց քոց: Երբ
և յոր տիս սկսար քննել զքո կար-
ծիսդ: Անցընդ ամենայն ամս կենաց
քոց, և ահա գացես զի զոր այժմ
առնես՝ զնոյն միշտ արարեալ է քո:

29. Տրիբուն ժողովրդեան եղեալ
ուրուք՝ դառնայ 'ի տուն, և գաա-
նէ զայն ջահալոյց պայծառացեալ,
և խուսն բազմութիւն մարդկան
որք գան շնորհաւոր ասել նմա.
Ֆութայ ելանել 'ի Ասպիտովանն,

զոհս զոհել և շնորհս մատուցանել
զկց : Իսկ ո՞րք 'ի մէնջ շնորհս կալցի
զնոցանէ՝ վասն այն զի ունի ուղղա-
խօհ միտս , և չափաւոր և ըստ բը-
նութեան խլձս :

30 . Որպիսի խնամով քննէ լու-
մափոխն զգրամն զոր տան նմա . զա-
մենայն զգայարանս առ նոյն կրթէ .
զաչս ասեմ և զձեռս , զհոտոտելիս
և զլսելիս . ոչ շատանայ փորձել
զհնչիւն գրամոյն մի անգամ կամ
երկիցս , և 'ի ստէս փորձոյ ձայնիցն
զողցես իմն երաժիշտ լինի : Աւ մէք
ամենեքեան լումայափոխ եմք յերս՝
զորս կարծեմք եթէ անկք իցեն մեզ .
զամենայն ճիգն և զխնամ 'ի կիր
առնումք զի մի արդեօք խաբիցիմք :
Այլ ուր բանք իցեն զմտաց մերոց և
զկարծեաց քննութենէ , զի մի ար-
դեօք արկցեն զմեզ 'ի հրապոյրս
սպարանաց , անդ յոյլք և անհոգք
դտանիմք , իբր այն թէ մեզ ինչ ոչ
սլաաշաճիցին . այսպէս անդէաք եմք
վտանդին՝ որ անտի հասանէ մեզ :

31 . Կալ հանապաղ առաջի ա-
չաց մտացդ զայսոսիկ հասարակաց

առաժառ. « Չի՞նչ ինչ իցէ իմ: Չի՞նչ որ ոչ իցէ իմ: Ո՞ր այն իցէ որ առաւ ինձ: Չի՞նչ համիցին զիքն զի ես դործիցեմ: Եւ զի՞նչ զոր ոչն համին թէ առնիցեմ »: Մինչև ցարդ թոյլ ետուն քեզ վայելէլ ՚ի բարութիւն մեծամեծս. ետուն քեզ ժամանակս անձամբ անձին սարսպելոյ, ընթեռնելոյ, և մտախոհ լինելոյ, գրելոյ զկարևոր իրացս զայսոցիկ, և սպարաստ գոլոյ ՚ի նոյն: Բաւական էր քեզ ժամանակն այն: Եւ այժմ ասեն. « Եկ, մարտիր, հանգէս արա ուսմանդ, երևեցո զանձն քո եթէ ըմբիշ որ իցես՝ մեզ արժանաւոր, ըմբիշ արժանաւոր սասկաց. թէ արդեօք մի՛ ՚ի վասիցն ըմբշամարտից՝ որք ընթանան ընդ երկիր, և ամենայն ուրեք ՚ի սարտութիւն մասնին »:

32. Մի սարժիր բնաւ ընդ եկամուտ առաւելութիւնս ինչ: Եթէ երկուք սարժենալով ասէր, գեղեցիկ եմ ես, ներելի էր արդեօք այլ դու յորժամ ասես սանձալով « Երկուք ունիմ գեղեցիկ », գի-

5002 574-2009
 (5921)
 4443
 4441



տեա, զի պարծիս ունել երկվար
գեղեցիկ: Եւ զինչ յայդմ հայցէ
քո սեփական. բայց եթէ վարելն
մտաբերութիւն խորհրդոցդ: Վասն
այսորիկ յորժամ 'ի վարելն քո
զմիտս՝ սլատկառ հայցես բնութեան
օրինաց, յայնժամ ունիս մասն սլար-
ծանաց, զի պանծաս ընդ քո ինչ
սեպհական:

33. Յորժամ լսեմ կոչել զոք եր-
ջանիկ՝ քանզի հաճոյ է յաչս իշ-
խանին, նախ հարցանեմ եթէ զինչ
գէտ եղև նմա: Ասեն, դաւառա-
տէր կարգեցաւ: — Եւ միթէ միան-
գամայն ստացաւ նա և զամենայն օր
կարևորն է 'ի բարւոք վարչութիւն:
— Արեատորութե, ասեն, եհաս: —
Այլ ունիցի և զամենայն օր ինչ սլե-
տոյն է առ 'ի լինել սլրեատոր: Աչ ե-
թէ իշխանութիւնքն ինչ առնեն ըղ-
մարդ երջանիկ, այլ բարւոքն վա-
րել զնոսին և յօդուտ:

34. Քաջ զգոյշ լեր անձին քում,
զի մի արդեօք տեսեալ զոք մեծա-
րեալ սլատուով, կամ ամբարձեալ
յաւադութիւն, մեծ և կամ բար-

գաւաճեալ զիտորդ և է օրինակաւ,
ձգեալ և սլատրեալ յեռանդանէ:
մտացդ համարիցիս զնա երջանիկ.
քանզի եթէ իսկահան բարիք հաս-
տատեալ են յիրս որ ընդ մերով
իշխանութեամբ են, ոչ ևս նախանձ,
ոչ մախանք և ոչ չարակնութիւն
դամագիւտ լիցին. և դու ինքնին ոչ
ևս կամիցիս լինել ոչ զօրասլետ, ոչ
ծերակոյտ, ոչ հիւսպատ, այլ ա-
ղատ միայն. և մի ևեթ է ճանա-
ստարհ առ ազատութիւնս այս. ար-
համարհելն զիրս՝ որ չիցեն յիշխա-
նութեան մերում:

35. Յամենայնի ստրտ և ար-
ժան է առնել զոր հնարն է, և կալ
մնալ անխրդով և անգորր: Ամբ
են ինձ նաւարկել. և զինչ ստրտի-
ցիմ՝ առնել: Բարւոք ընտրել ըզ-
նաւն, զնաւուղիղն, զնաւատին, զե-
ղանակն, զօրն, զհողմն. ահաւա-
սիկ այս ամենայն՝ ի ձեռս իմ է: Իսկ
մինչ՝ ի խորան խաղամ, և ահա մըր-
րիկ մեծ յառնէ. այնուհետև ոչ
ինձ այլ նաւուղիլն է գործ: Ընկզմի
նաւն յանգունդս, և զինչ ստրտ

իցէ ինձ առնել: Չոր հնարաւորն է՝ առնեմ. ոչ ճիշ բառնամ վայրապար, ոչ աագնապիմ: Գիտեմ, զի որ ծնանի՝ և մեռանելոց է. այս օրէն է հասարակաց. պարտ է և ինձ ուրեմն մեռանել: Չեմ ես յաւերժականն, այլ մարդ եմ, մասն ինչ՝ ՚ի բոլորէն, որպէս ժամ մի մասն ինչ է աւուր: Գայ ժամ մի, և անցանէ. դամ և անցանեմ և ես ըստ նմին օրինակի. չիք ինչ խաիր ընդ օրինակ անցիցն, թէպէտև տենդիւ իցէ, թէպէտ և ջրով. հաւասար է ամենայն:

36. Ի կրկին զանազանեալ բնու թեանց հաստեալ եմք մէք. ՚ի մարմնոյ՝ որով հասարակորդ եմք անբանիցն, և ՚ի հոգւոյ՝ որով հազորդ եմք աստուածոցն: Ոմանք միտեն յառաջին այս յարենակցութիւն, եթէ օրէն իցէ կոչել այսպէս, արենակցութիւն խոտան և մեռելատիւ. և ոմանք հակամէտ լինին յերկրորդն, յարենակցութիւնն այն երանելի և աստուածական. վասն այսորիկ սորբա ազնուախոհք լինին,

խօսի նորա որ բաղմաթիւքն են՝ բերին՝ ի խորհուրդս վատթարս և գեանաքարչս: Ձինչ իցեմ ես: — Այր տրուպ և տառապեալ. և մասնուէնքըս յորոց հաստեալ է մարմինս այս՝ արդարև կարի իմն արկաղկք են և թշուառագոյնք. այլ է ինչ ՚ի քեզ արնուականագոյն քան զմասնիք. և արդ ընդէր բնաւ ասպիտ արարեալ զայսպիսի վսեմական սկողբամբք, յարկցիս ՚ի միս և ՚ի մարմին: Ահա գահավէժք ընդ որ խարդաւանակ լինին գողցես ամենայն մարդիկ, և ահա վասն այսորիկ խօսի են ՚ի նոսին այնքան ճիւղաղք, այնքան գայլք, առիւծք, վագերք, և խողք: Չգոյշ լեր անձինքում, և գուն գործեա չյաւելուէլ զթիւ ճիւղացոյց այգոցիկ:

37. Ճշմարիտ բարին մարդոյ դրտանի միշտ յայնմ մասին՝ որով որոշի յանբանից. եթէ այս մասն քաջ ամբացեալ իցէ և զինեալ, և եթէ առաքինութիւնքն բարւոք զգուշասցին նմա՝ առ ՚ի վանել զթշնամին, մարթ է մարդոյ կալ յասպահովի և անկասկած:

38. Թշուա՞ն իցէ երկվար զի ոչ
երդէ: Ոչ. սյլ երբ ոչն կարասցէ
ընթանալ: Թշուա՞ն իցէ շուն զի ոչ
սլանայ ընդ երկինս: — Ոչ. սյլ ե-
թէ ոչ իցէ քաջ հոտառու: Միթէ
թշուա՞ն իցէ և մարդ՝ զի չկարէ
հեղձուցանել զառիւծունս, կամ
նորանշանս գործել: Ոչ բնաւ. զի
ոչ առ այդոսիկ հաստեցաւ: Սյլ
թշուառ յայնժամ է յորժամ կու-
րուսցէ զհամեստութիւն, զգութ,
զհաւատարմութիւն, զարդարու-
թիւն. և յորժամ դրոշմեալքն յոգ-
ւոջ նորա տխրք աստուածականք՝
'ի բաց ջնջիցին:

39. Ի քո ձեռս է 'ի բարին կըր-
թել զամենայն սպտահար: Մի ևս
ուրեմն ասեր ինձ. « Չինչ արդեօք
հանդիսեսցի »: Քեզ զի՞ փոյթ է՝
եթէ որ զինչ և սպտահեսցի կարի-
ցես դու զայն 'ի լաւ անդր վարել,
և զամենայն սպտահար փոխել 'ի բա-
րեբաստութիւն մեծ: Հերակլէս ա-
սոց երբէք, եթէ մի սպտահեսցի
ինձ առիւծ ահադին և կինձ վիթ-
խարի, կամ արք հրէշաւորք և կա-

տաղիք մի լիցին ինձ դիմամարտք :
Զմէ՞ վշտադնիս . — Եթէ կ'ինձ ահա
ւոր ելցէ քեզ ընդ առաջ , մեծա-
դոյն ևս և առաւել փառօք լիցի կը-
ռիւն : Եթէ հանդիպեսցին քեզ
յուզւոջ արք անհեղեղք և անհամ-
բոյրք , անհետ առնելով զնոսա յեր-
կրէս՝ երախտաւորագոյն ևս գըտ-
ցիս : — « Այլ եթէ մեռանիցիմ » :
Եւ կարի իսկ քաջ . մեռցիս դու ըզ-
գործ դիւցազին գործելով : Եւ զի՞նչ
քան զայդ պանծալի կայցէ :

40. Հերակլէս 'ի փորձ արկեալ
յԵւրիսթեայ , չասէր բնաւ զանձն
վատաբաղդիկ , և կատարէր զգժըն-
դակագոյն հրամանս բռնաւորին :
Եւ դու 'ի դից մատուցեալ 'ի փորձ ,
'ի դիցն ասեմ որ զքեզ ստեղծին ,
աղաղակ բառնաս , քանքարտաս , և
եղիկելի զքեզ ասես : Արպիսի՞ վա-
տութիւն , որպիսի՞ մեղկութիւն :

41. Մահ և աքսոր և այլ ամենայն
որ թուինն քեզ ահագինք՝ առաջի
աչաց քոց կացցեն հանապազօր , և
մանաւանդ մահն . ոչ ևս լիցին 'ի
քեզ խորհուրդք վատք , և ոչ ևս

մոլութեամբ ըղձակաթ խմիք լինիցիս :

42. Յիշեա զի դերասան ես 'ի թատերական խաղի՝ յոր հեղինակ նորին եմոյժ զքեզ, եթէ երկայն իցէ և եթէ հակիրճ: Եթէ կամի զի զձև մուրացիկ աղքատի բերցես, հարկ է քեզ ըստ կարի քու՛մ քաջ կերպարանել զայն: Նոյնպէս եթէ կամիցի քեզ բերել զձև կաղի, կամ՝ զիշխանի, կամ զսոսկականի ուրուք քանզի քեզ անկ է քաջիկ զվիճակեալն քեզ կերպարանել անձն, այլու՛մ է անկ վիճակեցուցանելն զքեզ:

43. Մարթ է քեզ չյաղթիլ բունաւ, եթէ ոչ լիցիս միջամուխ 'ի կռիւ՝ որոյ յաղթութիւն չիցէ գրւխովին 'ի ձեռս քո:

44. Եթէ դեր 'ի վերոյ քան ըզկար քոյին առցես քեզ մասն 'ի թատեր, ոչ միայն անյաջող գտցիս 'ի նմին, այլ և յայնմանէ՝ յորու՛մ յաջողէն մարթէիր՝ վրիպեացիս:

45. Բարեկամ, քննեա նախ զայն որու՛մ փափաքեսդ, և ապա աես

յանձն քո և 'ի բնութիւն՝ եթէ իցէ
բաւական տանել զբեռնն զայն :
Ամփիցիս արդեօք լինել հնգամար-
տիկ կամ սուսերամարտ : Քննեա
զբազուկսդ , փորձեա զազդերսդ
և զկողս . զի ոչ ամենեքեան ծնեալք
եմք առ այն գործ : Համարիցիս ե-
թէ կրթեալ յայդ արուեստ՝ կարի-
ցես այնուհետև ուտել կամ ըմպել
հանգոյն այլոց , կամ նման նոցին
հրաժարել յամենայն հեշտութեց :
Հարկ 'ի վերայ կայ հսկել , վաստա-
կել , հեռանալ 'ի ծնողաց և 'ի բա-
րեկամաց , լինել խաղալիկ մանկան
միոյ , յամենայնի նկուն լինել 'ի
հետամտութեան սրտուոյ և սրշ-
տամանց յատեանս , միով բանիւ
յամենայն գործառնութիւնս : Քաջ
զմտաւ ած զայս ամենայն , և ապա
տես եթէ կամփիցիս այսու օրինա-
կաւ գնել զանգորրութիւն քո , զա-
ղատութիւն և զանվեհերութիւն :
Ապա թէ ոչ կրթեաց զհետ այլում
գործոյ , և մի՛ աղայաբար գործեր . և
մի՛ լիցիս այսօր խմաստասէր , վաղիւ-
համարակալ , և 'ի միւսում աւուր

հռետոր, և յետ այնք հաղարասկեա
լիշխանին. զի չեն այսոքիկ համա-
ձայնք իրերաց: Արժան է քեզ լի-
նել այր մի ևեթ, այր մի ասեմ բա-
րի կամ չար. սարա է քեզ խնամ
տանել այնմիկ՝ որ յանկաւոր իցէ
մարմնոյդ. հարկ է քեզ նկրախլ՝ ի
ստացումն բարեաց ներքնոց կամ
արտաքնոց. այսինքն է՝ հարկ է քեզ
ստանալ զբարս իմաստասիրի և
կամ զառն սոսկականի:

46. Ոմն ջանայ արիբուն լինել,
այլ ոմն սպարապետ զօրաց. խոկ ես
խնդրեմ համեստութիւն և սար-
կեշտութիւն, քանզի ազատ եմ և
բարեկամ աստուածոց, և հնազանդ
լինիմ նոցա բոլորով սթախ: Պարս
է ինձ ուրեմն ոչ մեծ ինչ համարել
զմարմին կամ զինչս, և զպատիւ,
ոչ զհամբաւ և ոչ զօտարոտի ինչ
իրս. զի դիցն կամք են անարգս հա-
մարել զայդպիսիս: Զի եթէ կամք
ինչ էին նոցա՝ առնէին զդոսա ինձ
՛ի բարիս. և զի ոչ այդպէս արարին՝
ասպա չեն դոքա բարիք. և սարս
է ինձ հնազանդել դիցն հրամանաց:

47. Չիք որ որոյ չիցէ ինքնաբոյս
իմն գաղափար և ծանօթութիւն
բարւոյ կամ չարի, վայելչի և ան-
վայելի, արդարոյ և անարդարոյ,
երջանկութեան և թշուառութեան,
և պարտուց՝ կատարելոց կամ հեղ-
գացելոց: Իսկ արդ ուստի՞ իցէ այն
ղի յաճախ պատրին մարդիկ՝ երբ
զառանձինն ինչ զգործոց դատաս-
տան առնիցեն: — Յայն սակս, որ-
պէս՝ ի վեր անգր ասացի, զի չարա-
չար վարեմք զհասարակաց ծանօ-
թութիւնս մեր, և գատեմք զաղ-
փաղփուեն և կանխակալ ինչ կար-
ծեօք: Ամենեքին առ հասարակ
'ի կիր առնուն զբառքս՝ դեղե-
ցիկ, բարի, չար, լաւ, արդար,
անարդար, մինչ չև ուսեալ քաջ և
կշռակի՝ ի վար արկանել զայնոսիկ
աստի ծնանին կազք և կռիւք և պա-
տերազմունք: Ես ասեմ. « Արդար
է այս » . այլ որ ասէ. « Այդ անի-
րաւ է » : Չիարդ միաբանել, կամ
որ կանոն իցէ մեզ ուղիղ դատելոյ:
Վճարիցի՞ արդեօք կարծեօք: Այլ
աւագիկ մեք երկօքեան և իւրաքան-

չիւր զիւր կարծիս ունի հակառակ :
Եւ գարձեալ զիւրդ հնար իցէ կար-
ծեաց լինել դատաւոր անբոյժ : Ձի-
ցե՛ն և յիմարաց՝ իւրեանց կարծիք :
Եւ սահայն հարկ ՚ի վերայ կայ զի
իցէ ինչ կանոն անսխալ առ ՚ի ճա-
նաչել զճշմարտութիւն . քանզի ան-
մարթ է դից թողուլ զմարդիկ իս-
պառ յանգիտութե սարտուց իւ-
րեանց ՚ի կենցաղավարելն : Ելցուք
ուրեմն ՚ի խնդիր կանոնիս այսմ, ո-
րով կարեմք միայն ճողոպրել ՚ի մե-
րոց վրիպանաց, և բուժել զժպրը-
հութիւն և զյիմարութիւն կար-
ծեաց : Եւ է կանոնս վերընծայել
տեսակին զհանգամանս՝ զոր տամք
սեռին, զի այսու աշխարհածանօթ
և վկայեալ հանգամանօքս ուղղեա-
լցուք զկանխակալ կարծիս մեր զմէն
մի առանձնակի գործոց : Օրինակ
իմն, ունիմք զգաղափար բարւոյ . և
խնդիր է զհեշտութենէ, եթէ իցե՛
բարի . քննեսցուք ընդ այսմ գաղա-
փարի և ՚ի նժարս նորին կռեսցուք :
Եւ կռեալ իմ նշանակօք բարւոյն՝
որ ենն կշիսք իմ, գտանեմ թէ՛թ և ,

և 'ի բաց ընկենում. քանզի բարին
հաստատուն իմն է և քաջ քաջ
ճանրակշիռ :

48. Որպէս վաճառական ոչ մեր-
ժէ զգրամ զուտ և արքասպասակեր ,
նոյնպէս և հողի ոչ մերժէ բնաւ
զճշմարիտ բարին : Ընդունի յաճախ
և զկեղծեալ գրամս , բայց 'ի պատ-
կերէ անախ իշխանին պատրեալ ,
անհամուտ գոլով 'ի ճանաչել զխար-
դաւանան :

49. Ո՞ր իցէ գրամս այս : — Տրա-
յիանու : — Ընդունելի է ինձ և պա-
հեմ իսկ զայն : — Ներոնի . — Մեր-
ժեմ զայն և գարշիմ : Այսպէս արա
զբարեաց և զչարաց : Ո՞ր իցէ դա : —
Այր մի քաղցրահամբոյր , ընկերա-
սէր , բարերար , համբերատար ,
մարդասէր : — Ընդունիմ զնա և
առնեմ ինձ քաղաքակից , գրակից ,
բարեկամ , ընկերակից և հիւր : —
Եւ ո՞ դա իցէ : Այրն որ զնամանու-
թիւն իմն բերէ զՆերոնի , դժնեայ ,
չարագործ , անհաշտելի , և աննե-
րող ամենեին : — Հերքեմ ես զնա
'ի բաց : Եւ ընդէր ասացեր բնաւ

դնա մարդ : Մարդ որ դժնեայ , քի-
նախնդիր և ցասկոտ , չէ նա մարդ .
որպէս և ոչ խնձոր մոմակերտ՝ իցէ
խնձոր , զորոյ զձև և զգոյն և եթ
ուշի :

50 . Խորհիս դու միայն բնակել
յապարանս , և խուռն բազմութիւն
ծառայից ունել զքե 'ի սպասու ,
փերևեալի մեծածախ հանդերձիւք ,
դասս որսականաց ունել ընդ քեզ ,
և երաժշտաց և գուսանաց պարս :
Նախանձիցիմ քեզ վասն այգոցիկ :
Այլ իցէ քո բարգաւաճեալ զբան
մտացդ . ջանացար ստանալ ողջամիտ
կարծիս . կրթեցար զհետ ճշմար-
տութե : Եւ առ իմէ զչարիցիս ընդ իս
զի դերազանց եմ յիրս յորս դուն
անխոյթ եղեր : — « Այլ իրդ այդ մե-
ծամեծար է և ծանրագին » : Ազնիւ ,
զի զգաս դու զայդ . — իսկ ո՞ արգե-
լուցու զքեզ կրթել զհետ նորին :
Փոխանակ որսականացդ , և երա-
ժրշտաց և գուսանաց՝ արք իմաս-
տունք ահուժե առցեն զքե : Ո՞վ որ
առաւել քան զքեզ կարիցէ գտա-
նել պարասլ , գիրս և հրահանգիչս :

Արդ սկիզբն արա, ծախեա և տուր
զգոյզն մի մասն ժամանակիդ՝ ի մշա-
կուծիւն բանիդ: Պարզաբար ասել,
ընտրեա՛: Աթէ յաւելուցուս անձ
նատուր լինել յարտաքինս և եթ,
ուշիցիս արդարև ինչս և կարասիս
անզուգահանս և սրայծառս քան
զայլոց. այլ աղքատին բան քո այդ-
սէս ամայի թողեալ՝ կացցէ մնասցէ
նկուն, տխեղծ և աղաւղի:

Տ1. Կորուսեր զինչս, զխաղ, զե-
րաժշտութիւն և զհեշտալիս. և հա-
մարիս դու զայդ մեծ իմն կորուստ,
և ոչ կարես մխիթարիլ: Այլ յոր-
ժամ կորուսեր զհաւատարմու-
թիւն, զպարկեշտութիւն, զքաղ-
ցրութիւն և զհամեստութիւն, ըզ-
կորուստ սոցա ոչ ինչ համարիս:
Ա սակայն արտաքին բարիք յո-
տար իմն և բռնագատեալ հարկէ
կապտեցան ՚ի մէնջ, զորս չունեին
և ոչ կորուսանեին ամօթալի է:
Իսկ զսոսա զներքին բարիքս՝ առ
մեղս մեր կորուսանեմք. և որսէս
ամօթ և ցաւ է չունեին զնոսին, նոյն
սէս ամօթ մեծ է և ցաւ անհարին
թէ որ կորուսանիցէ:

Յ2. Ոչ որ կարէ լինել աստիրատ
և մոլիառանց ինչ ստուգապէս կու
րուսանելոյ և մնասելոյ :

Յ3. Բնական իմն է և արդարացի՝
զի որ սրտի մտօք զհետ կըթիցի ի
միք՝ յաջողեացէ և 'ի նմին, գերա
զանցելով զայլովք՝ որոց չիցէ նոյն
փոյթ : Ոմն զամենայն զկեանս իւր
տքնի 'ի կուտել մթերել և եթ ինչս
և յառաջել. այն ինչ յարուցեալ
'ի քնոյ՝ խորհի թէ զիարդ հնարեացի
չողոմս առնել՝ պաշտօնեից իշխանին
կամ գրանկան սիրելոյ, փարեալ
քծնի առ նորօք, փաղաքչի, և կաշա
ռակուրծ և սառնէ : Յաղօթս իւր և 'ի
զոհս՝ ոչ այլ ինչ խնդրէ 'ի զից բայց
եթէ հաճոյ լինել նոցա : Յամենայն
երեկոյի առնէ քննութիւն խղճի
մտացն, յոր ինչ իրս թերի գտայ
զինչ արարի. զիւ իւր զոր պարան
է առնել՝ զանց արարի : Մուացայ
արդեօք ասել տեսան խնում շողո
մարար ինչ բան՝ ընդ որ հաճէրն :
Թուեալ արդեօք յանխորհուրդս 'ի
չըթանցս բան ճշմարտութեան՝ ընդ
որ ոչն հաճէր : Միթէ մուացայ դը

բուտաւել զթերութիւնսնորա, կամ
գուլել զանիրաւ ինչ կամ զվատթար
նորա գործ : Աթէ ըստ դիպաց վրի-
պեացէ 'ի բերանոյն բան արժանա-
ւոր առն բարւոյ և ազատի, քըրթ-
մընջէ, սարջանայ և կորուսեալ հա-
մարի զանձն : Ահա այսպէս յառա-
ջագէմ լինի նա, և մթերէ ինչս : Իսկ
գու ոչ շողումես ումէք . չհարկանիս
'ի քծինս, մշակես զողիդ, և գուն
գործես ստանալ ուղղախոհ կար-
ծիս . քննութիւն խղճիդ յոյժ այլ
ազգ իմն է յառաջնոյն : Հարցանես
ցանձն քո . « Միթէ արարի՞ ասպիտ
ղիւլք որ անկ էր ճմարիտ երջան-
կութեան, և հաճոյական դից :
Յանցեայ ինչ արդեօք բարեկամու-
թեան, ընկերութեան և արդարու-
թեան : Արարի՞ արդեօք զանց զոր
արժան էր առնել առն լաւի » : Այս
պիտի խղճս հակառակս, դգացմունս
ընդդիմակս և զանազանեալ ունե-
լով ջանս, զմէ՞ դժկամակիցիս եթէ
ոչ հաւասար նմա յաջողիցին քեզ
ստացուածք ընչից . կամ զմէ՞ չար-
ակնիցես ընդ այն . մինչդեռ 'նա ան-

երկբայապէս բնաւ իսկ ոչ նախան-
ձի ընդ քեզ : — Այս են իրացդ
պաաճառք . զի նա խորասուզեալ 'ի
հուրութեան և 'ի տգիտութեան՝ ա-
մենեւիմբ հաւանեալ է եթէ վայելէ
զստոյդ բարիս . իսկ դու տակաւին
աղօտ աղօտ լուսով , և զազիազիուն
'ի սկզբունս , ոչ բաւես քաջիկ տե-
սանել և հասու լինել եթէ երջան-
կութիւն 'ի քո կողմն է :

Տ4 . Չիք ինչ այնպէս յաճախ տե-
սանել որպէս աւագորեար որք կար-
ծեն զինքեանս հմուտս յամենայնի ,
թէպէտ և 'ի յոյժ կարևորացն իսկ
դիտութենէ զուրկք են : Եւ զի յըզ-
միացեալք են մեծութեամբ և չեն
լիմբ կարօտ , կարծեն թէ և չիցէ ինչ
պակաս 'ի նոցանէ : Չայս ասէի յա-
ւուր միում միոյ 'ի դիւսաւորաց նո-
ցին . « Հաճոյ ես յաչս իշխանին . ու-
նիս յանձանձիչս հզօրս , և դաշնա-
կիցս մեծամեծս . հռչակաւ անուանդ
կարես օգնել բարեկամացդ , մնասել
թշնամեաց : — Եւ արդ ի՞նչ իւրք պա-
կաս իցեմ . եհարց ինձ : — Կարևո-
րագոյնն և պիտանեգոյն 'ի ճշմարիտ

էրջանկութիւն՝ պակասէ քեզ. և մինչև ցարդ զոր ոչն էր քեզ վայել՝ զայն արարեր. ահաւասիկ այս են իրք հարևորք: Բնաւ գիտես իսկ ոչ թէ զինչ գիքն իցեն, և զինչ մարդս. ոչ գիտես զբնութիւն բարւոյ և չարի. և որ առաւել յասլշութիւն կրթիցէ զքեզ՝ այն է, զի չճանաչես և զանձն քո »: Աւանդ, խուսափես դու և ցասնուս ընդ իս զի այսպէս համարձակասես լինիմ: Չինչ չար արարի քեզ. ոչ աստաքէն հարկառեմ քեզ զհայելին՝ որ երևեցաւ ցանէ զքեզ որպէս և եսդ:

ՅԾ. Ազնուականութիւն մարդոյն յառաքինութենէ և ոչ ՚ի զարմէն է: « Պատուականագոյն եմ քան զքեզ, զի հայրն իմ հիւսպատ էր. ես արիբուն եմ, և դու ոչինչ ես »: Ա՛վ սիրելի, եթէ էաք մեք երկուք երկու, և ասէիր ինձ, « Հայրն իմ երագրնթաց էր քան զամենայն երկվարս ժամանակին. և են իմ խոր բազում և դարի շատ, և կազմածք շքեղ. » ասացեալ էր իմ ցքեզ. « Բարի է, այլ եկ ընթացուք »: Միթէ

չիցէ՞ ինչ մարդում՝ սեպհականա-
գոյն, որպէս և երիվարի՝ ընթացք
իւր յորմէ մարթիցէ ճանաչել ըզ-
ձիրս նորին և կշռել զգինն : Եւ
չիցէ՞ն այսպիսիք սրահեշտութիւն,
հաւատարմութիւն և արդարու-
թիւն : Արդ եկ ցոյց ինձ զգեր՝ ի վե-
րոյ լինելդ յայսոսիկ քան զիս • ցոյց
ինձ, ի՞նչ պիտանեգոյն քան զիս ի-
ցես իբրև մարդ : Եթէ ասիցես,
« Գիտեմ զաւրնչալ, կարեմ աքսու-
տել » • ապ քեզ պատասխանի, զի
պանծաս ձրիւք որ սեպհական են
իշոյ և ձիոյ, այլ ոչ մարդոյ :

56. « Պրետորեմ յԵլլագայ » : —
Ի՞նչ պրետոր : Եւ գիտիցէս դատել •
նձր բնաւ ուսար զայդ ուսումն : —
« Վկայութեան գիր ունիմ զՎեսա-
րու » : — Իսկ եթէ Վեսար տայր
քեզ հրովարտակ դատաստան առ-
նելոյ զերաժշտութենէ, որոյ ու-
սեարդ իսկ չէ և ոչ զնշանակ խա-
ղիցն, զինչ արդեօք առնէիր, և
առ ինչ լինէր քեզ այն պիտանա-
ցու : Այլ թողցուք զայդ, և հար-
ցից և եթ զքեզ, թէ որով օրինակաւ

մտեր 'ի պաշտօնդ : Ո՞ ստացաւ քեզ
զայդ • զո՞ր ձեռն համբուրեցեր •
կամ յորո՞յ դրան ագար • դու ո՞ւմ
խթեցեր կաշաւս : Որսլիսի՞ նուաս-
տու թեամբք , որսլիսի՞ անարգանօք
կամ որո՞ւ ստու թեամբք ստացար
դու զայդ :

57. Ձրի ումք չտայ ինչ որ :
Կամի՞ս ամբտունալ 'ի պատիւ հիւ-
պատոսական : Հարկ է հեռամուտ
լինել , աղաչել , թախանձել , համ-
բուրել զձեռս սորա կամ զնորա ,
տուայտիլ 'ի սեանս դրանց • գալ
ընդ բազում նուաստութիւն և գար-
շանս , և զօր ամենայն առաքել նո-
րանոր պարգևս : Եւ զինչ իցէ հիւ-
պատն լինել : — Տալ կրել առաջի
իւր երկոտասան խուրձս դաւաղա-
նաց , նստել երկիցս կամ չորիցս
անգամ 'ի բեմի , տալ խաղս և խը-
րախճանս ժողովրդեան • ահաւա-
սիկ ամենայն : Իսկ առ 'ի լինել ա-
զատ 'ի կրից և 'ի յուզմանց , առ 'ի
ստանալ զանյողզողութիւն և զմեծ-
անձնութիւն , առ 'ի ննջել 'ի նրն-
ջէլն , և հսկել 'ի հսկէլն , առ լի-

նել անվիշտ և աներկիւղ, դու և ոչ
մի ինչ կամիցիս աաւ. և ոչ առ փոքր
մի բնաւ նեղիլ: Գու ինքնին դաաեա
զանձն քո եթէ ունիցիս իրաւունս:

ՅՑ. Նախամեծար քան զքեզ ա-
բարին զոք 'ի խնջոյս, կամ 'ի խոր-
հըրդեան կամ յայցելութեան: Ե-
թէ բարիք ինչ իցեն նախապատու-
ութիւնքդ, որարա է քեզ խնդալ
զի վիճակեցան ընկերի քում: Իսկ
եթէ չարիք, մի որամեսջիր զի ա-
զատ իցես յայնցանէ: Բայց զայս
գիտասջիր զի առ 'ի ստանալ զայն
որ ոչն կախի զմէնջ՝ անհար է քեզ
որ չառնես զայն ինչ զոր առնեն
ընդունողք նոցին, մասնակից նոցին
գող: Քանզի զիա՞րդ հար է որում
ոչն երբէք երթայ 'ի գուռն մեծի
իշխանի՝ գտանել շնորհս հաւասար
այնմիկ որ զոր ամենայն յաճախէ
առ նա. այնմ որ ոչ զհետ երթայ
նորա՝ յորժամ ելցէ ի տանէ, ընդ-
այնմ որ ընկերակից լինի նմին. կամ
այնմ որ ոչ շողոմէ նմին և ոչ գովէ,
ընդ այնմիկ որ անգագար շողոքոր-
թէ և գովեսաս բարբառի: Անիրաւ

ուրեմն ես և անյագ, եթէ չտալով
ինչ յայնցանէ որովք գնեալ լինին
չնորհքք՝ կամիցիս ստանալ ձրի :
Քանոց վաճառի հազար 'ի շուկայի .
— Լումայի միոյ : — Եթէ գրացին քո
տայ զլումայն և գնէ զհազարն , և
դու չտաս ինչ և դառնաս առանց
հազարի , մի համարիցիս նուազ ինչ
քան զնա ունել . զի եթէ նա ունի
զհազարն , ունիս և դու զլումայդ
զոր ոչ ետուր : Այսպէս և աստա-
նոր : Ոչ հրաւիրեցար դու 'ի խըն-
ջոյս : — Սակայն և ոչ ետուր կոչ
նատեառն զգինս խնջոյիցն՝ որով
վաճառէն : Եւ է գինն գովեստ ինչ ,
կամ այցելութիւն , կամ հաճոյք
ինչ և կամ ծառայութիւն : Տուր ու-
րեմն զգինսն՝ եթէ ստանալ կամի-
ցիս : Իսկ եթէ առանց գնոյ կամիցիս
ունել վաճառս , անյագ ես և պան-
դոյր : Այլ չիցէ քեզ ինչ որ փոխա-
նակիցէ զխնջոյսն՝ յորում չգտաւ
քեզ տեղի : Է քո արգարև ինչ որ
առաւել արժէ քան զխնջոյսն . այն
է չգովելն զնա յակամայս , և ոչ
առ գրան նորա հանդուրժել՝ դո-

ուողութեան և ժպրհութեան նորին :

59. Եթէ ստգտանս ինչ համարիցիս նախախնամութեան , մուտ 'ի ներքս 'ի քեզ , և անբասիր արասցես զնա : Ի՞նչ իւրիք չարագործն յօրանայցէ առաւել քան զքեզ : Միթէ մեծութեամբքն : Այլ քննեա քաջ զներքինն նորա , տես որպիսի կեանս վարէ , և ծանր համարիցիս նմանել նմա : Զայս ասէի յեռանդն՝ ցերիտասարդ ոմն , որ դժկամակ լինէր ընդ բարեբաստութիւն Փիլոստորդեայ : « Միթէ կամիցիս ասեմ , նրն ջեւ ընդ Սուրայի » : — Օ՛ն և Օ՛ն արասցեն ինձ դիք , սլատասխանեաց , լաւ եւս իցէ ինձ մեռանել : Արդ ընդէր ուրեմն դժկամակիցիս եթէ Փիլոստորդոս ընդունիցի զգինս վաճառոյն որ առ Սուրայի . կամ ընդէր գրիցես զնա բարեբաստիկ վասն իւրաց յորոց խորշիսն և գարշիս դու : Ի՞նչ զրկեաց զմեզ նախախնամութիւն՝ 'ի տալն զընարեւադոյնն յիւրոց տրից : Զիցէ՞ արդեօք իմաստութիւն սլատուական քան զճոխու-

Թիւնս : Մի արդ քրթմնջեր , զի ունիս զսպասուականագոյնն :

60. Իբրև զև զաջացու ես և անիւրաւ : Կարես դու ինքն իշխան լինել , և կամիս բիւրուց իրաց ներքոյ անկանել որք չեն քեզ բնիկք , և որք օտարացուցանեն զքեզ 'ի ստոյգ բարւոյգ :

61. Ոչ կարես լինել ոչ Հերակլէս և ոչ Թէսէոս , առ 'ի սրբել զերկիր 'ի հրեշից . այլ գոյ քեզ հընար զնմանութիւն բերելոյ նոցին , սրբելով զանձնդ 'ի հրեշից անախ որք 'ի ներքս 'ի քեզ են : Ի ներքս 'ի սրախդ բունեալ կան կինձն և առիւծ և վիշապն բազմագլխեան , աղէնուածեա զգոսա : Փոխան Պրոկուստեայ և Սկիրոնի , ընկճեա զցաւս , զերկիւղ , զընչաքաղցութիւն , զնախանձ , զչարահամութիւն , զադահութիւն , զմեղկութիւն և զուայտութիւն : Միակ հնար նուաճելոյ զհրեշքդ՝ այս է , ունել յանդիման աջաց զգլխն , յարիլ 'ի նոսին , նուերել նոցա զանձն , և նոցին և եթ հրամանաց հսպատակ կալ :

62. Թօթափեաց ուրեմն զլուծդ ,
և ազատեալ 'ի դերու թենէ՝ ամբարձ
զաչս քո յերկինս , և ասա ցԱս-
տուածն քո . Հրամայեա ինձ որպէս
և հաճոյ իցէ քեզ , և ոչ մերժեցից
յամենայնէ զոր ինչ կամիցիս առա-
քել ինձ , և արդարացուցից զկամս
քո առ ամենայն մարդիկ :

63. Փոխան շնթելոյ առ ծերունի
ձօխ , յաճախեաց առ իմաստուն :
Այս ընտանութիւն չածէ երբէք
զքե շառագունանս , և ոչ բնաւ
ունայնաձեռն ելցես դու անտի :
Եթէ ինձ ոչ հաւատաս , աղէ փոր-
ձեա . զի առանց ամօթոյ է փորձդ
այդ :

64. Զքոյն քաջ պահեա , և օտա-
րին մի ցանկար . և ոչ ինչ ոչ լիցի
քեզ խոչընդոտն առ 'ի լինելոյ եր-
ջանիկ ,

65. Յիշեա զի պարտ է քեզ վա-
րել 'ի կենցաղումս որպէս թէ 'ի
խնջոյս : Սկուտեղ ինչ բերա՞լ քեզ
առաջի : Զգեա զձեռն քո վայելա-
պէս և սա համեստաբար : Բառ-
նայցեն 'ի բաց . — Մի բուռն հար-

կանկրէս զմամնէ: Տակաւին ոչ մա-
տուցաւ .քեզ. — մի ձգտիր փափա-
քանօք, այլ սպասեա մինչև հասցե-
առ .քեզ: Այսպէս վարեալիր ընդ
մանկուանսդ, ընդ կնոջ, ընդ սաշտա-
մունս և ընդ սրտիւս և ընդ մեծու-
թիւնս, և եղիցիս արժանի դից ան-
գամ սեղանակից լինելոյ: Իսկ եթէ
յառաջի դնել գոցին .քեզ՝ դու ոչ
առնուցուս, այլ և խտաիցես, յայն
ժամ ոչ միայն սեղանակից լիցիս
դից, այլ և ընկերակից և թագա-
կից. քանզի այդու օրինակաւ Ղիս-
դինէս և Հերակլիդէս և այլք ոմանք
յիրաւի գերաշխարհիք եղեն, և
ընդ ամենայն աշխարհ այդպէս ծա-
նուցան:

66. Սիրէր Սոկրատ զմանկունս
իւր, այլ սիրէր ազատօրէն, իբրև
մարդ որ յիշեցէ եթէ զդիս արժան
է սիրել ՚ի վէր քան զամենայն: Եւ
վասն այսորիկ չարար և չասաց ինչ
երբէք անարժան ան բարւոյ, ոչ
առաջի դատաւորաց ի սաշտապանել
անձինն, ոչ մինչ տաննակալն էր,
և ոչ իսկ ՚ի սրտաւերազմի գոլով: Իսկ

մեզ՝ ամենայն ինչ պատճառք համարեալ են նուաստութեան և վատութեան. և որդի և մայր և եղբայր: Այլ չէր սրբա չէր արժան մեզ երբէք ՚ի թշուառութիւն կործանել վասն այլոյ. այլ ընդհակառակն ՚ի դէպ էր վարել զամենայն յերջանկութիւն մեր, և զաստուածսն գլխովին՝ որք յերանութիւն հաստեցին զմեզ:

67. Մի և վասն միոյ իրիք ասիցես. « Կորուսի զայն » . այլ ասա. « Հատուցի » : — Մեռա՞ն որդինքո՞ : — Հատուցեր զայն : Կի՞նքո մեռաւ : Հատուցեր զայն : Զերկիր կալուածոցդ բարձի՞ն ՚ի քէն : Իարձեալ և այն փոխատրութիւն է : Այլ ապառում ոք էր որ զքեզն կողոպտեաց : Եւ զի՞ փոյթ քեզ եթէ այսու կամ այնու ձեռամբ եբարձ ՚ի քէն տուողն զաուրախւր : Յորչափ ՚ի ձեռս քոյ է՝ վարեա զայն ՚ի սէտս քո իբրև զոչ քոյ, այլ որպէս անցաւորք որք վարիցին անօթօք պանդոկի :

68. Համարեաց թէ վարէր քա-

զաք ըստ սկզբանց Յախիզուրեայ, և
ահա ամենայն ինչ վեր 'ի վայր շըր-
ջեր, ամենայն ինչ կերպարանափոխ
լինէր. անդ ոչ ամուսնութիւնք, ոչ
դատաւորք, ոչ վարժարանք, ոչ
ուղղութիւն, և ոչ հրահանգք: Ար-
տասահման լիցին անախի բարեպաշ-
տութիւն և սրբութիւն, արդարու-
թիւն և համեստութիւն: Անդ ա-
մենայն ոք զհետ կրթիցի վաստար
վարկածոց որք կորուսա բերեն. քա-
ղաքաց, և որոց կանայք անգամ
և կարի իսկ շքթեալք՝ հանդուրժել
ոչ կարիցեն: Իսկ 'ի քաղաքի որոյ
վարչութիւն իցէ ըստ սկզբանց բա-
նին թելադրելոյ, ամենայն ինչ բա-
րեկարգ ամենայն ինչ ուղիղ եղիցի.
Անդ ամենայն ոք ողջաստ հար-
ժեաց զհետ երթիցէ. ամենայն ա-
ռաքինութիւնք 'ի սրատուի կալ-
ցին, արդարութիւն ծաղկեսցի, քա-
ղաքական տեսչութիւն ամենևին
անստգիւտ եղիցի. անդ ամուս-
նացին և ծնցին որդիս, կրթիցեն
զնոսին, և ծառայեսցեն աստուա-
ծոց: Անդ այր գոհ լիցի ընդ կին

իւր, և ոչ ևս ցանկացի կնոջ ընկերի. շատացի ընչիւք իւրովք, և ոչ ակն դիցէ այլոցն: Միով բանիւ անդ ամենայն պարտք լիով կատարեսցին, և ամենայն զօրք միութեան անխզելի կացցեն:

69. Ահաւազիկ և երրորդ խմն.
« Կրիտոն, անցցուք ընդ այս անվէհեր սրաիւ, զի դէք ընդ գա առաջնորդեն մեզ, և կոչեն: Անխոտս և Մեղիտոս կարեն զիս 'իմահ մաանել, այլ չար առնել՝ ոչ »:

70. Կայ հաստատուն 'ի հրահանգս այսպիսեաց խմաստից, և հտառակ կաց որպէս օրինաց՝ զորոց և զփոքումբ իսկ զանց առնել ամպարչտութիւն իցէ. և մի ինչ զչարիցիս ընդ ասացեալսն զքէն. զի այդ չէ ընդ քոյով իշխանութեամբ:

Գ Լ Ո Ի Խ Բ .

Յաղագս Ընչաւ-էրո-Բէան :

71. Չափ ընչից իւրաքանչիւր՝
մարմինն է , որսէս չափ կօշկի՝ ոան :
Եթէ զհետ երթիցես այսմ կանոնի ,
կալցես հանասաղ չափ արգարակ-
իսկ եթէ զանցանիցես՝ կորուստ է
քեզ , և հարկ հասցէ գահավէժ լի-
նել յանգուեզս իմն անյատակս :
Այսպէս և 'ի կօշկին , եթէ գամ մի
զանցանիցես զչափու ոտիցդ , նախ
ունիցիս կօշիկս ոսկէզօծս , ասար
ծիրանեայս , և յետոյ ուրեմն և
ասղնէգործեալս խնդրիցես . զի ան-
ցելոյն ըստ չափ՝ չիք չափ :

72. Ընչաւէտ լինել չես ձեռն-
հաս , այլ կարես լինել երջանիկ :
Ճոխութիւնք ինքնին չեն միշտ բա-
րիք , այլ սատուիւ են միշտ սակա-
ւատեք . իսկ երջանկութիւն որ յի-
մաստութենէ անտի՝ անանցական է :

73. Աեանք որ ընդ բաղդին սա-
հեալ գնան՝ նման են ջրոցն հեղեղա-

աի, որ հանապազ սղտորք են և
աղմուտ, մնասակար, սարսուռաւեր,
վրդովլալից և անցաւոր. իսկ հողի
որ առաքինութեամբք անանիցի՝ նը-
ման է աղբեր որ բղխիցէ հանապազ
ջուր ականակիտ, վճիտ, առողջա-
րար և առատաբուղիս, և որ ոչ
բնաւ ցամաքիցի:

74. Ստացար քեզ առատապէս
ինչս գեղէցիկս, անօթս ունիս բա-
զումս ոսկիս և արծաթիս. փար-
թամ ես. բայց զուրկ ես ՚ի լաւա-
գունէն. որ է հաստատութիւնն,
հնազանդէն հրամանաց դից, ան-
գորրութիւն, և ազատութիւն յա-
մենայն հոգոց և յերկեղէ: Իսկ ես
թէպէտ և յետին յաղքատաց իցեմ,
ընչեղագոյն եմ քան զքեզ: Ձէ ինձ
փոյթ թէ չունիցիմ պաշտպան յար-
քունիս, թէ ստգտանիցէ որ զիս առ-
իշխանին. ես ոչ զորք շողմեմ: Աւ-
ահա զայս ունիմ փոխանակ ամե-
նայն ընչից: Ունիս դու քեզ անօթս
ոսկիս և արծաթեայս, այլ ամենայն
խորհուրդք քո և փափաքք և մի-
տումն քո համայն և ողջոյն իսկ
գործք քո՝ կաւեղէնք են:

75. Այնքան դժուարին է մեծա-
տանց ստանալ իմաստութիւն, որ-
քան իմասանոց՝ զինչս :

76. Ոչ էթէ աղքատութիւնն ինչ
վշտացուցանէ, այլ իղձն. այսպէս
ոչ ընչէղութիւն թափէ զանձն յեր-
կիւղէ՝ այլ բան :

77. Եթէ տեսանէիր զիժ կամ
զօձ յոսկեղէն տփի՝ միթէ առաւելա-
շնորհ իմն համարէիր զնա. միթէ
ոչ զնոյն կրէիր երկիւղ վասն ապի-
րատ և թունալից բնութեան նորին :
Զնոյն խորհեաց և վասն անողբամին՝
էթէ տեսանիցես զնա լցեալ մեծու-
թեամբք :

78. Մի զարդարեր զտուն քօ
սպասկերօք և գունագեղ նկարօք,
այլ համակ փայլեցն անդ զիմաստու-
թիւն և զչափաւորութիւն : Պատ-
կերքն խաբեբայք են՝ ի զբօսանս և
՛ի սատրանս աչաց. իսկ իմաստու-
թիւնն զարդ է հաստատուն, իրա-
կան և տեական :

79. Ճօխ և բազմասլայծառ կա-
րասեօք զարդարել զտուն՝ սէր է
չւայլութեան. այլ սլձնել զհողին

լաւու թեամբ առատամտութեամբ
և արդարութեամբ՝ հոյակապ և բա-
րեբարոյ յարդարէ զմարդ :

80. Միտէ մանուկ զձեռն յաման
նեղաբերան յորում կայցեն կաղին
և թուղ, և առնու լիաբուռն, և ոչ
կարելով ճողոպրել զձեռնն աւլը-
ցեալ՝ սկսանի լալ : — « Արդեակ իմ,
թող զկէսն, և շատ իսկ լիաձեռն
հանցես » : Այսպիսի ոմն ես գու-
տղայ. բազմաց փափաքիս և ոչ կա-
րես ստանալ. փոքու իմիք ցանկա՛, և
դացես :

81. Մնհանձար է ասել. Մեծա-
տուն եմ քան զքեզ, ուրեմն և լա-
ւագոյն քան զքեզ. ճոխաբան եմ
քան զքեզ, ապա և արդոյ քան
զքեզ : Եթէ կամիս խօսել իմատ-
նաբար՝ ասա՛. Ընչեղ եմ քան զքեզ.
ուրեմն և ինչք իմ առաւել են քան
զքոյդ. ճարտարախօս եմ, ուրեմն
և ասացուածն իմ արդոյ քան ըզ-
քոյդ : Սակայն դու ոչ բարիս ունիս
և ոչ ասացուած ընտիր :

82. Եթէ արկանիցէ ոք ՚ի հրա-
պարակի թուղ կամ կաղին, ողորկն

մանկուհիք ընդ իրեարս առ 'ի կոր-
զել զայն . իսկ արք անցանեն ան-
փոյթ : Վարչութիւնս դաւառաց
քաշխեն . ահա և այդ մանկանց : Պա-
տիւք պրեատորականք և հիւսպատու-
տութիւնք . ահա և այդ մանկանց :
Համարիմ ես զայդոսիկ թուղ և
կաղին . յորոց եթէ անկցի ըստ դի-
սկաց 'ի վերայ հանդերձիս՝ առնում
և ուտեմ . այս չափ ինչ արժէ և ոչ
աւելի . այլ ոչ ընդգճեալ ընդգո-
գեցից զայն , և ոչ վասն այնորիկ
արմնկցի մկեցից զօք :

83. Յիշեա զի ընչեղք և բռնա-
ւորք և թագաւորք ընծային 'ի հան-
դէս ողբերգական . իսկ աղքատ բը-
նաւ ոչ երևի 'ի թատեր ուրէք ,
բայց եթէ 'ի սարս երգեցկաց և կա-
քաւչաց : Թագաւորքն բարեյաջօղք
հանդիսանան 'ի սկզբան անդ . ա-
մենայն ինչ զուարթ է զնոքօք , ա-
մենեկն սրատուեալք և մեծարեալք .
քաղինք կանգնին նոցա , և յարդա-
րին արքունիք նոցին սսաիօք և նա-
քօտիւք . այլ յաւարտ երրորդի և
կամ չորրորդի արարուածոյ թա-

տերն՝ կարգան նորա • « Ո՛ր կիւթե-
րոն , ընդէ՞ր ընկալար զիս » :

84. Աստուածք թողուն զիս յաղ-
քատութեան , 'ի նուաստութեան
և 'ի գերութեան • այլ ոչ եթէ առ
'ի քէն ինչ վրիժուց • միթէ անար-
գիցէ՞ տէր զծառայ հաւատարիմ :
Եւ ոչ իսկ առ անփութութեան • զի
և փոքրագունից անգամ խնամ տա-
նին : Այլ կամին զի հրահանգեցայց •
կամին նկատել , եթէ իցեմ նոցա
մարտիկ առաքինի և քաղաքացի
բարի • կամին դարձեալ զի կայցեմ
ես վկայ նոցունց առ մարդիկ :

Գ. ԼՈՒԻՍ Գ.

Յաղագս արժանաւորութեան և հասար-
պութեան :

85. Կա՛յլ դու քեզ յայսմ հեռէ
սեփհական ինչ օրինակ վարուց , և
կանոնս որովք վարիցիս հանապազ
և յառանձնութեան և 'ի ժողովս :

86. Մի ծիծաղիր, ոչ յերկար,
ոչ յաճախ և ոչ քրքիջ բարձեալ:

87. Զգոյշ լեր չուտել արաքոյ,
և փախիր 'ի հասարակաց կոչնոց.
այլ եթէ դէսլք ինչ անսովորք հարկ
առնիցեն քեզ զանցանել յիրիդ,
պնդագոյնս ուշ կալջիր՝ մի խոտու-
րել զհեա բարուց և սովորութեանց
առակին. զայս գիտասջիր, զի թէ
ոք 'ի կոչնականացն պեղծ իցէ. և որ
բազմին առ նմա, և նման նմին
գործէ, ընդ նմին և աղտեղի, թէ-
պէտ և առանձինն ունէր զմաքրու-
թիւն:

88. Զպէտս մարմնականս այնքան
արկ 'ի վար, որքան հոգւոյն պէտք
պահանջիցեն. այսինքն են կերա-
կուր, հանդերձք, բնակարան, սպա-
սաւորք, և այլն. և 'ի բաց թօթա-
փեա զամենայն մեղկուծիւն և զըն-
դունայն հեթեթանս:

89. Յաճախագոյնս լուռ կաց, և
կամ զկարեւորսն ևեթ խօսեաց, և
այն կարճառօտ բանիւք: Գուն ու-
րէք հարկ լիցի մեզ խօսել եթէ ըստ
պատահի ժամանակին ևեթ խօսես.

ցուք. այլ մի բնաւ անկցուք զա-
նարդ և զգուհիս բանիւք. մի խօ-
սեսցուք մի զգուստարաց սուսերա-
մարտից, մի զձիրնթացից, մի զըմբը-
շամարտից, և մի զըմպելոյ և զու-
տելոյ, որք 'ի կարգի ռամկական խօ-
սից են: Եւ 'ի վեր քան զամենայն,
մի խօսեսցուք զումեքէ 'ի սարսաւ-
կամ 'ի գովեստ, և կամ առ 'ի բազ-
դատելոյ ընդ միմեանս:

90. Եթէ կարես շրջեա քո բա-
նիւքդ զխօսս բարեկամացդ 'ի սար-
կեշտ և 'ի յարմարաւոր ինչ իրա-
խակ եթէ գտցիս ընդ օտարս, կայ
'ի լուծեան:

91. Ըստ բազմապատիկ բնու-
թեանց վիճակիդ՝ հարկ է քեզ և
զիւրաքանչիւր զսարսան կատարել:
Մարդ ես, և աշխարհաքաղաքացի,
աստուածոց զաւակ, և հարազատ
ամենայն մարդկան: Եւ յետ այսո-
ցիկ, ըստ այլ տեսչութեան՝ 'ի դա-
սուէ ծերակուտին ես, կամ յայլ
ինչ սրատուի, երիտասարդ ես կամ
աւագ հասակաւ, որդի ես, կամ
հայր և ամուսին: Տես թէ զինչ ինչ

այս ամենայն անուանք 'ի քէն պահանջիցեն, և դուն գործեա չառնել անպատիւ և ոչ զմի:

92. Չունիս ապրուստ, և հարցանես զիս, եթէ առ 'ի ստանալ արժան իցէ քեզ նուաստանալ մինչև յանարգագոյն պաշտամունս, մինչև մատուցանել կճիճ առ տէրդ: Չի՞նչ ասացից քեզ: Են որք համարին թէ լաւ ևս իցէ հարկանել և զայդ սպաս, քան սովամահ լինել և են որք յանտանելի ունին զայդ: Արդ մի զիս ինչ՞ այլ զքեզ ինքն հարցցես վասն այդր բանի. գիտելով քաջ զչափ անձինդ:

93. Մարդիկ ըստ հաճոյից իւրեանց բարձրագոյն կամ նուատագոյն գին հատանեն զանձանց, և անձնիւր արժէ ըստ իւրում վարկին. գին հատ և դու զքէն կամ իբրև զազատէ և կամ իբրև զսարկէ. 'ի քո ձեռս է այդ:

94. Կամիս դու նմանել բազմամբոխոյ մարդութէ, որպէս թել մի զգեստուդ նմանի այլոց ամենայն թէլոց նորին. իսկ ես նմանել կա.

միմ՝ ժառարակնին ծիրայնոյ, որ ոչ միայն փայլ զփայլի հարկանէ, այլ և զամենայն յոր անկցի՝ գեղեցիկ յարդարէ: Արդ ընդէր խրատ տասնձ լինել հանգոյն այլոց: Եղէց ուրեմն իբրև զԹէն, և ոչ որպէս զԾիրանին:

95. Գեղեցիկասաց Ագրիպպինոս.
« Զեղէց բնաւ խոջընդակն ինձ »:

96. Մինչև ցէրբ գանգաղիցես համարել զքեզ արժանաւոր մեծամեծ իրաց, և այնպէս կազմել զքեզ, զի մի ևս արատիցես զուղիղ բանն: Ընկալար սրատուէրս որոց արժան էր հաւան լինել, և եղեր. և արդ ո՛ւմ այլ վարժապետի ակն կալեալ մնաս, զի ուղղիցես զանձն՝ ի գալստեան նորին: Զես այսուհետև աղայ մի մանուկ, այլ այր կատարեալ: Եթէ յանհոգս կաս, եթէ վայրապար զբօսնուս, եթէ յաճախես առաջադրութիւնս, և զօր ամենայն որոշիցես օր խնամ տանելոյ անձինդ, և ահա մինչև իցէ քո զդուշացեալ իմիք՝ վրէպ գացիս յուղլութեանց, և կացցես մնայցես

'ի ագիտութեան քում և 'ի կեանս
և յետ մահու: Հաստ, արիացիր
և համարեաց զքեզ արժանի յայսմ
օրէ, և առյապա կեալ իբրև զմարդ.
և իբրև զմարդ՝ որոյ զարգացեալ
իսկ իցէ սակաւիկ մի 'ի զգօնու-
թեան. և որ ինչ թուիցի քեզ գե-
ղեցիկ և լաւ՝ լիցի քեզ օրէնք ան-
դրոժեւի: Եւ եթէ յանդիման լինի-
ցի քեզ ինչ տարժանեւի կամ հա-
ճոյական, գերասպանձ կամ անարդ,
համարեաց զասպարէզ բացեալ,
զօլիմալիական մրցանսն սրատրաս-
տեալ, և չգուցէ ժամանակ յասա-
ղելոյ. և թէ 'ի վայրկեան մի և 'ի
դորձ մի միակ արիական կամ անա-
րի՝ հաստատեալ կայցէ զարգացումն
քո կամ կորուստ: Այսգունակ Սո-
կրատ ժամանեաց 'ի կատարելու-
թիւն, վարելով զամենայն գէսս 'ի
զարգացումն անձին, և զբանին
միայն զհետ երթալով: Եւ դու թէ-
սէտ և ոչ իցես հաւասար Սոկրա-
տայ, սակայն կեաց որպէս թէ նը-
ման նմա ունիցիս լինել:

97. Արպէս լաստերք վառեալք

ի նաւահանդիստս՝ նալաստ մեծ լինին նաւաց մտորելոց, այսպէս և այր բարի յամբօխեալ քաղաքի մեծապէս օժանդակէ քաղաքակցաց իւրոց:

98. Եթէ յազնուատոհմ՝ տանէ իցես ծնեալ, այնպէս յօրանասս պերճանաս ազնուականութեամբդ՝ մինչև անդադար զայնմանէ խօսել և տաղտուկ բերել ամենեցուն. այլ զաստուած ունելով քեզ ՚ի հայր և զնոյն ՚ի ներքս ՚ի քեզ, մուսնասս զայսպիսի զազնուականութի, անդիտանաս ուստի ծագեցար, և որպիսի ինչ կրես: Զայսր յիշատակ արժան էր քեզ հանապաղ ունել ՚ի մտի յամենայն դործս կենաց քոց: Ստէպ ստէպ աստաջիր դուցանձն քո. « Ստուած ստեղծ զինաս յիս ՚ի ներքս է, զինս կրեմ ամենայն ուրէք. զինորդ աղտեղեցից զինս պիղծ խորհրդովք, անարդ և դարշէլի դործովք, և վատթար ըղձիւք »:

99. Եթէ տուեալ էր քեզ գից ՚ի պահպանութիւն որբ մի, խնամ

տանէիր նմին , և ոչ տայիր թոյլ ա-
տրականել զայնպիսի աւանդ պա-
տուական : Եւ արդ զքեզ ինքն ետուն
նոքա ՚ի պահ անձինդ ասելով . « Ոչ
զոք գտաք հաւատարմագոյն և խան-
դակաթ ՚ի խնամս անձինդ , որպէս
զքեզ ինքն . պահեա դու մեզ զզա-
ւակս զայս որպէս և էն ըստ բնու-
թեանն . պահսպանեսցիր զգա ողջա-
խոհ , հաւատարիմ , վեհանձն և ա-
րիասիրտ , անվրդով և անշփոթ ՚ի
կրից » : Եւ դու յանհոգս կաս զան-
ձնէդ : Որպիսի՞ դրժանք . որպիսի՞
եղեւն :

100. Խղճիցեա արդեօք գործել
անհամեստս առաջի անդրեաց կամ
պատկերի դից . այլ նոքա տեսա-
նեն զքեզ և ըսեն , և ոչ շառագու-
նիս յանդիման նոցին ածել զմտաւ-
խորհուրդս , աղտեղիս , և գործել
անպարկեշտս , յորոց դարչին մեր-
ժին և վշտանան իսկ : Ո՛ր թշնամիդ
դից : Ո՛վ վատ , որ զբնութիւնդ մո-
ռանաս :

101. Եթէ յանդրեաց Փիղիա-
այ էիր Աթենաս կամ Արամազդ .

և գոյր քեզ զգացունմն ինչ, պատկառ կայիր՝ չառնել ինչ անարժան արուեստաւորին և քեզ ինքնին . և զամենայն ապախա արարեալ չառնուիր յանձն երևել ՚ի ձև անվայելուչ՝ որով գեղեցկութիւնդ ծանակեր : Իսկ արդ ոչ ինչ բնաւ հոգալով թէ յոր կերպարանս կայցես առաջի գիցն, թշնամանես զձեռնն որ հաստեացն զքեզ : Եւ յայսր վերայ որպիսի՛ խաիր է ընդ այն և ընդ այս ճարտարապետ, ընդ գործ և ընդ գործ :

102. Եթէ մասնէր ոք զմարմին քո ՚ի կամս ում և գիպէր, խոժոռէիր ապաքէն մեծապէս . իսկ յորժամ դու ինքնին մասն լինիս հոգւոյդ՝ ում և պատահէ, որպէս զի թշնամանագիր եղեալ վեր ՚ի վայր յուղիցէ և խռովիցէ զդա, չամաչես չշիկնի՛ս ընդ այդ :

103. Յորժամ առնիցես գործ՝ զոր գիտիցես քեզ պարտս, մի խորշիր առնել և ՚ի տես մարդկան, թէ և այլ ընդ այլոյ դատիցէ զքեզ աամիկն : Եթէ չար է գործն, մի եր-

բէք առներ. իսկ եթէ բարի՝ ընդէր
զանգիտիցես յայնցանէ՝ որք յանի-
րաւի և վայրապար դաաափեսա առ-
նիցեն զքեզ:

104. Տիկին ոմն հռոմայեցի կա-
մեր առաքել դումար մեծ արծա-
թոյ առ այլ տիկին բարեկամ իւր,
Գրատիլլա անուն, զոր Գոմեաիա-
նու տարագրեալ էր. և յասել ու-
րումն ցնա եթէ Գոմեաիանոս ձը-
գեսցէ զձեռն իւր յարծաթդ և գը-
րաւեսցէ յարքունիա, ասէ տիկինն.
« Ոչ է ինձ փոյթ զայդմանէ, առա-
ւել կամիմ թէ նա յափշտակէր,
քան թէ ես ոչ առաքէի »:

105. Ո՞վ է այր անպարտելի: —
Այն որ կայ անյողգողդ ՚ի կայի իւ-
րում, և զոր ոչ մի ինչ՝ որ չիցէ
ընդ մերով իշխանութեամբ՝ ոչ
կարէ գրգուեցուցանել. զայնպիսի
այր համարիմ ես ախոյեան: Տա-
րաւ նա զառաջին յաղթութիւնն.
տոկայցէ՞ արդեօք և երկրորդին:
Զգէմ կալաւ զարծաթոյ. կայցէ՞
արդեօք և ընդգէմ կնոջ գեղեցիկ:
Եկաց իսկ հակառակ յօր հասա-

րակի և 'ի ժողովի. միթէ ժուժայ-
ցէ կալ հակառակ և միայնակ և 'ի
գիշերի : Դիմակալեացէ՞ փառաց ,
զըսարտութեանց , գովեսաից և մա-
հուան . ժուժկալեացէ՞ ամենայն վըր-
դովմանց և համայն տխրութեանց :
Պարզաբար ասել , լիցի՞ նա յաղթա-
կան և յանուրջսն անգամ : Ահա
զայսպիսի ոք կամիմ ես տխրեան :

106 . Հերակլէս միթէ լինէր Հե-
րակլէս առանց առիւծուց և վա-
գերց և վարազուց և յելուզակաց ,
և այլոցն ամենայն հրէշից , յորոց
սրբեաց զերկիր . և եթէ ոչ էին
հրէշքս այսոքիկ , իմ իմէք պիտանա-
ցու էին ջլապինդ բազուկք նորս
և կորովն և քաջասրտութիւնն և
աննկուն համբերութիւնն , և այլ
ամենայն առաքինութիւնքն :

107 . Քաջալերեաց ուրեմն , քա-
ջիկ զմտաւ ած զամենայն զօրու-
թիւնս որք տուեալ են քեզ , և սլա-
տրաստեաց զանձն անվհէր առ ա-
մենայն հանդէս փորձութեանց . քա-
ջազէն վառեալ կաս , և բաւական
գոս 'ի հանել զարգս նորանորս՝ 'ի
մեծամեծաց անգամ արկածից :

108. Մինչև իցէ քո յանդիման լեալ ատենի դատաւորաց , լեր յանդիման ատենի արդարութեան :

109. Հրաժարեա յերդմանց յամենայնի և ամենուրեք , եթէ 'ի քո ձեռս է այս . թէ ոչ , որքան և թողացուցեն քեզ առ այն դէպքն :

110. « Ոչ շողովիցես առ այս ինչ անուն այր հզօր » : Թող իցէ նա հզօր որքան և կամեսցի , միթէ հարկ ինչ իցէ ինձ , կամ յայդ ծընայ զի շեթիցեմ նմա : Միթէ ոչ ունիցիմ ես զոր 'ի հաճել , սպաս հարկանել և հնազանդել : Աստուածոցն ատեմ և որոց կանն նոցին աւրնութեր :

111. Յորժամ հարկ հասցէ քեզ խօսակից լինել ընդ ումեք , մանաւանդ ընդ գլխաւորի քաղաքացւոյ , զիր 'ի մտի առնել զոր առնէինն արդեօք Սոկրատա կամ Չենոն յայդ դէպս : Այսուիկ ոչ շիթեացիս բընաւ յարժանն պարտուց քոց , և վարեսցես 'ի ճահ զամենայն որ յանդիման լիցի քեզ :

112. Յորժամ գնայցես շուք մա-

ատուցանել տուն հզօրի, հաւանեցո
ղքեղ թէ չիցէ նա ՚ի տան այլ ար-
գելեալ կայցէ, փակիցի քեզ դուռնն,
և կամ ոչ հայիցի նա յերեսս քո:
Իսկ եթէ յետ այսր ամենայնի՝
պարտք քո բուռն անիցեն քեզ
երթալ, համբեր ամենայնի որ դի-
պեսցի քեզ, և մի երբէք մտաբե-
րեր ասել կամ խորհել թէ առ այս
չարժէր աշխատութիւնդ. քանզի
այս բարբառ է սամիլին, և ասն՝ յոր
մեծապէս ազդիցեն իրք արտաքինք:

113. Ի սովորական կենակցու-
թիւնս զգոյշ լեր քաջ ճիտելոյ ան-
պատէհս և յերկարագոյն զարիա-
կան գործոց քոց և զվասնդաց յո-
րոց զերծար. զի թէ քեզ այնչափ
հաճոյական թուիցին բանքդ, բայց
ոչ և լսողացն:

114. Քաջ զգոյշ լեր ևս չերևել
ծաղրածու հացկատակ. քան զի
վաաշուէր բերումն բարուց է այդ,
և դիւրագայթ քայլ ոտին, որ յան-
զգաստից ձգեսցէ զքեզ ՚ի յուր և
՚ի դուհիկ սովորութիւնս, և կո-
րուցես զյարգ և զվարկ զոր ու-
նէիրդ յաչս այլոց:

115. Վտանգ մեծ է և միջամուխ լինել 'ի զտոյցս խենեշս. և եթէ դըպցիս դու յայսպիսի կաճառս խօսողաց, մի զանց առներ՝ ըստ պատեհին՝ յանդիմանել զայսպիսեացն խօսող. ապա թէ ոչ գոնեայ լուռ լեր, և ծանո 'ի շառագնեւոյ ճակատուդ և 'ի խստութենէ կերպարանացդ զահաճութիւն քո ընդ այնպիսի խօսս:

116. Յերթալդ 'ի տես իշխանաւորի կամ վեհադոյն պեալի՝ այլադունիս, զդողանի հարկանիս և այլ յայլմէ լինիս: — « Զի՞նք արդեօք ընկալցի զիս, զի՞նք լուիցէ բանից իմոց »: Սարճեալ անարդ. ընկալցինա զքեզ, և լուիցէ քեզ որպէս զիարդ և պատշաճ՝ թուիցի ինքեան. նմա լիցի չար եթէ անարդապէս ընկալցի զայր իմաստուն. ինքնին վշտանայցէ ընդ այն: Միթէ քեզ ինչ անկ իցէ կրել զաագնապ թերութեանց այլոց: — « Այլ որպէս զիարդ խօսիցիմ ընդ նմա »: — Խօսեաց որպէս և ախորժես: — « Երկնչիմ թէ խոս վեցայց »: — Բարէ. և ոչ դիտիցես

խօսել զգաստութեամբ, խոհեմս և վայելուչ ազատութեամբ : Վասն էր երկնչիցիս յառնէ միօջէ : Չենոն ոչ երկնչէր բնաւ յԱնախոնեայ, այլ Անախոնոս երկնչէր 'ի Չենոնէ : Միթէ խառվէր Սոկրատ մինչ խօսէրն առ բանաւորսն, առ դատաւորս իւր : Միթէ այլայլէր Ռիօգինէս 'ի խօսելն ընդ Ալէքսանդրի, ընդ Փիլիպպեայ, ընդ ծովահէնս, և ընդ տեառն իւրում յորմէ գնեցաւն :

117. Յիշեա զքաջասրտութիւնն Լատերանու : Ներոնի առաքեալ առ նա զՆսպափրօղիաէս զազատագրեալն իւր 'ի հարցափորձ դաւակցութեանն յոր գտեալ էր նորա, զայս և եթ պատասխանեայ նմա . « Եթէ ունիցիմ ինչ ասել, ասացից զայն տեառն քում : — Ի բանաարկցիս : — Եւ հարկ ինչ իցէ զի լալով քարչիցիմ անդր : — Տարագիր արտասահման արասցեն ըզքեզ : — Եւ զի՞նչ խոչընդակն գուցէ ինձ՝ զի ոչ երթայց անդր խրախօամիտ, յուսապատար և գոհ ընդ սչայման վիճակի իմոյ : — Ի մահ

մատնիցիս : — Եւ պարտ իցէ ինձ
մեռանել արանջելով և հեծեծե-
լով : — Ասա ինձ զգաղանիսն : —
Ոչ ասացից բնաւ ամենեւին , զի
ինձ անկ է այդ : — Արկէք զգա-
'ի շղթայս : — Զի՞նչ ասես , բա-
րեկամ . դո՞ւ զիս 'ի շղթայս արկա-
նել սպառնաս . խաբիս . զսրունս
իմ միայն կաշկանդեսցես 'ի շղթայսն ,
այլ կամք իմ յիս մնասցեն ազատ ,
զոր և Արամազդ . անգամ ոչ կարէ
բառնալ յինէն : — Այժմ' իսկ բար-
ձից 'ի քէն զգլուխ քո : — Երբ
ասացեալ էր իմ ցքեղ եթէ իմ միայն
պարանոցս գտեալ էր շնորհս ոչ
կառափելոյ » : Արդիւնքն հաւա-
տարմացուցին զարիական բանսն :
Առեալ տարան զլատերան 'ի սպ-
տուհաս մահու . և իբրև առաջին
հարուած դահճին տկար գտաւ 'ի
հատանել զգլուխն , դոյզն ինչ խոռ-
վեցաւ , այլ անդէն քաջալերեալ՝
ձգեաց զպարանոց իւր անյողզողդ
արութեամբ :

118. Եթէ էաք բանտարկեալք
և 'ի դատ մահու վասն քրէական

ինչ յանցանաց, միթէ հանդուր-
ժէսք լսել եթէ որ ասերն. « Կա-
միցիք լսել զերգոս իմ զոր յօրինեցի » :
Բարեկամդ իմ, տարածամ եկիր
շփոթել զիս . կարևորագոյնք կան
ինձ առաջի : Ոչ գիտիցես զի վա-
ղուն մնայ ինձ 'ի մահ դատասար-
տիլ : Սակայն Սոկրատ 'ի բանտի էր ,
և աւուրբ յառաջ քան զդատա-
պարտութիւն յօրինէր նուագս :

119. Կամիս տեսանել այր շա-
տացեալ ամենայնիւ , որ կամիցի
հանդիսակէ իրաց որպէս և հանդիսիւ
ցինն : Սւագիկ Սգրիսպլինոս : Եկին
ազգաունէլ նմա եթէ ծերակոյտն ժո-
ղովեալ է 'ի դատասարտել զքեզ :
Սոաց նա . « Քաջ է , և ես երթամ
հանգերձել առ բաղանիս՝ որպէս
սովորն եմ » : Սյն ինչ ելեալ 'ի բա-
ղանեաց , և ահա ծանուցին եթէ
դատասարտեցար : — Ի մահ եթէ
յարսոր : — Յաքսորս : — Եւ ինչք
իմ գրաւեցան յարքունիս : — Ոչ ,
թողան քեզ դոքին : — Զրեա-
ցուք ուրեմն անյատաղ : Քնաս-
ցուք ճաշել յԱրիկիա . մարթ է և

անտանօր ճաշէլ մեզ բարւոք որպէս
և 'ի Հաովմս » :

120. Հարցանէր յաւուր միում
Փլորոս զԱգրիպպինոս. « Երթայ
արդեօք ընդ Ներոյնի 'ի Թաարն,
և կաբաւեցից ընդ նմա » : — Երթ :
— Ասէ Փլորոս. « Իսկ ընդէր և գու
ոչ գաս » : — Կրկնեաց Ագրիպպի-
նոս. Քանզի չի ևս եմ ընարեալ 'ի
մտի :

121. Աւաճս այս վեհ խորագոյնս
քանդակեալ էր 'ի սրտի Պրիսկոսի
Հելուիդեայ, զոր և ազնուաբար կա-
տարեաց : Յաւուր միում առաքեաց
Վեսպասիանոս զեկոյց նմա չգալ
յատեան ծերակուտին : « Ետ սա-
տասխանի Հելուիդիոս. « Իշխան է
նա բառնալ յինէն զսաշտօնս իմ,
այլ ես երթայց 'ի ծերակոյտն՝ ցոր-
չափ եմս ատենակալ : — Եթէ
գայցես ևս, ասէ ցնա իշխանն, լուռ
և եթ կացցես : — Մի հարցանէր
զկարծիս իմ, ասէ, և ես լուռ կա-
ցից : — Այլ 'ի ատանեւ իմում
զքեզ անդէն՝ բուռն է ինձ չհարցա-
ցանեւ զքոյ կարծիս : — Եւ ինձ,

կրկնեաց Հելուփիոս, բուռն է չա-
սել զխորհուրդս իմ: — Իսկ եթէ
ասացես, 'ի մահ վարեմ զքեզ: —
Եւ ես երբ ասացի քեզ թէ ան-
մահ իցեմ: Արասցուք իւրաքանչիւր
ոք զոր մարթ է մեզ առնել. դու
մատնեսցես զիս 'ի մահ, և ես ան-
տրտունջ տարայց մահու »: Զինչ
շահեցաւ այսու Հելուփիոս միայ-
նակ գողով: Եւ ես հարցից զքեզ,
զինչ շահիցի ծիրանին որ կայ միայ-
նակ 'ի վերայ սլաւամուճանին. սլճնէ
զսա, և վայելուչ ցուցանէ, և նա-
խանձուկս արկանէ ունելոյ նման
նմին:

122. « Յաքսորս դատապարտե-
ցին զքեզ »: — Իցէ՞ ուրէք վայր
անդրադոյն քան զաշխարհ՝ յոր կա-
րասցեն զիս վտարել: Ուր և գնա-
ցից, միթէ ո՞չ գտանիցեմ երկինս,
արեգակն և լուսին և աստեղս: Մի-
թէ ո՞չ տեսից ես անդ երազս, և
հմայս: Աամ իցէ՞ ինչ արգել յըն-
դելանելոյ ընդ իս:

123. Փոխանակ ամենայն սփո-
փանաց յոր վայելէիրդ 'ի հայրե-

նիան քո և յորոց զըկեցարդ, փո-
խանակեսցիր զայս. զխորհելն՝ թէ
հպատակիս արդ դիցն կամաց, և
կատարես որ ինչ պարան է առն
բարւոյ և զգօնի: Չի՞նչ մեծ օգուտ
քան զայն կայցէ՝ թէ կարիցես ա-
սել ցանձն քո. Յայսմ պահու ի-
մաստասէրք ճառեն զմեծամեծ ի-
րաց ՚ի վարժարանս իւրեանց, բա-
ցատրեն նոքա զպարտս առն լաւի,
և ես ահա գործեմ զնոյնս: Չոր նո-
քա բացայայտեն՝ առաքինութիւնք
իմ են այնոքիկ. ներբողեն զիս յան-
գէտս. քանզի զոր գովէնն և ուսու-
ցանեն՝ զայն ՚ի լրումն ամեմ ես:

ԳԼՈՒԽ Դ.

Յաղագս Աղապտ-Բէան:

124. Ասաց ջիս ոմն յիմար .
« Բանդի ազատ այն ոք է որում ըստ
ցանկութեան յաջողեսցի ամենայն,
կամիմ զի և ըստ իմոց հաճոցից հան-
դիպեսցի բնաւ »: Բարէ, բարե-

կամդ, յիմարուծիւն և ազատու-
ծիւն ոչ երբեք լծակցին: Ազատու-
ծիւն ոչ միայն զի չքնաղ է, այլ և
կարի քաջ բանաւոր, և չիք ինչ
այնպէս անհեթեթ և անբանական
որպէս քան զյախուռն փափաքել,
և կամել զի ամենայն ինչ գիպեսցի
ըստ մերոց խորհրդոց: Յորժամ զա-
նուն Ռիոնի գրեւոց իցեմ՝ հարկ է
գրել ոչ ըստ իմոյ ինչ յօժարու-
ծեանս, այլ որպէս և էն, անփոփոխ
սրահեալ ցնշանախեց անգամ: Այս-
պէս և յամենայն արուեստս և ՚ի
գիտութիւնս: Եւ դու կամէիր զի
որ քան զամենայն ինչ վեհագոյն
է և մեծարոյ՝ ազատութիւնն ասեմ՝
անկցի ընդ մտահաճոյ և այլանդակ
կամօք: Քաւ քեզ, բարեկամ, ա-
զատութիւն է կամեն զի հանդի-
պեսցին իրք ոչ ըստ հաճոյիցդ, այլ
որպէս և սրտահեղոցն իցեն:

125. Կարծես երջանիկ լինել՝
եթէ հասցես որում ցանկասն: Խա-
բիս: Ի ընուլ փափաքանացդ՝ անդ-
րէն իսկոյն նոյն նեղութիք սրտես
ցեն զքեւ, նոյն գառնութիւնք, նոյն

զղուանք, նոյն երկիւղք և նոյն խղճք:
Նրջանկուծիւն՝ ոչ է ստանալն և
վայելէլ, այլ ոչն փափաքել. զի այս
խսկ է ազաան լինել:

126. Յտուեն ինձ զիք զազատու-
ծիւն, և ճանաչեմ՝ զպատուիրա-
նըս նոցին: Ապա ուրեմն չկարէ որ
այսուհետև արկանել զիս՝ ի ստոր-
կուծի, զի է ինձ առննթեր ազատ-
արարն կարևոր, և դատաւորքն սկի-
տանիք մերձ կան:

127. Իցէ՞ որ որ կամիցի վարել
ղկեանան յոճիրս, յանիրաւուծե,
յանգոյ ցնորս, յարհաւիրս, յանձ-
կուծե, միշտ նախանձաբեկ, յար-
քինախնդիր, ցանկ տրանջող, հա-
նատաղ ահաբեկ, անդադար յու-
սատաաիր, և յարաժամ՝ ի զան-
գիտուծեան: Ապաքէն և ոչ որ-
չէք որ ուրեմն եղեւնագործ որ զա-
մենայն զոր և չկամի՝ ոչ առնիցէ.
ապա չէք ասիրատ որ իցէ ազատ:

128. Որ նուաճեալ կայ ընդ ձե-
ռամբ մարդկան, կանխագոյն նուա-
ճեալ էր ընդ իրօք:

129. Որպէս գոյզն ինչ զբաղումն

Նաւուղղի կարէ կորուստ հասուցա-
նել նաւու, նոյնպէս և դոյզն ինչ
անխուժուժիւն առ ՚ի մէնջ կամ
խուն ինչ զառանցանքն տայ մեզ կո-
րուսանել զամենայն յառաջագի-
մուժի մեր յուսման խմաստուժե :
Արդ զգոյշ կացցուք զի զոր սլար-
տիմքս սլահել՝ ծանրագնի է քան
զնաւ ախաղձուն ոսկւով : Համես-
տուժիւն ասեմ, հաւատարմուժի,
հաստատուժիւն, հնազանդուժիւն
դիցն հրամանաց, արհամարհելն ըզ-
ցաւս, զկիրս և զերկիւղ սարգա-
բար ասել ճշմարիտն ազատուժիւն :

130. Առ խեղաժիւր ինչ ազատու-
ժիւն՝ դիմագրաւ լինին մարդիկ ՚ի
մեծամեծ վտանգս, ծովավէժ լինին,
դարահոս առնեն զանձինս ՚ի բար-
ձրաբերձ աշտարակաց : Եղեն և քա-
ղաքք որ կամաւ հրով ծախեցան
գլխովին : Եւ դու առ ճշմարիտն և
անբոյժ և անկողոպաւելին ազատու-
ժիւն՝ ոչ ինչ ունիցիս փոյժ, և ոչ
սակաւիկ մի աշխատ լինիցիս :

131. Եթէ զմարմինս իմ սիրիցեմ,
եթէ զառածանիցիմ զընչիւք, կո-

ընայց, և ստրուկ եղէց. ահա ծա-
նուցի զգերիչս իմ:

132. Մերժեա՛ ՚ի քէն՝ ՚ի բաց
զնիզս և զերկիւղ, և ոչ կայցէ՛ ՚ի վե-
րայ քո բանաւոր:

133. Յիշեա զի ոչ միայն տենչ սլա-
տուոյ, փառաց և ճոխու[թեանց գե-
րիս և ստրուկս առնեն զմեզ, այլ և
գիւրասիրու[թի՛ն, հեշտու[թի՛ն և հե-
տաքնին ուղևորու[թի՛ք. միով բանիւ,
ամենայն իրք արտաքինք՝ որ ինչ և
իցեն՝ գերեն զմեզ, յորժամ սլա-
տուականս համարիմք զնոսին: Ճըշ-
մարիտ իշխող իւրաքանչիւր ումեք
՚ի մէնջ նա է՝ որ կարողն է տալ կամ
բառնալ ՚ի մէնջ զոր ինչ կամիմքս և
կամ ոչն կամիմք: Ասլա ամենայն
մարդ որ կամիցի աղատ լինել՝ մի
խնդրեսցէ և մի խուսափեսցէ յա-
մենայնէ որ ընդ այլոց իշխանու-
[թեամբ է, ասլա թէ ոչ գերեսցի ՚ի
նոցունց:

134. Մի զանգիտեր, և ոչ ոք
կարացէ ահ արկանել կամ զար-
հուրեցուցանել զքեզ. որպէս ոչ
երկնչի երիւար յերիւարէ, կամ մե-

զու 'ի մեղուէ : Ո՞չ խմանաս զի իղճք
քո և երկիւղդ՝ նոքին իսկ են պա-
հանորդք զոր տեարք քո կարգեալ
են 'ի սրաիդ գղեկի՝ առ 'ի նկուն
առնելոյ զքեզ : Հալածեա զպահա-
նորդսդ , աիրեա գարձեալ քում
գղեկին , և լիցիս ազատ :

135. Են փոքունք և են մեծամեծ
սարուկք : Փոքունք են որ անձնա-
մատն լինին վասն չնչենոց իրաց , ըն-
թրեաց ասեմ , բնակարանի և գոյն
ինչ սպասու . իսկ մեծամեծքն՝ որք
գերի վարին վասն հիւպատոսու
թեան , և գաւառաց վարչութեան :
Տեսանես արս որոց առաջի կրեն
տապարս և խրճունս . սոքա սարը-
կագոյնք են քան զառաջնինն :

136. Առ 'ի գատել զոք թէ իցէ
ազատ , մի ընդ մեծասպատուու-
թիւնս ինչ նորա հայիցիս . քանզի
որքան բարձրագոյն է պատուով ,
այնքան նուաստ գերութի : « Այլ ,
ասասցես , տեսանեմ մարդիկ որ
զամենայն ըստ հաճոյս իւրեանց գոր-
ծեն » : Բայ է . այլ հաւաստի ասեմ
քեզ զի գործ է այդ սարկի որ զա-

ւուրս ինչ վայելիցէ զչնորհս սա-
տոււնահան տօնից, և ծառայի՝ ու-
րոյ տէր հեռացեալ իցէ: Համբեր
տօնիցն անցանելոյ և տեառնն դառ-
նալոյ, և ասլա տեսցես զնա: « Ո՞ր
իցէ տէր նորա »: — Ամենայն որ կա-
րիցէ տալ նմա կամ բառնալ՝ ի նմա-
նէ զյանկալին նորա:

137. Չկամիցիս լինել ՚ի թիւս
գերեաց: Խորտակեա զչլթայտգ,
զերծո զանձնդ, մի նախանձիր և մի
զանգիտեր: Արխաաիդէս, Նպամի-
նոնդաս և Լիւկուրդոս, մին « ար-
գար », միւսն « աղատարար », և եր-
րորդն « աստուած » կոչեցան. ոչ զի
ընչեղք և տեարք ստրկաց բազմաց
էին, այլ զի թէպէտ և աղքատք՝
յազատու թիւն հանին զՆլլադա:

138. Ասէր ինձ ոմն յաւագորե-
րոյն, որ սլանծայ լինել ազատ և
ինքնիշխան. « Չիարդ, ո՞վ դու խմաս-
տասէրդ գձուձ, ժպրհիս ասել ինձ
գերի, որոյ նախնիքն կացին ա-
ղատք, և ես ինքն ՚ի ծերակուտէն
եմ, կացեալ եմ հիւսպատոս, և
մտերիմ եմ իշխանին: — Մեծդ

ատենակալ, ցոյց ինձ եթէ և նախ
նիքն քո չկացին 'ի նմին սարը-
կութեան յորում գուդ այժմիկ :
Այլ համարեա թէ աղնուաբարոյք
էին նոքա . սակայն գու վատ ես ,
շահախնդիր , և վէհերոս : Նոքա
ժուժկալք էին , իսկ գու կեաս զա-
ղիր անառակութեամբ : — (« Ձիւնչ
մնասիցէ այդ ազատութեան ») : —
Բազմասրատիկ իսկ . միթէ ազատու-
թիւն կոչիցես առնել զամենայն զոր
ոչն կամիս : — (« Բայց ես զամենայն
զոր կամիմն առնեմ . և ոչ ոք կարէ
բռնադատել զիս , բաց 'ի կայսերէ ,
տեառնէ իմմէ , որ տէր է և բոլո-
րից ») : — Բդեանչև մեծ , ահա կոր-
զեցի 'ի բերանոյ քումմէ զայդ խոս-
տովանութիւն , թէ գոյ քեզ տէր
որ կարիցէ բռնադատել զքեզ : Իցէ
նա աշխարհաց իշխեցող . սակայն և
այդու իսկ մնայ քեզ ողորմելի մխի-
թարութիւն լինելոյ սարուկ 'ի տան
մեծի և 'ի միջի բիւրաւոր սարկաց :
139 . Հասեր 'ի հիւսդատոսականն
պատիւ և կարգեցար գաւառապետ :
— Յուամմէ : — Ի Փելլիկիոնէ : — Ես

կեալ իսկ ոչ կամէի եթէ հարկ էր
ինձ կեալ 'ի շնորհս անուան Փելի-
կիոնի, և հանդուրժել զուողու-
թեան նորա և սարկական ժպրհու-
թեան: Քանզի քաջ գիտեմ ես, թէ
զինչ իցէ ստրուկ որ համարի զանձն
երջանիկ, և կուրացեալ է բախտիւ:
— (« Իսկ դու ուրեմն ազատ ամեն-
ևին իցես »), ասացես ինձ: Աչ. այլ
ջանամ լինել. տակաւին չե է իմ
հասեալ. դեռ չժուժեմ հայել ան-
ընդոսա 'ի տեարս իմ. հարեալ
եմ տակաւին 'ի մարմին իմ, և թէ-
պէտ հաշմեալ իսկ է անդամօք,
ցանկամ սահպանել զայն. ոչ ժըխ-
տեմ ահա զթերութիւնս իմ: Այլ
թէ կամիս ցուցից քեզ ստուգիւ-
զայր որ ազատ. և է դա Ռիոգինէս:
— (« Չիարդ եղևնա այնպէս ազատ »):
— Քանզի եհատ զամենայն կատանս՝
որովք մարթ էր գերութեան վարա-
կել զնա. անջատեալ էր յամենայ-
նէ, յամենայնէ մեկուսացեալ, և
ոչ ինչ ոչ ունէր իւր: Եթէ խըն-
դրէիր զինչսն տայր քեզ. եթէ զոան,
տայր զայն. եթէ զմարմինն՝ տայր և

զայն . բայց կարի յոյժ յարեալ
կասեալ էր 'ի դիս , և չէր յեանեալ
քան զոք 'ի սպասու և 'ի սրատուի ,
վեհագունի պետին : Ահաւասիկ
սրատառք ազատութեաննորա : —

« Այլ , ասես դու , այդ օրինակ առն
միոյ առանձնոյ է , որոյ չգոյր ինչ
յարելոյ 'ի սէր աշխարհի » : — Աւ
միս ուրեմն զօրինակ առն որ ոչ էր
միայնակ : Սոկրատայ էին կին և որ
դիք , և չէր նուազ ազատ քան ըզ
Պիոգինէս , քանզի հանգոյն նմին
զամենայն ինչ արկեալ էր ընդ իշ
խանութեամբ օրինաց և հնազան
դութեան պատշաճելոյ առ օրէնս :

140 . Ազատագրեցեր զսորուկ
քո . իսկ դու ազատարարդ՝ իցէս
ինքնին ազատ . միթէ չիցէս դու գե
րի արծաթոյ քում , կնոջդ , դստեր ,
բռնաւորի և յեաին ծառայի բըռ
նաւորին :

141 . Ամենեքին գողցես վարեմբ
կեանս հանգոյն գերեաց փախստա
կանաց սրք 'ի աեսարանս . որոյ մե
ծապէս սքանչելի երեին սեթևե
թանք խաղուցն . հրաշանան ընդ

դերասանս ողբերգութեանն. այլ միշտ 'ի տագնապի կան, յայս կոյս յայնկոյս հային. և եթէ յորջորջեցէ որ զանուն տերանց իւրեանց, անդէն զահի հարեալ և խոյս տան: Սոցին նման եմք և մէք. հիանամք ընդ հրաշալիս բնութեան, և յամիշութիւն կրթիմք. այլ հանապազ 'ի յոյզս կամք. և եթէ անուանիցեն զտէր մեր, ահա անդէն կորեաք: Եւ ո՞ իցէ տէրն: Ոչ մարդ որ. քանզի մարդ մարդոյ ոչ է կարող լինել տէր. այլ մահ և կեանք, հեշտութիւնք և ցաւք, անանկութիւն և մեծութիւն: Եթէ Աեսար ինքնին յանդիման ելցէ ինձ առանց այսոցիկ ընթերակայից, տեսցես զիս անյողգողգ. իսկ եթէ եկեալ նորա թիկնասպահօքն որոտալով, շանթելով և սպառնալով, և ես շտուցեալ երկնչիցիմ, ոչ ասլաքէն եղէ ծառայ փախստականն որ ետես զտէր իւր: Ապա թէ ոչ երկեայց 'ի սոցունց, ահա ուրեմն 'ի կատարեալ ազատութեան կամ, և չիք իմ այլ տէր բայց յինէն:

142. Բարւոք յոյժ ասաց Ռիօ գինէս, եթէ կամիս պահել զազատութիւն, յամենայն ժամ պարաստ լեր 'ի մեռանել անխառլ:

143. Նոյն ինքն Ռիօգինէս գրէր առ արքայն Պարսից. « Ոչ ես կարող վարել զԱթենացիս 'ի սարկութիւն, որպէս և ոչ նուաճել զձկունըս: Ռիւրագոյն իցէ ձկան կեալ յերկարագոյն արտաքոյ ջրոյ քան Աթենացւոյ 'ի գերութեան »:

144. Չի՞նչ է որ ահաւոր գործէ զբռնաւորն: — Բռնապահ, քլութիկ նապահ, սուսերակիրք և ախաւորք: Այլ եթէ մանուկ ոք մերձեցի 'ի նոսա՝ երկիւղ և ոչ մի կրէ 'ի նոցանէ: — Է՞ր վասն: — Չի անգէտ է վտանգաց: Իսկ քեզ անկ է ճանաչել զայն և արհամարհել:

145. Ասաց զիս բռնաւոր ոմն. « Տէր եմ, և ամենայնի կարող »: — Բա՛րէ, և զի՞նչ բնաւ կարիցես: Կարէս տալ քեզ հանճար բարի: Կարէս բառնալ յինէն զազատութիւնս իմ: Չի՞նչ կարիցես դու ուրեմն: Չիցէս 'ի նաւի ընդ ձեռամբ նաւապե-

տին. և 'ի կառս քում չիցէս ընդ իշխանու թեամբ կառավարին: — « Ամենայն ոք առ հասարակ շողոմեն զիս »: — Եւ առնիցէն քեզ զայդ իբրև մարդոյ: Յոյց ինձ զմի ոք որ համարիցի զքեզ այդպիսի, որ կամիցի նմանել քեզ, որ խնդրիցէ աշակերտել քեզ՝ որպէս Սոկրատայ: — « Այլ կարեմ ընդ կառավին հանել քո »: — Արդարասես. քանզի ոչ յիշեցի թէ պարա էր շողոմել քեզ որպէս վնասաբեր աստուածոց, և մատուցանել զոհս՝ որպէս ջերման տենդի: Մի թէ ոչ իցէ կանգնեալ և նմին բազին 'ի Հուովմ. իսկ դու արժանաւոր քան զնա էս, զի և չարագործ քան զնա: Այլ եթէ թիկնապահ քո և համայն պերճանք ասարկցեն և պակուսցեն զվատթար սինքորն, այլ զիս ոչ խուովեցուսցես բնաւ. յանձնէ և ոչ յայլմէ ումեքէ զանգիտեմ էս: Ի զուր է քեզ սպառնալդ ինձ. դիտեա, զի ազատ էմ: — « Դու ազատ, և զիանրդ »: — Նոյն ինքն աստուածպետականն ազատագրեաց զիս: Աարծիցէս եթէ

Թողուցու նա զաւակի իւրում անկանել ընդ բռամբ քով: Խշխան ես դիականս այսմիկ, ա՛ռ զդա • բայց չեք քեզ իշխանութիւն ՚ի վերայ իմ:

146. Ուսուցանեն իմաստասէրք եթէ ազատ է մարդ: Ուսուցանեն ուրեմն անարդել զիշխանութիւն կայսեր: — Ոչ • ոչ որ յիմաստասիրաց ուսուցանէ հպատակաց վտարանջել ՚ի տեարց իւրեանց, և ոչ կապտել յիշխանութենէնորա զանկըն նմին: Ահա մարմին իմ, ահա ինչք իմ, ահա համբաւ իմ, ահա ազգատոհմն իմ • Թողեալ յինէն քեզ զայսոսիկ • և եթէ լուիցես թէ ուսուցանեմ զոր պահել զայգոսիկ՝ թէ կամիս և թէ ոչ՝ սպան զիս, զի աստատմբեցայ: Ոչ այդպիսի ինչ ուսուցանեմ ես մարդկան • այլ պահել զազատութիւն կարծեաց իւրեանց, զոր աստուածն շնորհեաց նոցա:

147. Մարմնոյ գերութիւն՝ բախտին արգասիք են, իսկ հոգւոյ գերութիւն՝ ներգործութիւն աստից: Եթէ որ ազատ իցէ մարմնով, և հո-

դւոյն կապեալ և կաշկանդեալ, գերի է նա. իսկ որ ազասն է հողւով, թէպէտ և շղթայակապ պարանեալ իցէ՝ ՚ի կատարեալ ազատութեան կայ : Մահ լուծանէ զգերութիւն մարմնական. այլ զհողւոյ գերութիւն՝ առաքինութիւնն միայն ջնջէ :

ԳԼՈՒԽ Ե.

Յաղագս սսպուածոց և կրօնից :

148. Առաջին գիտելիք այս էն, թէ գոյ Աստուած, և վարէ զամենայն իննամակալութեամբ իւրով. և թէ ոչ միայն գործք մեր՝ այլ և խորհուրդք մեր և շարժմունք ոչ ծածկին ՚ի նմանէ : Յետ այնորիկ արժան է քննել թէ զինչ բնութիւն իցէ նորա : Եւ իբրև ՚ի վերայ հասցէ ոք բնութեան նորին՝ հարկաւորապէս որ կամիցին հաճոյանալ նմա և հնազանդել՝ գուն գործեսցէ նմանող լինել նմին. և եղիցի ազատ, հաւատարիմ, բարերար, գթած և վեհ-

անձն: Աստուծոյ ուրեմն ամենայն խորհուրդք քո և բանք և գործք, լիցին գործք և բանք և խորհուրդք անոր կրթեացի 'ի նմանութիւն Աստուծոյ:

149. Ի գիշերի գոլով 'ի սենեկիդ, և դուռնդ ամրափակ, և լոյսն անցուցեալ, զգոյշ լեր չասել թէ միայնակ եմ ես, քանզի չես դու միայն:

150. Որպիսի ինչ իցէ բնութիւն աստուածութեանն: — Իմացականութիւն, գիտութիւն, կարգ և բան: Այսու կարես ճանաչել թէ որպիսի ինչ իցէ բնութիւն քումք ճշմարիտ լաւութեան, որ 'ի նմանութ գտանի:

151. Քիտեա զի գլուխ և հիմն կրօնից է ունել կարծիս ողջախոհս և ուղիղս զգից, զի են և սիրուն ըզխնամս իւրեանց 'ի վերայ ամենեցուն, կառավարեն զաշխարհս զայս իմաստութեամբ և արդարութեամբ. և թէ կեաս դու յաշխարհի առ 'ի հնազանդել նոցին, 'ի համարել բարի որ ինչ և դիպեացի, և հաւանել ամին մտադիւր և յօժար կամօք որ.

պէս ընդ դործս ամենաբարւոյ և
ամենիմաստ նախախնամութեան :
Չայսօրինակ ոչ տրանջիցես բնաւ
զլից և ոչ բողոք հարցես թէ ան-
խնամ թողուցուն զքեզ : Այլ ան-
հնար է քեզ ունել այսպիսի միտս՝
եթէ ոչ հրաժարիցես յամենայնէ՝
որ չէ ընդ մերով իշխանութեամբ ,
և հաւատայցես եթէ բարիք քո և
չարիք կախին զքէն . քանզի եթէ
աւնուցուս ինչ իբրև բարի կամ
չար յօտարոտի իրացս , ապա հարկ
անհրաժեշտ լիցի քեզ 'ի վրիպել
քում 'ի ցանկալեացդ և կամ յըմ-
բռնիլդ յորմէ խիթայիրն՝ բողոքել
և անարգել զայնոսիկ որք պատ-
ճառք եղեն արխիցդ : Քանզի ամե-
նայն կենդանի 'ի բնէ ունի զգարչիւն
և խոյս տալ յիրաց որ չար և շնա-
սակար թուիցին նմա կամ որ պատ-
ճառք նոցին լիցին , և սիրել և սըն-
դել զհետ ամենայնի որ թուիցին
օգտակար և բարի , և որ զայն պատ-
ճառիցէ : Անհնար է ուրեմն զի որ
վերաւորիցի յիմեքէ՝ հաճեցի ընդ-
այն որ եդ զվերսն . յորմէ զհետ

դայ թէ ոչ ոք ուրախ լինի և հաճի
ընդ չարիս իւր: Ասան այսորիկ որ-
դի նախատէ և սագտանէ զհայրն՝
եթէ չառնիցէ նա զինքն հաղորդ
կարծեցելոցն բարեաց: Այսուիկ
թշնամիք ոխերիմ եղեն Ետէօկէս
և Պոլինիկէս. քանզի համարէին
զգահն իբրև բարի գերագոյն. այ-
սուիկ երկրագործ, նաւուղի և վա-
ճառական անիծանեն զդիս. յայս
սակս և որք կորուսանեն զկանայս
և զմանկունս իւրեանց՝ քրթմնջեն
և գանգաւին. քանզի ուր օգտա-
կարուծիւն է՝ անդ է և բարեպաշ-
տուծիւն: Ասան այսորիկ ամենայն
մարդ որոյ փոյթ իցէ ուղղել ըստ
սահմանեալ կարգաց՝ զհաճոյս իւր
և զանհաճոյս, ջանայ տածել և ա-
ճեցուցանել զեռանդն կրօնից:

152. Արժան է ամենեցուն՝ ի զոհս
և ՚ի ձօնիս և ՚ի քաւուծիւնս եր-
թալ զհեա հայրենի սովորութեց,
և առնել զայնոսիկ մաքուր մտօք,
զուարթութեամբ և խրութեամբ և
մի անարգաբար և կծծութեամբ, և
կամ շռայլութեամբ և սերժանօք
առաւել քան զկար իւր:

153. Ո՛վ մարդ, մի լինիր ապա-
շնորհ երախտեաց զոր 'ի գիցն ընկա-
լար, և մի մոռանար զմեծամեծ
բարիս նոցա: Շնորհս կալջիր հա-
նասպաղ վասն աչացդ և ահանջաց
զոր ետուն քեզ. նա մանաւանդ
վասն կենացդ, և ամենայն նպաս-
տից զոր մատուցին քեզ 'ի դար-
ման դորին, որպէս զգինի և զիւզ
և զամենայն բերս երկրի: Այլ ընդ
նմին յիշխջիր զի և պատուականա-
գոյն քան զայդոսիկ ետուն քեզ. ըզ-
կարողութիւնդ ասեմ որ վարի այ-
դոքիւք, որ փորձէ զամենայն և ա-
մենայնի գին հասանէ:

154. Ժպիրհ ոմն եհարց զՔիո-
գինէս. « Ի՞նչ է իցես Քիոգինէսն՝ որ
ասէ թէ ոչ գոն դիք »: Ես ինքն եմ
Քիոգինէս, պատասխանեաց, և այն-
պէս հաւատամ թէ գուցեն դիք,
որպէս զի և ատենն զքեզ:

155. Իբրև սպանաւ Գալբա, ա-
սաց ոմն ցՌուփոս. « Ահա արդ նա-
խախնամութին վարէ զաշխարհս »:
Ես պատասխանի Ռուփոս. « Այ
թշուառական, և կարծէիր ու-

րեմն եթէ Քալբա ոք կարող էր արդեւուլ զգիս 'ի վարելոյ զաշխարհ» : Այն որ երկբայական առնէր քեզ զնախախնամութիւն՝ նոյն ինքն և առնէր զայն մասնցոյց :

156. Յորժամ մերձենայցես առ իշխանս և առ աւագս, յիշեա զի 'ի վեր անդր կայ մեծագոյն ևս իշխան՝ որ տեսանէ զքեզ և լսէ քեզ, և որում սլարախս մանաւանդ հաճոյ լինել :

157. Կամիս հաճոյ լինել զից : — Յիշեա ուրեմն, զի չիք այնպէս առ տելի նոցա որպէս անմաքրութիւն և անիրաւութիւն :

158. Եթէ իշխանին որդեգրեալ էր զքեզ, անտանելի գոռողութիւն վիքանայիր առ մարդիկ և մոռանաս զաստուածութիւնն, որում այնքան սլարտականդ էս :

159. Քաջ գիտէր Սալոյն եթէ ոչ հնազանդեսցի Լայոս սլատամաց իւրոց • սակայն ոչ թաքոյց 'ի նմանէ զաղէտան որ հանդերձեալ կային նմա • բարերարութիւն զից չթողու անդգոյշս զմարդիկ : Մըշ

տահոս է աղբիւրս այս ճշմարտու-
թեան, բայց մարդիկ կան մասն
անհաւանք, անհնազանդք և ապրս-
տամբք:

160. Պաշտպանութիւն իշխանի
և կամ առն աւագի շատ լինին մեզ
առ աներկեան կացուցանել զկեն-
ցաղավարութիւն մեր՝ զերծ յամե-
նայն վտանգաց: Իսկ զգիւն ունելով
մեզ պաշտպանս, և խնամողս և
հարս, ոչ բաւիցեմք փարատել ըզ-
վիշտ, զհոգ և զերկիւղ մեր:

161. Չի՞նչ առնեն մարդիկդ: —
Չարհուրեալ սարսուացեալ կան յո-
րոց երկնչինն, կամ հեծեն և մնչեն
ընդ վիշտս իւրեանց: Եւ զի՞նչ այտի
գոցա ծագիցէ: — Քրթմնջիւն և
ամսարշտութիւն:

162. Ամենայն պատահար աշ-
խարհի գովութիւն է նախախնա-
մութեան: Յոյց ինձ զոք հանձա-
րեղ և երախտագէտ, և դիտասցէ
զայս:

163. Եթէ աստուածութեան ա-
րարեալ էր զերանգս գունոց և ոչ
հաստեալ աչս կարողս՝ ի տեսանել

և յորոշել զնոսին, իմ խմիք լինելին
պիտանացուք. և եթէ հաստատեալ
էր ընդ երանգաց և աչս, բայց ըզ-
լոյս ոչ, առ ինչ լինելին կարեւոր ե-
րանգքն և տեսանելիքն : Իսկ արդ
ով է որ զերեսին ևս ած 'ի դոյ 'ի
սկեսս իրերաց, ո՞ է հեղինակ հրա-
շալի միաբանութեանս : Աստուա-
ծութիւն ինքն է. դոյ ուրեմն նա-
խասինամութիւն :

164. Մարդոյ 'ի կենցաղու մասնի
է 'ի զնին կալ էութեան իւրում
և արարածոց աստուածութեան,
թարգման նորին և դրուատիչ : Եւ
դու, եղկելիդ, անտի սկսանիս և
անդ աւարտես, ուրանօր անասուն-
քն սկսանին և դագարեն. տեսանես
անզգայութեամբ : Աւարտեաց ու-
րեմն ուր աստուածութիւնն 'ի կա-
տար հասոյց զքեզ. 'ի լրումն ած
նա զքեզ շնորհելով հողի իմացա-
կան և բաւական 'ի ճանաչել զնա :
Վարես ջիր արդ. դովին, և մի ելաներ
արտաքս 'ի դերահրաշ տեսարանէ
աստի՛ ընդ աղօա ինչ և եթ միայն
նշմարելով յայն. այլ տես քաջ,
ճանիր, գովեա և օրհնեա :

165. Հատանես երկայն ճանապարհս յերթալ յՈւլմախա՝ ի տես հանդիսի խաղուցն, և ևս առաւել ՚ի տեսանել զչքնաղ անգրին Փիդիասայ, և մեծ զրկանս քեզ դրես զմեռանելն մինչև տեսեալ զնոսին. իսկ գործուածոց ևս վեհագունից քան զՓիդիասայն, գործոց՝ զորս չէինք հարկ երթալ խնդրել ՚ի հեռաստան, և ոչ այնքան վաստակել և տառապիլ, որ զի ամենուրեք երեւին, չկամիցիս բնաւ կալ գոցին ակնկառոյց: Երբ յիշկցես թէ ով ես գու, և վասն էր ծնեալ: Եւ մեռանիցիս անխոյթ արարեալ զգերահրաշ տեսարանաւ տիեզերացս, զոր աստուածութիւնն ասրածեաց առաջի աչաց քոց՝ առ ՚ի կարող լինելոյ քեզ դովաւ ճանաչել զնա:

166. Զէնք տուան քեզ յՍտուծոյ առ ՚ի դիմակաց լինել դժնգալագունից իսկ դիպաց. տուան քեզ մեծանձնութիւն, զօրութիւն, համբերութիւն և անյողդողդութիւն: Վարեսջիր արդ դոքօք. իսկ եթէ քրթմնջես տակաւին, խոստովան

լեր զի թողեր լքեր զսպառազինու-
թիւնն՝ որով ամրասնդեալն էր ըզ-
քեզ:

167. « Գոյ արդեօք նախախնա-
մութիւն, ասաց ոմն Նովիկուրեան .
ծորէ յօրնդացս անգադար հիւթ
տաղտկացուցիչ » : Արդարև դերի .
և վասն էր տուան քեզ ձեռք . ոչ
ապաքէն զի սրբեօ զանդունս քո :
« Այլ ոչ լաւագոյն էր, ասէ, անաղտ
լինել իսպառ » : — Եւ ոչ լաւ ևս
էր սրբել քեզ զանդունս, քան դա-
տախազ կալ նախախնամութեան :

168. Աստուած 'ի վկայութիւն
կոչէ, և հարցանէ . « Միթէ չիցէ՞
ստոյգ եթէ չիք բարի կամ չար բայց
'ի կամս և եթ : Ո՛ւմ ումէք մնասա-
պարտ իցեմ : Միթէ ոչ ետու իւրա-
քանչիւր ումէք կարողութիւն առ-
նելոյ զամենայն որ ինչ յօգուտ իւր
իցէ » : Զի՛նչ պատասխանի տայցես
առ այս : — Յանտանելի տառա-
պանս կամ . չիք ումէք փոյթ զինէն .
չիք որ ինձ ձեռնտու . ամենայն որ
քամահէ զիս, ամենայն զըսարտէ,
խեշերանք մարդկան եղէ : — Ա՛յս .

պէս շնորհս ունիս զսլատուոյն որով
մեծարեացն զքեզ՝ կոչելով 'ի վկա-
յութիւն, զի տացես փառս վասն
այսպիսեաց մեծամեծ ճշմարտու-
թեանց: Ակայ խնդրէր նա բարու-
թեան իւրում, ճշմարտութեանն և
արդարութեան. և դու կաս նմին
դատաստազ:

169. Ի դասս սուսերամարտից
կայսեր են որք զօր ամենայն անյու-
սաբար դանգատին զի ոչ կոչին 'ի
մարանչել հանապազ. ուխտս դը-
նեն դից ազատիլ 'ի սլարապորդու-
թենէ, և իբրև մեծ իմն յոյժ շնորհս
խնդրեն իջանել յասպարէզն մըցա-
նաց: Իսկ առ մեզ, չիք ոք որ խըն-
դրիցէ պատէհ հանգիսանալոյ 'ի սեր
աստուածոցն:

170. Յորչափ 'ի կենցաղումս եմ,
իմ պարտք այս են, շնորհս ունել
յամենայնի զգից, յամենայնի դո-
վել զնոսա և հրապարակաւ և ա-
ռանձինն, և մինչև ցյեալին շունչե
անգադար օրհնել զնոսա:

171. Կարիցէ՞ ոք արգելուլ ըզ-
քեզ 'ի վկայելոյ ճշմարտութեան

Ճանուցելոյ , կամ բունն առնել
քեզ 'ի հաւանութիւն ստութեան :
Տեսանես ուրեմն քաջիկ զի դոն 'ի
քեզ կամք անձնիշխանք , զոր և ոչ
ինչ ոչ կարէ կորդել 'ի քէն : Եթէ
կողոպտելի էր ազատութիւնդ՝ ա-
պա չունէր զքէն աստուածութիւնն
փոյթ՝ զոր անկ է ունել հօր բար-
ւոյ :

172. Սյնքան աղաշնորհք էմք
զի և ընդ սքանչելիսն զոր նախա-
խնամութիւն արար 'ի շահ օգտի մե-
րոյ՝ ոչ միայն շնորհս ոչ ունիմք ,
այլ և ամբաստան լինիմք զնմանէ և
քանքատիմք իսկ : Սակայն , ո՛վ
դիք , եթէ լեալ էր և դոյզն ինչ գո-
րով 'ի սիրտս մեր և կիրս երախ-
տեաց , մի և եթ գործ բնութեան և
փոքրագոյնն իսկ շատ էր մեզ 'ի
զգացուցանել զտեսչութիւն և զխը-
նամս նորին 'ի վերայ մեր :

173. Եթէ գոյր 'ի մեզ զգացումն՝
զամենայն կեանս մեր ոչ այլ ինչ
առնէաք հրապարակաւ և առան-
ձինն , բայց միայն գոհանալ զնա-
խախնամութենէ վասն ամենայն բա-

րեացն զորս առաք և յորս վայելեմքն 'ի կեանս մեր: Ս, յո. և 'ի բըրեւն, 'ի վաստակելն, յուտելն և 'ի ճեմել, 'ի յառնելն և 'ի ննջել, և յամենայն գործս՝ գոչէաք. « Ո՛վ, որպէս զի մեծ է նախախնամութիւն »: Եւ համայն ինչ գոչէր և հնչէր զայս աստուածական բարբառ. « Ո՛վ, որպէս զի մեծ է նախախնամութիւն »: Ս, յլ գու ասլաշնորհ ես և զաչացու: Ինձ ուրեմն արժան է ասել զայդ փոխանակ քո. և թէպէտ ծեր իցեմ և կաղ և աղքատ և հիւանդ, ասեմ անդագար. « Ո՛վ, որպէս զի մեծ է նախախնամութիւն »:

174. Եթէ սոխակ էի կամ կարաս, զգործ կարասի և սոխակի գործէի: Մարդ եմ և բանականութեան վիճակեալ. զինչ առնել է ինձ արդ: — Գովել զաստուածութիւնն: Զայս արարից զամենայն կեանս իմ, և 'ի սոյն յորգորեցից զամենայն մարդ լինել ինձ 'ի կցորդ:

175. Զինուորք որք գրին 'ի վաչաս Կեսարու՝ երդնուն երդունն ըստ

սովորութեան օրինի: Եւ ո՞ր իցէ
երգումն այն: — Քան զամենայն
լաւ համարել զկեանս ինքնակալին .
յամենայնի հնազանդ լինել նմա, և
տալ իսկ զանձինս 'ի մահ վասն կե-
նաց նորա: Իսկ դու որ 'ի ծննդէնէ
հաղորդեալ ես ընդ աստուածու-
թեան, և այնքան բարեօք զորս ըն-
կալար 'ի նմանէ, և 'ի դասս զինուո-
րաց նորին ծնեալ, ո՞չ առնիցես
զայդ երգումն . և կամ արարեալ՝
չկայցես հաւատարիմ: Եւ սակայն
որպիսի՞ խաիր ընդ երկոսին երգ-
մունս . զօրականն երգնու նախա-
պատիւ առնել զփրկութիւն կայ-
սեր քան զամենայն ինչ, և դու երգ-
նուս գերագոյն համարել զփրկու-
թիւն անձին քո: — « Հաւանե-
ցուցէ զիս, ասաց ոմն Եսպիկտետ,
եթէ ամենայն գործք իմ մերկապա-
րանոց կան առաջի աստուածու-
թեան, և ոչ մի ինչ յայնցանէ ոչ
վրիպիցի 'ի նմանէ »: Ետ պատաս-
խանի նմա Եսպիկտետ. « Եւ ո՞չ հա-
ւանիցիս եթէ ամենայն ինչ յաշ-
խարհի ունին զօգ իմն ընդ իրեարս:

— « Այո » : — Չիցէս դու հաւա-
նեալ զի երկրաւորքս ամենայն 'ի
յերկնայնոցն կառավարիցին : —
« Այո » : — Արդարև իսկ ատանես
զի ամենայն որ ինչ է 'ի օրեղերս՝
ըստ կարգեալ ժամուց հանդիպին ,
և յեղանակք ըստ սահմանեալ ժա-
մանակաց փոփոխին : Ըստ մերձե-
նալոյ կամ հեռանալոյ արեգական ,
և ըստ աճել և սրկասել լուսնին ,
ողջոյն իսկ կերպարանք բնութեան
փոփոխին : Արդ եթէ ամենայն ըս-
տորայինքս , և նոքին իսկ մարմինք
մեր այնպէս իմն շաղկասակեալ են և
միացեալ ընդ բոլորին , զիսորդ իշ-
խեսս ընդ միտ բնաւ ածել , եթէ հո-
գիս մեր , ճնաշխարհիկն և գերա-
գոյն քան զօրեղերս ողջոյն , կայցէ
միայն տարանջատ և անլծորդ ընդ
սատուածութեան՝ որ ստեղծն զնա :
— « Այլ զիսորդ հնար իցէ նմա տե-
սանել միանգամայն 'ի միում պա-
հու այնքան զանազան և այնքան
հեռաւոր իրս » : — Եղկելն՝ զաչա-
ցուդ . որքան զանազանեալ դործս
չառնէ միանգամայն և հոգի քո՝ որ

այնքան անձուկ սահմանափակ է :
Ընդգրկէ զաստուածայինսն և ըզ-
մարդկայինս , խորհի , տրոհէ , դա-
տի , հաւանի և մերժէ : Քանի՛ զա-
նազան սլասկերս , քանի՛ հակա-
ռակս իսկ իրերաց խորհուրդս՝ ո՛չ
բերէ 'ի ներքս յինքեան : Արեգակն
լուսաւորէ 'ի միում՝ սրահու զմե-
ծագոյն մասն աշխարհիս , մասն ինչ
ևեթ է որ ընդ ստուերօք երկրիս
ծածկեալ՝ թաքչի 'ի նշուլից նորս :
Եւ այն որ արար զարեգակնս՝ որ
թէսկէտ և ընդարձակ յոյժ իցէ՝
այլ կէտ մի ևեթ է առ լայնածա-
ւալ աիեղերաւս , միթէ ո՛չ լուսա-
ւորեսցէ նա զերկիրս համօրէն » : —
« Այլ հոգիս իմ՝ մի ըստ միտջէ առ-
նէ զգործս իւր , և մի առ մի նկատէ
զարարածս » : — Բանքէ . և ո՛ սասաց
քեզ եթէ միտքդ լայնաձիգ իցեն
հանդոյն աստուածութեան : Այլ ,
դու աղկաղկ որդն երկրի , միա գիր
որքան իրս զանազանեալս միանգա-
մայնամիտիէակնդ . այդքան փոքրիկ :
Որ ինչ ընդ ոլորաիւք աիեղերաց է՝
համանդամայն երևի տեսանելաց .

և կարէ ինչ թաքել յաչաց նորա՝
որ կազմեացն զաչս: Իսկ քեզէն
դատեա:

176. Չեառեն ինձ դիք ինչս բա-
ղունս. ոչ կամեցան յղփանալ ինձ
և փափկասուն վարել կեանս: Եւ
ընդէր կալայց տրտունջ: Ոչ նովին
օրինակաւ վարեցան և ընդ Հերա-
կլէս որ աստուածորդի էր, և որ-
պիսի որդի:

177. Հերակլէայ ոչ ցաւեաց թո-
ղուլ զմանկունս իւր որքս. քանզի
դիտէր եթէ չլք որք յաշխարհի. և
թէ ամենայն մարդոյ ամենայն ու-
րէք դոյ հայր որ խնամս տանի և ոչ
երբէք լքանէ:

178. Յորժամ մատչիմք հարցա-
նել զհաւահմայս, զարհուրիմք և
սրտառուչ մաղթեմք զգիս: « Ողոր-
մեցարուք ինձ, ասեմք, սվ դիք, տուք
ինձ յաջողել յայս ինչ և յայն
գործս »: — Ստրճի վատարանց,
զի՛նչ այլ ինչ քան զլաւագոյնն՝
կամիցիս քեզ: Եւ զի՛նչ լաւա-
գոյն քեզ քան առնել զհաճոյսն
դից: Արդ ընդէր նկրտիս յանկու-

ցանեւ զազաա կամանն և զդատաւորդ՝ որքան գոյ քեզ հնար զայդ առնելոյ :

179. Ընդէր իցէ երթալ հարցանել զըղձապատումս վասն իրաց՝ յորս քաջայայտ են սլարաք մեր : Եթէ իցէ հարկ դնելոյ զանձն իմ՝ ՚ի վասնդ վասն բարեկամի իմոյ, կամ մեռանել վասն նորա, զի՞ ևս պիտոյ է ինձ հարցուի : Միթէ ոչ ունիցիմ՝ ՚ի ներքս՝ ՚ի յիս սլատգամախօս ստուգադոյն և անխաբ, որ ուսոյց ինձ զբնութիւն բարւոյ և չարի, և եցոյց ինձ զամենայն նշանական յընտրութիւն նոցին :

180. Առ երկիւղի լոկ մտաբերէ մարդ գիմել առ կիւս . զանգիտէ ՚ի սլատահարաց . և վասն այսորիկ զիւրայօժար է ՚ի սլաշտել զնոսին, կացուցանել ընտրողս և իրաւարարս ամենայն գործոց իւրոց, զամենայն ինչս իւր հաւատայ նոցին, և եթէ ինչ բարեգուշակ իցէ նմա, շնորհս ունի զնոցանէ՝ որպէս թէ նորին իսկ էին բարեացն սուլչք : Արպիսի՞ կուրութիւն : Եթէ իմաս-

տուհիք էաք, հարցանէաք նոցա ըզ-
տատգամանն՝ որպէս յուզեորուծէ
հարցանեմք զուզին՝ առանց ինչ հո-
գալոյ թէ ընդ աջ և թէ ընդ ահեակ
հարկ իցէ երթալ: Զի զինչ իցէ
հարցանել տատգաման, բայց եթէ
զգիս իսկ հարցանել առ ՚ի գիտելոյ
զկամս նոցին և առնել: Պարտ և
արժան էր ուրեմն վարել մեզ տա-
գամօք որպէս աջօքս մերովք. զորս
ոչ աղերսեմք զի ցուցցեն մեզ զայս
կամ զայն, այլ տեսանեմք՝ զոր և ցու-
ցանեն. Զնոյն արասցուք և առ հար-
ցուկան. մի շողովեսցուք զնոսա, և մի
բնաւ աղաչեսցուք, այլ զոր ինչ և
հրամայիցենն՝ արասցուք:

181. Յորժամ երթաս առ հար-
ցուկ՝ յիշեա զի անգիտանաս զլինե-
լոցն և երթաս ուսանել զայն. այլ
յիշեա ընդ նմին զի եթէ իմաստա-
սէր իցես՝ երթաս հարցանել զտա-
գաման, քաջ գիտելով զհանգամանս
տատահարացն. զի եթէ իցեն յայն-
ցանէ որ չենն ընդ մերով իշխանու-
ծեամբ, չէ մարթ լինել ՚ի քեզ նո-
ցին ոչ ՚ի բարի և ոչ ՚ի չար: Արդ

յորժամ կայցես առ ըղձապատու-
մին, մի և մի ինչ բերիցիս սիրով
կամ ատելութեամբ, ապա թէ ոչ
ցանկ զգողանի հարցիս. այլ զիր
'ի մտի և հաւանեաց՝ զի որ ինչ և
հանդիպելոցն է անխափր է և ոչ
բուռն ինչ քեզ. այլ զխարդ և իցէ,
քեզ անկ է՝ ի բարւոք պէտս վարել
զայն, զի ոչ ոք կարող է զայդ խա-
փանել՝ ի քէն: Երթ ուրեմն աներ-
կեան՝ որպէս մատչելով առ դիս՝ որ
արժանի համարեսցին տալ քեզ
խորհուրդ. և յորժամ ընկալցիս՝ ի
նոցանէ խրատ, յիշեա թէ որպիսի
էին խորհրդատուքն առ որս դիմե-
ցերդ, և եթէ անասատեսցես՝ որպի-
սեաց լինիցիս ռանհարու: Այլ երթ
առ իղձս որպէս Սոկրատն կամէր
թէ երթիցէ մարդ. այսինքն է եր-
թալ միայն վասն իրաց որոց մարթ է
լինել հասու, բայց ՚ի կատարել նո-
ցին, որոց անհնար էր նախատես
լինել ոչ հանձարով մտաց և ոչ այ-
լով ինչ հնարիւք արուեստի: Եւ
արդ յորժամ գէպքն սրահանջիցեն
'ի քէն՝ ի մեծամեծ վտանգս անձնա-

տուր ըննել վասն բարեկամի քում
կամ վասն հայրենեաց, մի երթար
առ իղձ սրտդամ հարցանել, եթէ
իցէ արժան առնել զայդ • քանզի
եթէ ծանուցէ քեզ հմայողն չա-
րագուշակս զընդերս զոհիցն, յայտ
է թէ նշանակիցէ քեզ կամ զմահ,
կամ զվէրս և կամ զաքսոր • իսկ ու-
ղիցն բան թելադրէ քեզ թէ յայդը
ամենայնի վերայ պարտք են քեզ
օգնել բարեկամին և նուիրել զան-
ձրն վասն հայրենեաց : Ասան այստ-
րիկ եկ անսա դու վեհագունի ևս
սրտդամախօսի քան զոր հարցա-
նէիրդ • ահա պիւթեանն Ապոլոն, որ
արտաքսեաց մերժեաց յիւրոց մե-
հենից զայրն՝ որոյ ոչ էր վուծա-
ցեալ յօգնութիւն բարեկամին ան-
կելոյ ՚ի ձեռս սպանչաց :

ԳԼՈՒԽ Զ.

Յաղագս Իմաստասիրութեան և Իմաստասիրաց :

182. Որպէս պանիր կակուղ ոչ յարի 'ի կարթ, և ոչ այր թուլամորթ յիմաստասիրութիւն :

183. Հոգի աւազան իմն է ջրալից, և կարծիք՝ նշոյլք լուսաւորիչք աւազանին : Ի յուղել ջրոցն՝ թուի իմն թէ և լոյսն ընդ նմին աղաւաղիցի, այլ ոչ այդպէս է : Այսպէս և 'ի մարդոյս վրդովել՝ առաքինութիւնքն ոչ վեր 'ի վայր լինին և շփութին. այլ ոգիք մարդոյն են 'ի յուղման. 'ի հանգարաւել ոգւոցն, և ահա ամենայն անգորրանայ :

184. Սկիզբն իմաստասիրութե է ճանաչել զտկարութիւն մեր և զողիտութիւն 'ի կարևորսն և յանհրաժեշտ պարտս մեր :

185. « Զի՞նչ է իմաստասէր » : —

Այր՝ որում էթէ անսայցես՝ աղատ
առնիցէ զքեզ ստուգուծեամբ քան
թէ սրեաորքն :

186. Եթէ ազուաւ դուշակիցէ
ինչ քեզ կուչելովն, հաւատաս զի
Սատուած ոմն է որ խօսի ընդ քեզ,
և ոչ ազուան : — Եւ յորժամ ի-
մաստասէր ոք ազդ առնիցէ քեզ,
հաւատա ըստ նմին օրինակի էթէ
Սատուած է որ ազդէ քեզ, և ոչ ի-
մաստասէր :

187. Եթէ քաջ նկատիցես ըզ-
բարձր բարձր տեսուծիւնս իմաս-
տասիրի և զլոյս մտաց նորին, դրտ-
ցես զնա կարի խորատես, որպէս
զի և Արդոս ինքնին ամենայն աջօքն
իւրովք զաջացու երևիցի առ նմին :

188. Վարժարան իմաստասիրի
բժշկանոց իմն իցէ, ուր ոչ ՚ի հեշ-
տանալ երթայ մարդ՝ այլ զգալ ցաւ
բուժիչ : Ուրումն թիկունք թիւ-
րեալ են, այլում սպալար կայ ՚ի
մարմնի, այլ ոք խղիւսայթեալ, և միւս
վիրաւորեալ ՚ի գլուխն : Միթէ ա-
սպաքինեացին դոքա հեշտանալովն :

189. Յամենայն դորձս՝ մինչև

ձեռն արկեալ՝ քննեա և տես յիմէ՞
յառաջ դայցէ և զինչ զհետ բերցէ,
և ապա լիջիր ձեռնամուխ: Եթէ ոչ
վարիցիս այսու կանոնիւ՝ իսկզբանն,
յամենայն դործս քո զգայցես հեշ-
տութիւնս, զի չև ևս է քո խորա-
զգաց լեալ հեռեանացն, այլ յետոյ
ուրեմն յերևան դալ ամօթոյ կու-
րագլուխ եղիցիս:

190. Չամենայն զգործս քո և
զձեռնարկութիւնս սիսիր այսպիսի
աղօթիւք. « Առաջնորդեցէք ինձ,
մեծդ Արամազդ, և դու հզօր ճա-
կատագիր, առ ամենայն որ՝ ի ձե՛նջ
սահմանեալ է վասն իմ. երթայց ըդ
հետ ձեր մտադիւր և անմեղիկ սրբ-
տիւ: Չի եթէ կամեցայց հակառակ
կալ հրամանաց ձերոց, ոչ միայն
եղէց ապիրատ և ամպարիշտ, այլ
և դարձեալ հարկ ՚ի վերայ կայ ըն-
թանալ զհետ ձեր յակամայս »:

191. Այր բարի և ճշմարիտ խմա-
տուն՝ յիչէ հանապաղ թէ ո՛վ որ է
ինքն, ուստի եկն, և յումէ՞ ստեղ-
ծաւ, կայ և պահէ զիւր տեղի, և
խնդրէ միայն հնազանգել զկցն,

ասելով. « Կամիցիք զի կամ մնամ
տակաւին յայսմ կայի. կամ աւա-
սիկ: Կամիք զի ելից. ելանեմ ահա:
Ձի վասն ձեր և եթ կամ ես աստա-
նօր, և վասն ձեր և եթ ելանեմ աստի-
առաջի աչաց իմոց ունելով միշտ
զհրամանս ձեր և զարդելա »:

192. Ձինչ առնեն ուղևորք ըզ-
գոյշք, յորժամ լսիցեն եթէ զճա-
նապարհս ընդ որս անցանելոցն են՝
գոյք և աւազակք ունին: Բաղա-
րեն 'ի յառաջ վարելոյ միայնակ
զգնացան, և սպասեալ մնան խառ-
նիլ յամբոխ դեսպանի, գանձապե-
տի կամ փոխանակի բղէշի ուրուք.
և այսպիսի զգուշութեամբ անվը-
տանք կատարեն զուղևորութիւն իւ-
րեանց: Ձնոյն օրինակ առնէ և զգօնն
յայսմ աշխարհի, որ աւազակուտ է
և լի բռնաւորութեամբ, սղխալք
և տառապանօք: Ձիա՞րդ անցանիցէ
միայնակ անկորուստ: Սակայն սեմ
սպասեալ մնայցէ, կամ յո՞ յարեցի.
յիշխանաւորօք, 'ի հիւսպատ եթէ 'ի
սրբտոր: — Ս, յԼ սոքին իսկ են թըշ-
նամիքն՝ յորոց առաւելապէս անկ

է զանգիտել: Ուրեմն մնայ նա ընկերի՛որ անկասկած իցէ և հաւատարիմ, և որում չկայցէ վտանգ խարդաւանելոյ. և ընկերս այս դիք ինքնին են. յորս յարեալ՝ երթայ անցանէ անվտանգ ընդ ամենայն խոչ և խուժս կենցաղոյս:

193. Որպէս 'ի քայլելոյ զգոյշ ընինս չկոխել 'ի սեպս, կամ գելոււ և գայթեղ զոտս, զնոյն օրինակ ըզգոյշ լեր չգնել վերս արհուազունի մասին անձինդ, և այնմ որ առաջ նորդէն քեզ: Եթէ այսմ կանոնի միտ դիցուք յամենայն գործս կենաց մերոց՝ ամենայն արարք մեր աներկեան եղիցին:

194. Քննեմ զբանս և զգործս մարդկան, ոչ առեպերել կամ ծաղրաւանել, այլ յիս ինքն փոխարկելով զայնոսիկ, ասեմ « Արդեօք գործիցեմ և ես զայս թերութիւն. երբ դագարեցայ յայսցանէ, երբ ուղղեցից զանձն իմ: Ահա սակաւ աւուրք են զի և ես հանգոյն նոցին գործէի. այլ արդ ոչ նոյնպէս մեզանչեմ, գոհութիւն դից »:

195. Տրանջէլ զայլոց վասն աղէ-
տից անձին՝ գործ է առն տգիտի-
խակ տրանջէլ զանձնէ՝ նորավարժից
է գործ. իսկ ոչ զանձնէ և ոչ զայ-
լոց գանգատիլ՝ վաղու իսկ հրահան-
գելոյ է գործ :

196. Աամիս խմաստասէր լինել-
սլատրաստեաց զանձն քո՝ ի նշա-
ւակի կալ. համարեա թէ աամիկն
չէսցէ քեզ և ասացէ. Ահա՛ ի մի-
ուսմ գիշերի եհաս մեզ խմաստասէրս
այս. և ուստի՞ են դմա յօնքդ սուրս-
տեալք : Այլ դու զգոյշ լեր յակ-
նարկելոյ բարձրայօնակս. կալ զա-
ռածս որ ընտրելագոյնք և չքնաղա՞-
գոյնք թուիցին քեզ. և գիտասլիր,
զի եթէ անդրդուելի կացցես ի նո-
սին, որք զառաջինն ծաղր առնէին
դքեզ՝ նոքին իսկ յետոյ յապուշ
կրթեսցին ի քեզ. իսկ եթէ խո-
ժուեսցիս ընդ անարգանսն՝ կրկին
ևս ծաղր և ծանակ կայցես :

197. Եթէ հայեսցիս երբեք ար-
տաքս առ ի հաճոյանալ ումք, գի-
տեա զի դու անկեալ կործանեցար
յաստիճանէդ : Շատ լիցի քեզ լի-

նէլ յամենայնի և յամենայն տեղիս
խմաստասէր. և եթէ կամիցիս երե-
ւել այնպէս, յորժամ լինիցիս՝ շա-
տասջիւր երևել յաչս քո և եթ, և
այդ բաւ է:

198. Մի բնաւ երբեք ասիցես
լինել խմաստասէր, և մի ճոռոմա-
բան լինիր դեղեցիկս առակօք առա-
ջի ազիտաց. այլ արա զամենայն
զոր առածքն աւանդեն: Օրինակ
իմն. 'ի խնջոյս բազմեալ, մի թէ որ-
պէս սպարա է ուտել՝ զայն ասեր,
այլ կերիջիր որպէս սպարան է ու-
տել. և յիշեա զի այսպէս Սփրատ
յամենայնի և ամենայն ուրեք 'ի
բաց կարեաց զամենայն սնամբառ
պերճանս և նազանս. երթային առ
նա երիտասարդք խնդրել զի յանձ-
նեցէ զինքեանս խմաստասիրաց, և
նա տանէր, ոչ ինչ դժուարեալ ընդ
նուստտանալն իւր:

199. Յիշեա զբանն Նփրատեսի
զոր ասեր. թէ ընդ այս մեծապէս
ուրախ եմ զի թաքուցի զանձն իմ
յայլոց չերևիլ խմաստասէր. և ոչ
միայն հաւանեալ էր չառնել ինչ 'ի

ցոյցս մարդկան, այլ զամենայն վասն
աստուածոց և վասն իւր. այլ և
մխիթարէր ընդ այս, զի որպէս մի-
այնակ մարանչէր, միայնակ և զանձն
դնէր 'ի վտանգ, և ոչ կայր խարդա-
ւանակ ոչ մերձաւորին և ոչ իմաս-
տասիրութեան՝ թերութեամբք ինչ՝
յորս մարթ էր նմա գթել. և զի
թաքուն իմն հաճութիւն էր նորա
իմաստասէր ճանաչիլ 'ի գործոցն
քան 'ի հանգերձիցն:

200. Խստակրօնութիւն մեր և
կրթանք մարմնականք՝ մի լիցին ա-
ռաւելազանց կամ դժուարահա-
ւատք, և մի 'ի ցոյցս ինչ և 'ի սնա-
փառ սերձանս. ապա թէ ոչ՝ հաց-
կատակք իցեմք և ոչ իմաստասէրք:

201. Աթէ սովոր իցես կեալ չո-
րաբեկ, և ճնշել զմարմինդ, ընդ այդ
մի լինիցիս անձնագով. և եթէ ջրիկ
և եթ ըմպիցես, մի վաղվաղեր ասել
թէ ջուր և եթ ըմպեմ: Աթէ կամիս
մարդիլ 'ի ժուժկալութիւն և 'ի
համբերութիւն՝ վասն անձինդ և մի
վասն այլոց, մի ընդգրկեր երբէք
զանգրիս, այլ 'ի չարատանջ սա-

առք ծարաւոյդ՝ անկ ջուր՝ ի բերան,
և ժայթքեա անդրէն, և մի ասեր
զայդ ումք:

202. Յորժամ ՚ի գործ ինչ եր-
թիցես առնել, մինչև ձեռն ար-
կեալ՝ յեղյեղեա սակաւիկ մի ՚ի
մտի թէ զինչ է զոր առնելոցդ ես.
Եթէ ՚ի լուանալ ՚ի բաղանիս եր-
թաս, զմտաւ ած զոր սովոր է լինել
՚ի բաղանիսն. արկանել ջուր զմի-
մեամբք մղել զիրեար, ունչս առնել,
և գողանալ. յասպահովագոյնսերթի-
ցես անդր առնել, եթէ յառաջնմէ
ասիցես ցանձնդ. երթամ լուանալ
՚ի բաղանիսն. այլ կամիմ պահել
զազատութիւնս իմ և զանձնիշ-
խանութիւն, զճշմարիտ պարգևս
բնութեան իմոյ: Նոյնպէս և յա-
մենայն դէպս արասջիր. որպէս զի
եթէ արգել ինչ լինիցի քեզ լուանա-
լոյ, ունիցիս ՚ի ձեռին զգարման
ժնասուն, այսինքն է ասել. ոչ լուա-
նալ և եթ կամէի ես, այլ և պահել
զազատութիւն իմ և զանձնիշխա-
նութիւն. և կորուսանէի զայդ ս-
սիկ՝ եթէ դժկամակ լինէի:

203. Չէ և չէ ինչ հարկ երթալ
 յաճախ՝ ի թատերս և ՚ի խաղս հրա-
 պարակացն. և եթէ երթիցես ըստ
 դիպաց՝ մի և միոյ կողման լինիցիս
 կուսակից. անձին քում պահեա
 զխրախուսանս և զկարեկցութիւն.
 այսինքն է, որ ինչ և դիպեացի՝ գոհ
 լեր, և հաճեաց ընդ յաղթանակ
 յաղթողին. և զայս օրինակ ոչ բնաւ
 դժկամակ լինիցիս կամ խռովեալ:
 Չգոչ լեր և ՚ի ծափահարութեանց,
 ՚ի քրքիջ բանալոյ, և յանհեթեթ
 շարժուածոց. և յորժամ ՚ի բաց
 դառնաս՝ մի երկայնաբան լինիր զո-
 րոց տեսերն. զի ոչ եթէ յուղղութիւն
 ինչ վարուցդ օգնեացեն գոքա կամ
 արասցեն զքեզ զգաստադոյն: Քան-
 զի յերկարատև զբօսանքն այն վը-
 կայեն՝ եթէ ընդ տեսարանն և եթ
 զարմացեալ, հիացեալ կայիր:

204. Մի գնասցես յարասա-
 նութիւնս կամ ՚ի լուրքն թերցուա-
 ծոյ գրուածոց ինչ ոմանց, և մի
 կացցես անգանօր ցովաբար. իսկ
 եթէ գտցիս անդ, կայց ծանրու-
 թեամբ և զգաստութեամբ, իբրև
 յօժար և անձանձրոյթ:

205. Ստոյգ նշանակէ յառաջադիմութեան մարդոց յուսումն իմաստութեան՝ այսոքիկ . ոչ զոք անգոսնել, և ոչ զոք գովել, չորտընջել զումէքէ, չամբաստանել զոք . չխօսել զանձնէ որպէս թէ իցէ ինչ և կամ գիտիցէ ինչ . եթէ կամայ հաճոյից իւրոց արդէլք ինչ կամ խօչընդակք ելանիցեն՝ անձին միայնոյ լինել մեղադիր : Եթէ ոք գովիցէ զնա, գաղտ ծիծաղիցի զգովչէն . և եթէ ոք սագտանիցէ՝ մի կացցէ անձին ջատագով . այլ որպէս նորաբոյժ ոք յախտէ՝ որ փորձէ զանձն և հողայ և կասկածի խանդարել և վեր՛ի վայր առնել՛ի սկիզբան առողջութեանն մինչև իցէ կաղդուրեալ բոլորովին : Հատանէ յինքենէ զամենայն փափաքանս, և զամենայն հակառակութիւն իւր շրջէ ընդդէմ այնպիսեաց իրաց՝ որք հակառակ իցեն բնութեան այնմ որ զմէնջըն կախի . չբերի յինչ բուռն խլլամամբ, այլ մեղմով և ցածութեամբ . և եթէ ոք պարզամիտ և սգէս համարիցի զնա, ոչ վշտանայ :

Միով բանիւ հանապազ զգուշա-
նայ անձին, որսէս թէ առն՝ որ
ցանկ որոգայթս լարիցէ ինքեան և
չար քան զամենայն թշնամի իցէ :

206. Եթէ կանուխ ոք երթայ՝ի
բաղանիս, մի՛ ասեր բնաւ թէ չար
գործէ այդսէս վաղվաղել ՚ի լողա-
նալ, այլ թէ քաջ վաղագոյն երթայ
՚ի բաղանիս : Եւ թէ ոք զգինեօք գե-
գերի յոյժ, մի՛ ասեր թէ չար առնէ
ըմպելովն, այլ թէ յոյժ ըմպէ :
Չիարդ մինչև իցէ քո՛ ի վերայ հա-
սեալ պատճառաց գործոցն՝ գի-
տիցես թէ չար առնիցէ : Այսպէս
յամենայն նուագս եթէ ըստ այսմ՝
օրինակի դատիցես՝ այլազգ իմն գի-
պեսցի յերևելն աչաց քոց. զայլ
ինչ տեսցես և այլ ինչ կարծիցես :

207. Եթէ գիպեսցի քեզ տեսա-
նել խնդիրս յուզեալ զգեղեցիկ ինչ
խնդրոյ առաջի տգիտաց, դու լուռ
լեր. զի վտանգ մեծ է քեզ մատու-
ցանել զոր չև ևս է քաջ որոճեալ :
Եւ եթէ նախատեսցէ ոք զքեզ իբրև
զտոգէս և ոչ ՚ի խոր խոցիցիս ընդ
անարգանսն, ծանիր զի սկսար լինել

խմաստասէր՝ի վայրկենէ այտի: Չոր-
օրինակ և գառինք սչ եթէ երթան
ցուցանելառ հովիւս թէ որչափ ինչ
կերանն, այլ յեա մարտելոյ զճա-
քակն՝ գան բերեն զասր և զկաթն.
սոյնպէս և դու մի՛ ճոռոմեր առաջի
տղիտաց առածս չքնաղս, այլ եթէ
բարւոք որոճացեր զայնոսիկ՝ ցոյց
՛ի գործոց քոց:

208. Եթէ գուցէ արուեստ բար-
ւոք խօսելոյ, գոյ արուեստ և բար-
ւոք լսելոյ:

209. Վասն էր տգէտք հզօրա-
գոյնք են քան զքեզ ՛ի վէճս բանից
մինչև ամիլբերան առնել զքեզ: —
Քանզի նորա հաստատագոյն հա-
ւաստ ունին ընդ մուր սկզբունս
իւրեանց, քան դու ընդ ճշմարտու-
թիւն սկզբանց քոց. ոչ ՛ի սրտէ
բղխեն այնպիսի բանք, այլ ՛ի շք-
թունս ծնանին, վասն այսորիկ և
անզօրք են և մեռելատիպք. ՛ի ծաղփ
և ՛ի ծանակ հասարակաց կարգեն
զփանաքի առաքինութիւնդ՝ որով
բարեքես զքեզ ՛ի խօսելդ, և հալին
իբրև զմամ՝ յարևու: ՛ի բաց կաց

ուրեմն յարևէ՝ մինչ տակաւին մտ-
մեղէնք էն կարծիքդ :

210. Քնարահար ընդ առնուլն ՚ի
ձեռս ղքնար, ատան է զի չէ աղէ-
յարմար և յարմարէ զլարսն միու-
թով: Առ ՚ի կենցաղավարել անբոյթ
ընդ մարդկան՝ արժան է իմաստնոյ
ղնոյն օրինակ վարել ընդ մարդկան
որով քնարահար ընդ աղետոց քնա-
րին. քննել թէ ոյք իցեն թուլա-
գաշնակք, և յարմարել և ածել ՚ի
ներդաշնակութիւն որպէս և առ-
նէրն Սոկրատ :

211. Պատճառ կորստեան մերոյ
այն է, զի այն ինչ առեալ ծայրիւք
չթանց զճաշակ իմաստասիրու-
թեան՝ իմաստասէրք կամիմք երևել,
և այլոց նախ լինել օգտաւէտք. կա-
միմք նորոգել զաշխարհս: Ա՛յ՛ բա-
րեկամդ իմ. նախ նորոգեա զքեզ
և ապա ցոյց մարդկան զայր ի-
մաստասիրութեամբ յարգարեալ:
Սեղանակից լինելով նոցին, և ճե-
մելով ընդ նոսին, կրթեա զնոսս օ-
րինակաւ քով. անզի աուր նոցին
յամենայնի. զա՛ննեսին նախամե-

ծար արա քան զքեզ. համբեր նոյն յամենայնի: Սոքօք լիցիս նոցա օգտակար:

212. Եթէ ցուցցես անդգամին թէ զոր ոչն կամի զայն առնէ, և չառնէ զոր կամին, ուղղեսցես զնա. իսկ եթէ զայդ ոչ ցուցանես նմա, մի արանջեր զնմանէ, այլ զքէն և եթէ կալ արտունջ:

213. Եթէ կամիցիմք լինել ճշմարիտ իմաստասէրք, արժան է մեզ այնպէս յարգարել զկամս՝ զի կազմ և յարմար գացին առ ամենայն հանդիպեալն. որպէս զի եղիցուք միշտ շատացեալք եթէ զխտեսցի ինչ և եթէ ոչ: Այսու զայս մեծ օգուտս շահիմք, զի որոցցանկամքն՝ անվտէպ ստանամք, և յորոց երկնչիմքս՝ զերծանիմք: Եւ այսպէս անվիշտ և անխառով քաղաքավարեսցուք ընդ մերձաւորս մեր, անսագիւտ սահելով զամենայն զքնական և զստացական կցորդութիւնս մեր. այն է լիուրի կատարեսցուք զպարտս հօր, որդւոյ, եղբօր, քաղաքացւոյ, ամուսնոյ, դրացւոյ, ընկերակցի, ուստիկանի և հպատակի:

214. Ձիք ուսումն կամ արուեստ
որ ոչ քամահիցէ զագիտութիւն
և զագէտա: Մի՛թէ իմաստասիրու-
թիւն միայն արդոյ համարիցի զայն,
և գլորդեսցի յանարգանաց նոցին և
'ի մոլար դատմանէ:

215. Ընդէր իցէ 'ի վէգ դաւընդ
այնոսիկ որք ոչ խելամաէն և բացա-
յայտագոյն ճշմարտութեանց: Ձեն
մարդիկ այլ քարինք:

216. Իժիշկ եկեալ 'ի տես հի-
ւանդի՛ ասէ. ձերմն ունի զքեզ
Ժուժկալեա այս օր յամենայն կե-
րակրոյ, և ջուր և եթ արբջիր: Հի-
ւանդն անսայ, շնորհս ունի և սայ
զվարձան: Իմաստասէրն ասէ ցար-
գէտն: Իղձք քո անկարգք էն, եր-
կիւղ քո սնտաի և ծառայական, և
կարծիքդ թիւրք: Տգէտն գնայ
ընդ այն խոժոռեալ, և ասէ. ո՛հ, զի
չարաչար վարեցաւ ընդ իս: Ուս-
տի՛ իցէ այս խտիր 'ի միջի: — Քանզի
հիւանդն զգայ յանձին զախան,
իսկ ագէտն ոչ բնաւ:

217. Եթէ կամիս զարգանալ յու-
սումն իմաստութեան, մի՛ ծանր

համարիր պահասամիտ և ազէտ
երևել յարտաքին յիրս :

218. Մի խնդրեր երևել իմաս-
տուն յաջս այլոց, և եթէ այր
հոյակապ համարիցիս յոմանց,
դու մի հաւատար անձին : Քիտելով
քաջ, զի չէ հեշտին պահել քեզ
զկամս ըստ բնութեան և ըստ ար-
տաքին իրաց, այլ հարկ անհրաժեշտ
'ի վերայ կայ, զի թէ յարիցիս 'ի
մին՝ լքցես զմուսն :

219. Այս պայման և բարք են
տգիտին, ոչ յանձնէն ակն ունել
զբարին իւր կամ զչար, այլ միշտ
յօտարաց : Իսկ պայմանք և բարք
իմաստասիրին են, զամենայն զբարի
և զչար իւր՝ ակն ունել յինքենէ
և եթ :

220. Ուստի է գոռոզութիւնդ
այդ և բարձրայօնութիւն իմաստա-
սիրիդ փոքրկան : Համբեր սակաւ
մի, բարեկամ, ընդ հուս պերճա-
դոյն և սեղէց, տակաւին չեմ խորար-
մատ 'ի սկզբունս զդր ուսայ և ընդ
որս հաւանեցայ, երկիւղ է ինձ դեռ
և ս ընդ տկարութիւնս իմ : Սպա-

սեա սակաւիկ մի ևս և զօրացայց,
 և տեսցես յիս տարօրինակ իմն
 գոռողութիւն: Անդրին տակաւին
 չէ ևս է աւարտեալ. և դից դեռ ևս
 ոչ է 'ի յանդհանեալ զձեռագործն:
 Թող աւարտեսցի և ապա տեսցես
 զայն: Այլ մի կարծիցես, թէ այս
 գոռողութիւն յամբարտաւանութեանէ
 իցէ. այլ գոռողութիւն վտաւհութեան
 և աներկեանութեան 'ի ճշմարտութիւն
 անդր: Գոռողութիւն և պուստեալ յօնքն
 զոր տեսանես 'ի դէմս Արամազդայ՝
 իցէ և այդ հպարտութիւն ըստ
 քումդ կարծեաց: Ոչ. այլ անյող
 գողգութիւն է, անշարժութիւն և
 հաստատութիւն. այսպիսի արժան
 էր լինել աստուածոյ՝ որ ասէն
 ց.բեզ. « Որ ինչ միանգամ ակնարկ
 կելով յօնիցս հաստատեցի՝ անսը
 խալ է, անդարձ և անլրէս »:
 Գուն գործեցից նմանող լինելոյ մե
 ծիս այսմ օրինակի: Տեսցես զիս հա
 շատարիմ, պարկեշտասէր և արիա
 սիրտ. անաեղխաալի յուզմանց և
 զլրդովմանց՝ յորոց ծագին ասա-

ւորքն կոչեցեալ արկածք: — Այլ
ատկից զքեզ և անմահ, և անծե-
րանալի և անախտ: — Ոչ. այլ տես-
ցես զի գիտեմ մեռանիլ, և գիտեմ
ծերանալ և հիւանդանալ. տեսցես
զնեարդս իմաստասիրի՝ նեարդս կա-
րի քաջ զգայունս: — Որպիսի
նեարդս: — Իղձս՝ ոչ բնաւ ՚ի դերև
ելեալս՝ երկիւղս քաջայարմարս,
որ զառաջս ունին զամենայն չա-
րեաց. շարժուածս օրինաւորս և
պատշաճս, խորհուրդս խոհեմաբար
երկնեալս, և հաւանութիւնս ան-
ապաշաւս:

221. Ձէ ինչ դիւրին լնուլ զպար-
տըս ըստ բուսոյ բարուց: Մարդ
կենդանի է մահկանացու և բանա-
կան, և բանիւ որոշի յանասնոց:
Արդ քանիցս և օտարանայ ՚ի բա-
նէն, և առանց բանի գործէ, մար-
դըն անհետ լինի և անասունն ՚ի վեր
երևի:

222. Նմանք եմք այնոցիկ որ
մեծամեծ համբարս կուտեալ ունի-
ցին և կացցեն վախոք և ծիւրեալք-
ոչ վարելով գարմանօքն: Ու-

նիմք առածս չքնաղս և պատուի-
րանս գեղեցիկս, այլ զայս 'ի խօսել
վարեմք և ոչ 'ի գործել. գործք մեր
յամօթ առնեն զբանս մեր: Չեմք
տակաւին մարդիկ, և կամիմք ան-
ցանել 'ի կարգս իմաստասիրաց. կա-
րի է մեզ բեռնդ այդ: Զորօրինակ
թէ որ ոչ ունելով զօրութիւն բառ-
նալոյ բեռինս երկուց լտերց՝ բուռն
հարցէ բառնալ զվէմն Կասայ:

223. Առաջին և կարևորագոյն
մասն իմաստասիրութեան՝ ճառէ
զգործնական պատուիրանաց. օրի-
նակ իմն, Աչ է պարս ստել. երկրոր-
դն, փաստիւք ցուցանէ ղխրաան-
որակս. ընդէր չիցէ պարս ստել,
իսկ երրորդն ընծայէ զհաւաստիս
փաստիցս. որգոն. ընդէր այսոքիկ
իցեն փաստք, և ղինչ սոցին ճշմար-
տութիւն և ստուգութիւն. և դար-
ձեալ ղինչ իցեն ցոյց և հեռեանք,
հակառակութիւն և ճշմարտու-
թիւն և ստութիւն: Երրորդս այս
մասն կարևոր է 'ի սակս երկրոր-
դին, երկրորդն վասն առաջնոյն, և
առաջինն կարևորագոյն քան զամե-

նայն, յորում արժան է կալ և մը-
նալ: Իսկ մեք վեր 'ի վայր առ-
նեմք զկարգն. զկայ առնումք գըլ-
խովին յերրորդումն մասին. ամե-
նայն վաստակք մեր և ամենայն ու-
սումն յերրորդն կրթին, այն է 'ի
հաւաստիսն. և թողաք լքաք զառա-
ջինն, որ է կրթութիւնն և գործ-
նականն: Վասն այսորիկ և ստեմք
իսկ. թէպէտ և միշտ 'ի պատրաստի
կամք ցուցանելոյ թէ չէ օրէն ստել:

224. Գրեմք առածս գեղեցիկս.
այլ իցէ մեր քաջ 'ի միտ առեալ զայ-
նոսիկ, կամ ներակրթեալ 'ի նոսին:
Եւ բան զոր ասէինն զլակեգե-
մոնացոց, եթէ «Առիւծք են առ-
անին և կապիկք յՆփեսոս», ոչ ա-
պաքէն 'ի դէպ ելանիցէ բազմաց 'ի
մէնջ իմաստասիրացս: Առիւծք եմք
'ի լսարանս մեր, և կապիկք 'ի հրա-
պարակս:

225. Ձի է զի սաոյիկեան կեր-
պարանիս: Ըստ գործոց քոց կալ
քեզ անուն, և մի պճնիր անուամբ
որ չէ քեզ անկ, և զոր անպա-
տիւ առնես: Զբազումս տեսանեմ

ստոյիկեան առածս բարբառելով,
այլ ստոյիկեան և ոչ զոք: Յոյց ինձ
ստոյիկեան մի, շատ է ինձ և մի ոք:
Ստոյիկեան ասեմ, որ 'ի հիւանդու-
թեան երջանիկ է, երջանիկ 'ի վը-
տանդս, 'ի մեռանելն՝ երջանիկ, և ա-
նարգեալ և զըրպարտեալ՝ գտանի
երջանիկ: Աթէ ոչ դտցես զայդպիսի
ոք ցուցանել ինձ ստոյիկեան կա-
տարեալ և 'ի չափ հասեալ, ցոյց ինձ
գոնեա սկսնակ զոք: Մի՛ խանդար ինձ
ծերունւոյս զմեծ զայս հանդէս, յոր
խոստովան ըննիմ՝ թէ չև ևս է իմ
վայելեալ. ցոյց ինձ այր մի որ կա-
միցի հաւանել յամենայնի կամաց
աստուածոցն, որ ոչ բնաւ քան-
քարաիցի ոչ զգից և ոչ զմարդկանէ,
որոյ ոչ իցէ բնաւ 'ի դերև ելեալ
յիղձս փափաքանացն, որ ոչ խո-
ժուեալ ընդ ինչ, որ չունիցի ոչ
մախանս, ոչ ցասումն և ոչ նախան-
ձաբեկութիւն. որ 'ի մահկանացու
մարմնի աստ ծածուկ իմն հաղոր-
դութիւն ունիցի ընդ դիս, և ըղձա-
նայցէ մերկանալ զմարդն առ 'ի ըզ-
դենուլ զաստուածն:

226. Չէ սլարա 'ի կենցաղումս
արագ արագ տագնապիլ: Առաքեմք
զոք քննել իրազեկ լինել անցիցն ան-
ցելոց. այլ ոչ բարւոք ընտրեմք
զլրտես մեր. քանզի առաքեմք ըզ-
վառ ոք՝ որոյ ընդ առնուլն շուկ
դուզնաքեայ, և ահիւ ըմբռնեալ
ընդ իւր իսկ ստուերն, վերագառ-
նայ առ մեզ ամենեին զարհուրեալ:
« Մահ, աքսոր, զըսարտութիւն և
աղքատութիւն՝ հասեալ գան »: —
Բարեկամ, խօսեաց վասն քո: Յի-
մարք եմք մեք՝ զի զայդպիսի ընտրե-
ցաք այր լրաբեր: Դիողենէս որ նախ
քան զքեզ գնաց 'ի լրտեսել, այլազ-
գադոյնս ետ մեզ տեղեկութիւն.
նա ասէր մեզ, եթէ մահ ոչ է չար՝
եթէ չիցէ անարդտեան. և թէ զըր-
պարտութիւն շնջիւն միայն է խե-
լայեղից անձանց: Իսկ զինչ ասաց
զվաստակոց, զցաւոց և զաղքատու-
թենէ: Ասաց, բա. « Արթութիւն է
ընտրելագոյն քան զեղրած իրանին
սլատմուճան »: Միով բանիւ, ա-
սաց նա. « Ոչ տեսի բնաւ թշնամիս.
յանդորրու կայ ամենայն. աղէ հա-

յեաց և տես զիս . միթէ իցեմ դա-
նաբեկ, կամ վիրաւոր, կամ փախըս-
տեայ) : Ահա այսպիսիս արժան է
առաքել լրտես :

227 . Մի ոմն յաշակերտաց իմոց
որ սակաւ ինչ հակամէան էր 'ի
շնականն իմաստասիրութիւն, ե-
հարց ինձ յաւուր միում, թէ զի-
ւորդ արժան էր լինել իմաստասիրի
ազանդոյս այսորիկ, և զինչ առնել
առ 'ի յաջողելոյ 'ի նմին : — Բարե-
կամդ իմ, ետու նմա պատասխանի .
զայս և եթ ունիմ ասել քեզ, զի ա-
մենայն ոք որ բուռն հարցէ զայս-
պիսի մեծամեծ իրաց՝ յոր չիցէ կո-
չեցեալ 'ի դից՝ յիմար է, հանգոյն
առն որ մտանիցէ 'ի տուն մի մեծ և
կամիցի տէր լինել նմին, և կամ հան-
գոյն Թերսիդեայ կերպարանիցի
զԱգամեմնոն : — « Ս, յլ ես գիտացից
բարւոք արկանել զանձամբ գրը-
գլեակս, և ամիան համակ կարկա-
տուն . գեանախշաի եղէց, և կրեցից
մախաղ և ցուպ, և թշնամանեցից
զամենայն ոք » : — Ո՛ բարեկամ, ե-
թէ այլու գատիս զիմաստասիրու-

Թիւնս զայս՝ չարաչար դատիս :
 Իմաստասէր կիւնիկեան համակ
 զարգարեալ է համեստութեամբ, և
 ցանկ հրատարակատես լինի, քանզի
 չառնէ ինչ բնաւ անվայելս : Առա-
 քեալ է ՚ի դից յուղղել զմարդիկ, և
 ուսուցանել նոցա օրինակաւ իւ-
 րով, եթէ մերկ և անինչ և ծած-
 կոյթ զերկին միայն ունելով և խըշ-
 տեակ զգեալինն, հնար է լինել եր-
 ջանիկ . այր՝ որ զախտաւորն թէսկէտ
 և ՚ի մեծամեծաց ոք իցէ՝ համարի ընդ
 գերիս . այր՝ որ չարատանջ և գանա-
 լից լեալ, սիրէ և օրհնէ զայնոսիկ
 որ գանե՛նն զնա և լիկեն . այր՝ որ
 զամենայն մարդիկ իբր զիւր ման-
 կունս համարի, որ սրահակեր լինի
 նոցին, որ խրատէ զնոսին խնամով
 և գորովանօք, իբրև զհայր, իբրև
 եղբայր, և իբրև պաշտօնեայ նոցին
 իսկ դից . միով բանիւ, այր՝ որ ում
 թէսկէտ և գձձատեսակ՝ արքայք և
 իշխանազուհք ոչ անպատկառ գան
 ՚ի տես : Այսպէս և Ալեքսանդր
 ակնածէր ՚ի Ռիոզինեայ :

228. Եթէ ոք պարծիցի քաջ

խելամուտ լինել և մեկնել զգրուտ
ծրս Քրիստիապետայ, ասա գու-
ցանձն քո. Արդ եթէ Քրիստիապետսի
չէր գրեալ խրթնաբանս՝ չգոյր առնս
այսմիկ տեղի պարծանաց: Իսկ ես
զինչ կամիմ, եթէ ոչ ճանաչել զբը-
նու թիւն՝ և հետևող լինել նմին.
Խնդրեմ ուրեմն, թէ ո՞րք քաջ մեկ-
նեաց զայն. և ասեն ինձ զՔրիստիա-
պոս. առնում զայն, և ոչ խմանամ
զբանսն. Խնդրեմ զոր զի բացայայ-
տիցէ: Տայս վայր չիք ինչ կարևոր
որ կամ պատուական. իսկ յորժամ
դտանիցեմ թարգման քաջ, այնու-
հետև կայ մնայ ինձ վարել պատուի-
րանօքն զոր մեկնեացն ինձ, և յար-
դիւն ածել. և ահա այս և եթ է ար-
ժանի մեծարանաց: Քանզի եթէ
չատանայցեմ մեկնելով չափ զի-
մաստասերն զայն, և սխրանայ-
ցեմ ընդ նա, զինչ լինիմ, բայց եթէ
քերական որ՝ փոխանակ լինելոյ ի-
մաստասեր. այսու միայն զանազա-
նեալ, զի փոխանակ Հոմերի զՔրի-
ստիապոս մեկնեմ: Արդ, յասել ու-
րուք յիս, Մեկնեաց ինձ զՔրիս-

սիպարոս , մեծապէս զամօթի հարկանիմ և կորանամ , եթէ ոչ ունիցիմ գործս հանգիտակս պատուիրանաց նորին :

229. Ընդէր է զի մարդիկ ոչ գատին զիմաստասիրութիւն , որպէս գատինն զայլս յարուեստից : Ամենայն արուեստագէտ եթէ ադեղս գործիցէ զիւր գործն , նմա և եթ գրեն զվնասն . տսեն եթէ անարուեստ է այրն , և ոչ ինչ չարախօսեն զարուեստէն : Իսկ եթէ իմաստասէր որ զթիցէ , չասեն զնա վատշուէր կամ անիմաստասէր , այլ տսեն . տսէք որսիսիք ոմանք են իմաստասէրք . իմաստասիրութիւն առ ոչ ինչ է պիտանացու : Ուստի իցեն այս թշնամանք : — Անտի՛ զի չիք ինչ արուեստ զոր ոչ գիտիցեն մարդիկ և ոչ բարւոք մշակիցեն քան զիմաստասիրութիւն . և կամ մանաւանդ անտի , զի կիրքն ոչ կուրացուցանեն զմարդիկ յարուեստս զոր վարեն և որ ինքեանց օգտաւէտք են , այլ կուրացուցանեն յայնմ՝ որ նեղէն զնոսա , դատափետէ և խայթէ :

230. Են ոմանք այնպէս զաշա-
ցուք, զի և զՀեփեսոսս անգամ ոչ
համարէին քաջ դարբին, և թէ չէր
'ի նմա գդահն: Չիցէ՞ արդ ականա-
բու թեան՝ գանգատել ընդ անծա-
նօթանալն յայնպիսի խօթամիտ դա-
տաւորէ, որ զմարդիկ 'ի նշանակաց
ձևոյն և և թ ընտրէ: Վասն այսորիկ
և Սոկրատ անծանօթ էր յոլովից 'ի
մարդկանէ, երթային աղաչէին զնա
տանել զինքեանս առ իմաստասէր
ոք, և նա ինքնին առեալ տանէր: Մի-
թէ արանջեաց երբէք զի ոչ համա-
րէին զինքն իսկ իմաստասէր: Ոչ ոչ
ուներ նա նշանակս, և հաճոյ էր
նմա լինել իմաստասէր առանց այն-
պիսի երևելոյ: Եւ ուր ուրէք երե-
ւեցաւ որ իմաստասէր իբրև զնա:
Վեր և գու նոյնպէս իմաստասիրու-
թիւնդ յայանի լիցի 'ի գործոց քոց
և և թ:

231. Համարիցի՞ որ երաժիշտ՝
գնելով գիրս ինչ երաժշտութեան,
կամ ջու թակ և կնանսոց: — Վամ
լինիցի՞ որ պայտար ունելով գլխարկ
և գոգնոց: Իսկ գու իմաստա-

սէր կարծիցես զքեզ՝ ունելով մու-
րուս երկայնս, մախազ և ցուպ և
վերարկու: Քարեկամ, զգեսադ՝
պատշաճ է արուեստին. այլ զա-
նուն՝ արուեստն ընծայէ և ոչ
զգեստն:

232. Կարծիցէս թէ կոչիցեմ
զքեզ վաստակասէր յորժամ զգի-
շերս ողջոյն պարապիցիս յուսումն,
յաշխատել և յընթեւնուլ: — Ար-
դարև ոչ: Կամիմ գիտել թէ յինչ
պարապիցիս և ճգնիցիս: Ոչ կոչեմ
վաստակասէր զայն որ հսկիցէ զգի-
շերն ամենայն՝ ի գտանել զհոմանին
իւր, այլ կոչեմ զնա տարվածու:
Եթէ հսկեսցես վասն փառաց քոց,
կոչեմ զքեզ փառասէր: Եթէ առ
՚իշահել զարծաթ, անուանեմ շահա-
սէր և ագահ: Իսկ եթէ տքնիցիս ՚ի
կրթել և յուղղել զբան քո, և վար-
ժել զքեզ ՚ի հնազանդութիւն բնու-
թեան և ՚ի լրումն պարաուցդ,
յայնժամ միայն կոչեցից զքեզ վաս-
տակասէր. զի այդ միայն վաստակ
արժանաւոր է մարդկան:

233. Ի բարկութիւն մեծ բլր-

դեալ 'ի վերայ ծառայից քոց, զամենայն տունն վեր 'ի վայր առնես, խռովես և գայթակղեցուցանես զմեր ձաւորս քո, և ասպա կերպարանեալ իբրև խմաստուն՝ երթաս լսել իմաստասիրի որ ճառիցէ զպարտուց մարդկայնոց և զառաքինութեանց: Բարեկամ, 'ի զուր են քեզ այդ ամենայն գեղեցիկ սլատուէրք, քանզի ոչ գաս յունկնդրութիւն կարևոր յօժարութեամբ, ասպա դարձցիս անդրէն որսէս և եկիրդ:

234. «Յօրինեմ չքնաղ տրամախօսութիւնս, մատեանս ընտիրս շարագրեմ»: Բարեկամ իմ, ցոյց ինձ մանաւանդ եթէ յաղթես կրրից քոց, և ուղղես զիղձս քո, և 'ի կարծիս քո զճշմարտութիւն խրնգրես: Հաւատարմացո ինձ թէ ոչ զանգիտես 'ի բանտէ և յաքսորանաց, 'ի ցաւոց և յաղքատութենէ, և 'ի մահուանէ գլխովին: Ապա թէ ոչ, թէպէտ և մատեանս գեղեցիկս յօրինեսցես, գիտասջիր զի տակաւին ագէտ ոմն ևս:

235. Արգիսի՞ կեանս վարիցես:

Յետ բարեոք ննջելոյ՝ յառնես յան-
կողնոյ երբ և հաճիս, յօրանջես,
քոչքոտիս, այսր անդր յեղյեղիս,
և լուանաս զերեսդ: Յետ այսորիկ
կամ առնուս՝ ի ձեռին վատթարինչ
մատեան առ ՚ի ժամավաճառ լինել,
և կամ շարագրես բանս ճնչինս ՚ի
զարմացումն տգիտաց: Աստա ելեալ
քո արտաքս, քնաս յայցելութիւնս,
ճեմիս և զբօսնուս: Դառնաս ՚ի
տուն, ՚ի բաղանիս մտանես, ընթ-
րես և ընկողմանիս: Ոչ հանից ՚ի վեր
զժածուկս խաւարին, զոր և գիւրին
իցէ գուշակել: Այսպիսի ունելով
բարս եսլիկութեայս և ցովս, բար-
բառիս հանգոյն Չենոնի և Սոկրա-
տայ: Ա՛վ բարեկամ, կամ զբարսդ
փոխես և կամ զլէզուդ: Խսաիւ սա-
տուհասի՝ որ ինքնակամ զանուն
Հռոմայ քաղաքացւոյ կրիցէ իսկ որք
յափշտակենն զվսեմական անուն
իմաստասիրի՝ մնայցէն անսրատու-
հասք: Անհնար է այդմ լինել քան
զի հակառակ է դիցն անյեղլի օրի-
նաց, որոց սրատիժս կշռեալ է հա-
մեմատ եղերանցն:

236. Որպէս օրէնք բժշկականին
հրամայեն փոփոխել զօդ՝ որոց յեր-
կարաւս հիւանդութիւնք իցեն ,
նոյնպէս և իմաստասիրութիւնն
հրամայէ այնոցիկ յորս գուցեն
հնացեալ սովորութիւնք , զի եր-
կիրն հայրենի աածէ զնոսին :

237. Սովորութիւնք՝ հակառակ
սովորութեամբք յաղթահարին :
Սովորեալ իցես 'ի հեշտութիւնս ,
ընկճես զայն ցաւօք : Աեա՞ս սղեր-
դութեամբ . ընդգրկես զվաստակ .
դիւրացասճումն ես . համբեր թշնա
մանաց . գինեմօլ ես . ջուր և եթ արբ-
ջիր : Այսպէս վարեալ ընդ ամենայն
ախտալից սովորութիւնս , տեսցես
ոչ վայրասլար աշխատ եղեալ : Բայց
տես , մի դիմագրաւ լինել 'ի վտանգ
զլորման , մինչև քաջ վստահացեալ
յանձն քո . զի մարան դեռ ևս
կասկածելի է . այն որ քեզ յաղ-
թեացն , կարող է միւսանդամ
յաղթել :

238. Աենակցութիւնք չեն զերծ
'ի վտանգէ : Եթէ յաճախեսցես
օթևանել առ ախտամօլի , մինչև

քաջ սնդակազմն եղեալ՝ առաւել
 դոյ երկիր թէ նա զքեզ ապակա-
 նեսցէ, քան յոյս թէ դու զնորա
 թերութիւնս ուղղեսցես: Եւ զի
 այսքան խէթ է՝ ի կենսակցութենէ
 սոխտաց, արժան է բազում զգու-
 շութեամբ վարել ընդ նոսա և մեծ
 խոհականութեամբ:

239. Բարեկամ խմ, կրթեա
 զանձն քո յերկարագոյնս ընդդէմ
 փորձութեանց և ըզձից. քննեա
 զամենայն շարժուածս քո, և աես
 մի դուցէ իցեն դոքա ախտացելոյ
 ախորժակք կամ կնոջ դաշնկոտի:
 Չանս մնալ ի ծածուկ ընդ երկայն
 ժամանակս: Իմաստասիրեա վասն
 քո միայն: Սյոգունակ և պառզք
 բուսանին, սերմն ընդ երկար ժա-
 մանակս թաղեալ և ծածկեալ մնայ
 յերկրի, և առ սակաւ սակաւ ա-
 ճեալ առոքանայ. այլ եթէ բերցէ
 զհասկն՝ մինչև ծղօտին յոճ եկեալ,
 թերակատար լինի, և նման անկոց
 պարտիղին Սդոնխեայ: Տենչք սնա-
 փառ պերճանայ տարաժամ կան-
 խեցին երևցուցանել զքեզ. ցուր-

տըն կամ ջերմն հարին զքեզ: Կեն-
դանի թուխ, քանզի գլուխ քո
գեռ ես սահաւիկ ինչ ծաղկազը-
ւարձ է, այլ մեռեալ ես, քանզի ար-
մատքդ դուստրեալ են:

240. « Քանի՞ ողորմելի եմ ես,
զի չունիմ ես ժամանակ ուսանելոյ
և ընթեռնելոյ »: — Բարեկամ, ըն-
դէ՞ր ուսանիցիս. մի՞ արդեօք վասն
անոտի ինչ հետաղօտութեան: Եթէ
այդպէս իցէ՝ արգարև կարի եղկելի
ես դու: Այլ արժան է ուսման լինել
'ի սպարաստութիւն բարի վարուց:
Սկսիր այսօր իսկ կեալ բարւոք: Ա-
մենայն ուրեք մարթ է քեզ կատա-
րել զպարաս. և առաւել մարզեն
գէպք քան զգիրս:

241. Ջերմն ունի զքեզ, և դու
տրանջես և ասես, չկարեմ ուսա-
նել: Բճբէ, և վասն է՞ր ուսանիս:
Ոչ ապաքէն զի ընիցիս համբերող,
անյողգողգ և անխառլ. լէր այդպի-
սի և 'ի ջերմանդ, և քաջ գիտուն
իցես: Եւ ջերմնն մասն ինչ է կե-
նաց, որպէս ճեմելի և ուղևորել. և
օգտակար իսկ է, վասն զի փորձէ

զիմաստունն, և ցուցանէ ևս նմա
զհանդէս յառաջագիմութեանն:

242. Չերմն ունի զքեզ. այլ եթէ
որպէս պարան իցէ ունիցիս զայն,
ունիս զամենայն զլաւն զոր մարթ
իցէ գտանել 'ի ջերման: Եւ զինչ իցէ
ջերմն ունել որպէս արժանն է. այս
իսկ է չգանգառել ոչ զգից և ոչ ըզ-
մարդկանէ, չտագնապիլ բնաւ ընդ
պատահարս, քանզի ամենայն ինչ
բարւոք ընթացի. քաջութեամբ
ակն ունել մահու, մի յանչապիս խըն-
դալ եթէ ասիցէ բժշկին թէ բարւոք
կաս, և մի խռովել եթէ ասիցէ թէ
չարաւ կաս: Քանզի զինչ է չարա-
գոյնն կալ. բայց եթէ հուպ ևս լի-
նել 'ի վերջին սահման՝ յորում մեկ-
նեացի հոգին 'ի մարմնոյ: Եւ չար
ինչ կոչիցես զանջատումնդ այդ: Իսկ
եթէ դա այսօր ոչ հասցէ, մի թէ ոչ
'ի վաղիւն ժամանեացէ: Մի թէ կո-
րիցէ աշխարհ եթէ դու մեռցիս:
Հանգարտեաց ուրեմն 'ի ջերմանդ
որպէս և յառողջութեան:

243. Այլ աղբ է պապականն
ջերմնոսի և այլ պասուք առողջ

Վարդոյ : Սա թէ ըմպէ՛ վաղվաղակի
հանգչի, և շիջանի պատուքն . խակ
նա առ վայրկեան մի հեշտացեալ,
զգայ անդէն զզուանս . ջուրն յե-
ղաշքի 'ի մաղաս, ժայթքէ ար-
տաքս, աղիքն տոչորին, և առաւել
ևս զայրանոյ պապակուսմն : Չնոյն
է ատեանել և առ այնոսիկ որ ան-
յագու թեամբ ինչս մթերիցեն, որ
ադահելով ունիցին պաշտամունս,
և անյագու թեամբ ունիցին կին չքք-
նալ : Ահա պապակուսմն ջերմնո-
տի : Անտի ծնանին նախանձաբե-
կու թիւնք, երկիւղք, աղճատանք
բանից, խորհուրդք պիղծք, և
գործք պագշտք : Բարեկամդ իմ,
քանի՛ իմաստուն և պարկէշտասէր
էիր երբեմն : Ո՛ւր են արդ պարկէշ-
տու թիւնն այն և իմաստու թիւնն :
Փոխանակ ընթեռնոյ զմատեանս
Քրիստիպպոսի և Չենտի, ընթեռ-
նուս զքայքնելի գրեանս զԱրիս-
տիդեայ ասեմ և զԵւեմիսեայ : Փո-
խանակ սքանչանալոյ ընդ Սոկրատ
և ընդ Բիոգլինէս և հեաւեոյ նոցին
լինելոյ, հրաշանաս և 'ի նմանու-

Թիւն կրթիս կանաչաւեր մարդկան: Գեղեցիկ կամիս երևել, յարգարես կազմես զանձնդ. 'ի սնդոյր և 'ի ծարիր իսկ շարեկիր առ չքնաղ երևելոյ՝ եթէ դոյր հնար. ունիս հանդերձս փափուկս, և թաթաւիս անոյշ իւղովք և օծանելեօք: Չգատացիր, գիր մարտ ընդ անձինքում գարձիր յառաջին համեստութիւնդ, 'ի սլատիւդ և յաղատութիւն. միով բանիւ, լեր վերջստին այր: Յիշեմ զժամանակն՝ յորում եթէ ասէր ոք ցքեզ, թէ «Սհատարիկատեայ տան շնալ, կամ կրել յանձին այսպիսի հանդերձս, և ստիպեն երևել արտաքոյ օծեալ անուշահոտ իւղով»), արագարագ փութայիր ինձ յօգնութիւն. և կարծեմ եթէ և սպանանէիր իսկ զհրապուրողն: Իսկ աստանօր չեն սկսք սպանութեան. զգաստանալ և եթ արժան է քեզ. խօսել ընդ անձինքում: Չիցես դու ճարտարագոյն քան զայլս առ 'ի համոզկեր ընել անձինքում: Սկսիր արդ գատասլարտ առնել զոր արարերդ:

Ս, յԼ միայն փութա ճեպեաց մինչև
ջուրցն հոսանաց ձգեալ վարիցեն
զքեզ:

244. Մի ինչ խոչ լինիցին քեզ 'ի
փոխելոյ զվարսդ՝ այսին և արհա-
մարհանք բարեկամաց քոց: Միթէ
նախամեծա՞ր առնիցես կալ մնալ
յախստ և լինել հաճոյ նոցին, քան
առաքինանալ՝ թէ և անհաճոյ նո-
ցին լինելով:

245. Մի վհաաիր, այլ նմանեաց
հրահանգապետացն, որք թէ տես-
ցեն զոք 'ի պարմանեաց զթել 'ի
գեաին, հրամայեն 'ի վեր կանգնել
և անդրէն ոգորել: Չնոյն ասա և գու-
ցանձն քո: Չիք ինչ համբոյր քան
զհողի մարդոյս. միայն կամեաց, և
ամենայն ինչ վճարի: Ս, յԼ եթէ թու-
լասցիս, կորեար, և ոչ ևս բուժեա-
ցիս: Աորուստ քո և փրկութիւն 'ի
քէն է:

246. Ոչ յաղթութիւնք ոլիմպի-
ական մրցանաց, և ոչ յաղթանակք
պատերազմաց՝ առնեն զմարդ եր-
ջանիկ: Ս, յԼ որ յաղթանակէ 'ի վե-
րայ անձին իւրոյ՝ նա և եթ է երջա-

նիկ : Պատերազմ են փորձութիւնք
և առիթք : Ի պարտութիւն մասնե-
ցար մի անգամ, երկիցս և բազում
անգամ : մուտ 'ի պայքար վերստին :
Եթէ ուր ուրեմն յաղթեսցես՝ լի-
ցիս երջանիկ յամենայն կեանս քո,
որպէս այն որ յաղթեաց հա-
նապաղ :

ԳԼՈՒԽ Է.

Յաղագս իմանց և հեշտութեանց :

247. Ապիրատութիւն և վատու-
թիւն է ասել՝ թէ չիք խախր ընդ դե-
ղեցկուութիւն և ընդ տգեղութիւն :
Եւ զիսորդ . միթէ Թերսիգէս լիցի՞
հաճոյ աչաց որպէս Աքիլէս . և կին
տգեղ՝ յանկուցիչ որպէս զՀելենէ :
Անագորոյն և ամարդի բարուց է
զայդ ասել . և բարբառ է այնոցիկ
որք անծանօթք են բնութեանց ի-
րաց , և խիթան զի ընդ իմանալն

զխաիր նոցին՝ և քարշեալ ձգիցին՝ ի սպարսուռ թիւն մասնեալք: Ոչ եթէ ժխտելով զգեղեցկութիւն՝ հնար իցէ խոյս տալ ՚ի նմանէ, այլ մարթէ և ճանաչել և ճողոսրիլ:

248. Մինչև ամուսնացեալ՝ դուն դործեա չառնուլ զճաշակ տրուփանաց, կամ մի առնուցուս ճաշակ որ ոչ իցէ ըստ օրինաց. այլ մի լինիր անոսոյ այ առ այնոսիկ որ փորձինն նովաւ, և մի խստիւ յանդիմանիցես, և մի յամենայն ժամ սարծիցիս ընդ ժուժկալութիւն քոյին:

249. Յորժամ ջեռմունք մտացդ ածցեն քեզ խորհուրդս առփականս, մի լինիր անձնամատն. այլ առա վաղվաղակի առ խորհուրդսդ. « Կաց առ վայր մի ցուցակութիւն մտաց, մինչև տեսից թէ զինչ դու իցես, և զինչ զոր յանդիման ինձ առնես, թող զի քննեմ: Մի թողուր նմա յառաջ ևս անցանել, և ցուցանել քեզ սպասկերս առաւել հրապուրիչս. զի եթէ թողցես այդմ՝ ահա կորեար, և ընդ քարշ վարեալ գնայցես: Փոխանակ քսամնելի

սլատկերացն՝ ստիպեա զնա երևե-
ցուցանել քեզ սլատկերս շնորհա-
ւորս, չքնադագոյնս և ազնուագոյնս .
այսոքիւք խուսափիցես անտի :

250. Առ ամենայն փորձութիւն
ասա դու ցանձն քո . ահա մեծ սլա-
տերազմն առաջի կայ , և դորժ աս-
տուածական . զի թագաւորու-
թեան , ազատութեան , երջանկու-
թեան և անմեղութեան են բանք .
յիշեա զաստուածան . զնոսին կո-
չեսջիր քեզ 'ի թիկունս , նոքա մար-
տիցեն ընդ քո : Ապաքէն յօգնու-
թիւն կոչես զԱսատոր և զՊոլի-
տեկիս 'ի վտանգի մրրկաց . մեծ ևս
է մրրիկ փորձութեանդ :

251. Ի փորձութիւն անկեալ՝
եթէ թողցես առ վաղիւն զպատե-
րազմն , եկեսցէ օրն վաղուի , և դու
ոչ մարանչիցիս բնաւ : Այսպէս օր-
յօրէ յերկարաձգեալ , ոչ միայն 'ի
պարտութիւն մտանեացիս , այլ ան-
կցիս և յանդգայութիւն և ոչ ի-
մասցիս զի մեղանչես . և ստուգա-
պէս զփորձ առցես զճշմարտու-
թեան սողիցն Հեսիողեայ .

« Ար որ առնէ օր'ի յօր ,
Անկցի չարեաց միշտ 'ի խոր » :

252. Ձկնչ գործէ որ զհետ պնդի-
ցի կնոջ ընկերի իւրոյ : Առնհար առ-
նէ զհամեստութիւն և զհաւատար-
մութիւն . բռնաբարէ զգրացիս , ըզ-
բարեկամութիւն , զընկերութիւն ,
և զսրբութիւն օրինաց . ոչ ևս է նա
ոչ բարեկամ , ոչ գրացի , և ոչ քա-
ղաքացի : Նա և սարուկ անգամ լի-
նել չէ պիտանացու . այլ անօթ իմն
է անպիտան՝ արաաքս ընկենլի :

253. « Հասարակաց են կանայք ,
այս օրէնք են բնութեան » , ասէր
Գիողինէս լկաի ոմն 'ի Հնութեան
ըմբռնեալ : Առ որ ետ պատաս-
խանի Գիողինէս . Կերակուրք ե-
դեալք 'ի սեղան՝ նախ հասարակաց
են . այլ իբրև բաշխին իւրաքանչիւ-
րոց բաժինքն , այնուհետև լիրբ և
անսղատկառ համարիցիս՝ եթէ առ-
նուցուս զմասն մերձաւորիդ յըս-
կաւառակէ նորին : Հասարակաց է
և թատր ամենայն քաղաքացեաց ,
այլ յորժամ անցնիւր զնստարանն
ունիցի , անմարթ է քեզ և անլայել

շարժել 'ի տեղւոյն զմերձաւորդ և նստել 'ի տեղի նորին: Սապէս և կանայք հասարակաց են. այլ 'ի բաշխել զնոսին օրէնադրի և կարգել միոյ միոյ այր, զիանորդ կարիցես աննենդ մտօք արհամարհեալ զքոյդ՝ առնուլ զընկերիդ: Ն[թէ] զայդ առնես՝ չես դու մարդ, այլ կապիկ կամ գայլ գիշախանձ:

254. Կանայք՝ ցորչափ մանկամարդք իցեն՝ սիրուհիք կոչին յարանց իւրեանց. և նոցա տեսեալ զհիւսածոյ երևելով արանց իւրեանց մեծարեալք լինին 'ի նոցանէ, այնուհետև ոչ այլ ինչ խորհին բայց միայն պաճուճիլ զի հաճոյականք դացին. զամենայն վստահութիւն և դոյոս 'ի զարդս իւրեանց դնելով: Չիք ինչ ուրեմն օգտաւէս և կարևորագոյն քան թէ ազդ առնել նոցա, եթէ այնքան պատուոյ և մեծարանաց արժանիք իցեն՝ որչափ ունիցին իմաստութիւն, պարկէշտութիւն, և համեստութիւն:

255. Ն[թէ] ցնորք մտացդ փափկութիւնս ինչ յանդիման արաս.

ցեն քեզ, ժուժկալեաց որպէս առայլ իրս, առ ահի ընդ վայրաքարչ լինելոյ 'ի նոցանէ: Թող մնասցէ քեզ հեշտութիւնն այն, և յամեսցէ առ վայր մի. և դու արկ 'ի կշիռ զկըրկին ժամանակն, զվայելմանն և զասպաշաւանաց որ զհեա դայցեն, և զկշտամբանաց զոր անձամբ անձին գիցես. և զսոցին հալառակ՝ զգոհութիւն զոր ունիցիս և զգովեսս զոր անձինդ տայցես՝ եթէ հալառակն կաս հեշտութեան: Եւ եթէ տակաւին թուիցի քեզ ժամանակ վայելելոյ զհեշտալինն՝ տես քաջ՝ մի դուցէ զինաթափ եղեալ անկանիցիս 'ի հրատոյրս 'ի խայծից անտի և սադրանաց. կարգեա՛ ընդդէմ՝ նոցին զմեծագոյն ևս հաճոյս վկայութեան գիտակցութեանդ եթէ յաղթող գտար:

256. Եթէ զդէմ կալայց կնոջ գեղեցկի որ կամիցի հրատուրել զիս, ասեմ ցանձն իմ. Ահա բարւոք է քեզ այս, Եպիկտետ, և առաւելաւ շնորհ՝ քան զհերքելոյ զնրբագոյն ձեռնարկս իմաստակաց: Եթէ հա-

կառակ կացից թելազրուծեանց նորա և մերժեցից զփաղաքչանսն, ունիմ սարժանս առաւելագոյնս քան եթէ յաղծեալ էր իմ և լուծեալ զբազմակինճիւն հաւարբարա նուծիւնս: Այլ զիսորդ հնար իցէ զգէմ ունել այսքան բուռն հրատուրանաց:— Միայն փափաղելով լինել հաճոյական անձին քում, և գեղեցիկ երևել յաչս զից. միայն ջանալով անսխեղժ պահել զմարմին և զհոգի:

ԳԼՈՒԽ Ը.

Յաղագս խնամոց մարմնոյ:

257. Նշանակ յայանի թանձր մտաց է յերկարագոյնս խնամ տանել մարմնոյ. այսինքն է, մարդիւ ընդ երկար, զգինեօք անկանել յերկարաձիգս, ուտել յաճախ, և սրբապել ընդ ժամս ձիգս յայլ ա-

մենայն պէտս մարմնականս : Չայդ
ամենայն չէ պարտ ունել առ կարե-
ւոր ինչ, այլ իբրև յաւելուած իմն
կենաց, և իբրև 'ի հարեանցի պա-
րապել 'ի նոսին. այլ զամենայն
ջան և զփոյթ արժան է հաստա-
տել 'ի խնամս մտաց :

258. Բարեկամդ իմ, այր իցես
էթէ կին մարդ : Եթէ այր ես, զար-
դարեա զայրն, և մի ցուցաներ մեզ
հրէշ ինչ կամ ճիւղաղ : Չինչ կամէր
Սոկրատ ասելով ցԱլկիբիադ, թէ
Լէր գեղեցկագոյն : Տայր նմա խրատ
զանց առնել զմարմնական գեղեց-
կութեամբ, առ 'ի վաստակել 'ի
վայելչութիւն հոգւոյն : — « Ապա
ուրեմն պարտ իցէ ինձ լինել աղտե-
ղի և զաղիր » : — Քաւ լեցի. այլ ար-
ժան է մաքրութեանդ և ողորկու-
թեան՝ լինել այրական և անկ մար-
դոյ :

259. Անբժուութիւն վայել է հո-
գւոյ, մաքրութիւն մարմնոյ : Բնու-
թիւնն ինքնին ուսուցանէ քեզ ըզ-
մաքրութիւն. զի որպէս անհնար է
թէ յետ ուտելոյդ չմնայցէ ինչ աղտ

յաաամուռնս, բնութիւն ետ քեզ
զ՛ուր առ 'ի լուանալոյ զբերանք,
զի լինիցիս մարդ և մի' խող: Նա
ինքն յարդարեաց քեզ բաղանիս
և իւզս և կտաւիս, քերիչս և օր-
ջասպ, որովք մորթ մարմնոյդ մա-
քրեսցի 'ի քրտանց և յաղտեղու-
թենէ: Եթէ ոչ վարիցիս այսոքիւք՝
չիցես մարդ: Մի'թէ ոչ ունիցիս խը-
նամ ձիոյդ զոր տաս քերէլ քեր-
չաւ, և շանդ զոր տաս սանդրէլ,
չիէլ և սրբէլ: Արդ մի' վատթարա-
գոյն ունիցիս զմարմինդ քան զերի-
վար, և լուա զայն և մաքրես: Մի'
զղուեցուցաներ զոք. մի' ոք փախի-
ցէ 'ի քէն. քանզի ո՞ ոչ գարշեսցի
մերժեսցի յաղտեղւոյ և 'ի չարա-
հոտէ: Ա՛ջ լաւ ևս իցէ քեզ թողուլ
զքաղաք և երթալ յանապատ,
քան գալ մտանէլ զազրաբար 'ի
տաճարս, ուր չէ վայել անգամ՝
թքանէլ և սրբէլ զանգունս:

260. Եթէ փիլիսոփայ ոք աղտե-
ղի, անգարման և քսամնէլի հան-
գոյն եղեռնաւորի 'ի բանտէ զերծե-
լոյ՝ վարդապետիցէ ինձ առածս գե-

դէցիկս՝ զեւրդ յանկուսցէ՝ զիս
յինքն։ Ո՞րպէս սիրելի առնիցէ զի-
մաստասիրութիւն՝ որ յայդմ՝ սոյ-
մանի եթող զնա։ Չկարեմ իսկ
յանձն առնուլ լսել նմա, և չկը ինչ
որ տացէ ինձ յարել՝ ՚ի նա։ Արդ
խնամ հալցուք մաքրութեան և վա-
յելուութեան։ Զնոյն ասեմ և վասն
աշակերտաց, սիրելի է ինձ սատա-
նի սարապեալ յիմաստասիրու-
թիւն՝ որ դայցէ առ իս մաքրեալ և
յարդարեալ վայելապէս, քան
եթէ դայր աղտեղեալ և իւղալից և
խռուացեալ վարսիւք. քանզի այ-
նու ճանաչեմ եթէ ունի ինչ դաղա-
փար դգեղեցիկն և զհետ երթայ
վայելահանին և պարկեշտի։ Որ
խնամ տանի գեղեցկութեան՝ զոր
ճանաչէ, գոյ յուսալ թէ խնամ
կալցի և այնմ որ ծանուցի նմա.
նեքքնոյն այնմ գեղեցկութեան ա-
սեմ, որ տայ վարել բանիւ, և առ
որով մարմնական գեղեցկութիւն
տպեղութիւն և եթէ է։ Իսկ այնմ որ
դայցէ գարշելի և զաղբատեսակ,
ճարսիւ և աղաիւ ծածկեալ, ան-

հարթ և խռուացեալ վարսիւք, և
մօրուք երիթացեալ մինչև ցգօտին,
դի՛նչ կարիցեմասել նմա առ 'ի խե-
լամուա առնել գեղեցկութեան՝
զորոյ չունի ինչ ամենեկին զիմաստ :
Խող է նա որ նախամեծար առնէ
զկոյանոցն քան զյստակագոյնն աղ-
բերաց :

ԳԼՈՒԽ Թ.

Յաղագս առ ուխել համարելոյ զԱշխատանս :

261. Մերձաւոր ունիմ անօրէն,
և հայր անագորոյն : Անզգամք են
վասն ինքեանց, բարեւաւք վասն իմ՝
քանզի հրահանգեն և փորձեն զհե-
ղութիւն իմ, զարգարախոհու-
թիւն և զհամբերութիւն : Ահա
քարոզակն Հերմեայ. այլ ոչ շրջես-
ցէ յոսկի զոր ինչ և շօշափեցից Էս՝
և չէ ինչ այդ մեծ. այլ 'ի բարի շըր-
ջեացէ զամենայն զոր չարիս համա-

ըին մարդիկ, զհիւանդութիւնս ասեմ, զաղքատութիւն, զանարգանս և զնոյն իսկ զմահ :

262. Ամենայն ինչ ունի երկուս կողմանս, մին կարի դիւրատար միւսն գժուարին յոյժ : Աթէ եղբայր քո անիրաւիցէ քեզ, մի ունիցիս ՚ի թերէ անիրաւութեանն զոր գործէ. զի ոչ ըմբռնել մարթ է քեզ այտի և ոչ կրել. այլ կա՛լ զայն ՚ի միւսմէ թերէ, յայնմանէ՝ որ յանդիման քեզ առնէ զեղբայր, զայր որ սնաւ ընդ քեզ, և կալեալ ՚ի բարւոք կուսէ՝ լիցի քեզ տանելի :

263. Թշնամանեա զբար. զինչ օգտիցիս անտի. նա կայ մնայ անզգայ. լեր նմանող նմին, և չուելոյն արա զթշնամանսն զոր գիցեն քեզ :

264. Գիտեա զի ոչ այն ոք որ թշնամանէն զքեզ, և ոչ որ հարկանէն՝ լկեն զքեզ, այլ կարծիքն զոր ունիս զնոցանէ՝ որպէս թէ նոքա նեղիցեն զքեզ : Արդ յորժամ տրամեցուսցէ ոք զքեզ և գրգռիցէ

'ի ցասունն, գիտեա զի ոչ նա ինչ
չարժէ զքեզ՝ այլ քո կարծիք: Քուն
գործեա արգելուլ զՅեռունն մտացդ
զի մի բռնասցի 'ի վերայ քո. զի ե-
թէ շահեսցիս ժամանակ և յամե-
ցուսցես՝ ապա զիւրագոյն լիցի քեզ
իշխել անձին քում:

265. Որպէս մարդիչ մրցութեանց
հրահանգէ զիս 'ի ճաղպատելն զպա-
րանոց իմ, զուս և զբազուկս իմ, և
հրամայելով կրթանա տարժանելիս,
(« Բարձ ասէ զբեռնդ զայդ երկու-
քումք ձեռօքդ, և քաջ բարձրա-
ցն ») . և որքան ծանր իցէ բեռնն՝
այնքան ևս ջիւքն իմ ամրապնդին .
այնպէս է ինձ և մարդ որ նեղիցէ
զիս և թշնամանադիր լիցի. հրահան-
գէ զիս 'ի համբերութիւն, 'ի քաղ-
ցրութիւն, 'ի գթութիւն, որք օգ-
տակարագոյն ևս են քան զմարմնոյ
կրթանա:

266. Եթէ ոք առնէ քեզ չար
կամ խօսի չարիս զքէն, յիշեա զի
նա համարի զանձն սախակալ յայն .
ապա ուրեմն ոչ է նմա հնար եր-
թալ զհեա գատմանց քոյ, այլ

զիւրոյն, այնպէս զի եթէ չարաչար
գատիցի զոք, անձին միայն վերս
դնէ, որպէս և ինքն իսկ է որ խա-
բին. զորօրինակ եթէ ոք թիւր հա-
մարիցի զհաւաքաբանութիւն ինչ
արդար և բանաւոր, ոչ եթէ հաւա-
քաբանութիւնն ինչ մնասի՝ այլ այն
որ խաբին չարաչարն գատելով. ե-
թէ այսու կանոնիւ վարիցիս՝ համ-
բերութեամբ տարցիս ամենայն չա-
րախօսաց զքէն. զի յամենայն դէպս
ասի միշտ, եթէ «Նա այնպէս
կարծէ»:

267. «Միթէ չիցէ՞ ինձ արժան
վրէժ պահանջել և հատուցանել
չար փոխանակ չարի»: Բա՛րէ, բա-
րեկամ. չիք ուստեք քեզ չար հա-
սեալ, զի բարի և չար ՚ի կամս
քո է: Եւ դարձեալ, եթէ ոք մնա-
սեաց անձին՝ զրկանս քեզ առնե-
լով, ընդէր և դու քեզ ինքնին մնաս
հատուցանիցես՝ հատուցանելով
նմին չար:

268. Եթէ ոք առունկնձառ լի-
նիցի քեզ, թէ այն ոք չար խօսե-
ցաւ զքէն, մի՛ լինիր ժամաւաձառ

առ ՚ի հերքել զբանս նորին, այլ
ասա պարզաբար. Որ ասացն
զինէն զչարիսդ՝ անգիտանայր ար-
դեօք և զայլ մոլութիւնս իմ, ապա
թէ ոչ չատանայր զայն միայն խօ-
սելով:

269. Իմաստունն կարծէ հանա-
պազ լսել յանզգամաց չարիս առա-
ւել. քան զոր ասենն: Եթէ ոք եհար
զիս բանիւ, շնորհ ունիմ նմա զի ոչ
եհար գանիւ. եթէ գանեաց զիս՝
շնորհ ունիմ զի ոչ վիրաւորեաց.
վիրաւորեաց. շնորհ ունիմ զի ոչ և
սպան:

ԳԼՈՒԽ Ժ.

Յողագոս Բարեկամաւէան և ընկերաւէան:

270. Իմաստունն ևեթ գիտէ
զբարեկամութիւն: Ջիւրդ որ ոչն
կարէ ընտրել ընդ բարի և ընդ չար՝
կարիցէ սիրել:

271. Ամենայն որ սիրէ զինչս,

զհեշտութիւն և կամ զանոտի փառս,
ոչ կարէ սիրել զմարդիկ :

272. Առ 'ի սիրել՝ արժան է դը-
նել 'ի միում կայի զօգտակարու-
թիւն, զսրբութիւն, զպարկեշտու-
թիւն, զհայրենիս, զծնողս, զբա-
րեկամս և զարդարութիւն իսկ :
Ընդ արոհել սոցուն 'ի միմեանց՝
բառնի և բարեկամութիւն. քանզի
ուր և ուրեք ես և իմս լսի՝ հարկ է
անդանօր երևել անասնականին :
Իսկ եթէ դոցին ես և իմս յազ-
նուաբարոյութե և յարդարութե,
եմ ես բարեկամ բարի, հայր բարի,
որդի բարի, և բարի ամուսին. ապա
եթէ ես և իմս իցեն աստ, իսկ
ազնուականութիւնն և արդարու-
թիւնն՝ անդ, այնուհետև հարկ
իցէ բարեաւ մնայք ասել և բարե-
կամութեան և ամենայն սրբազան և
անհրաժեշտ պարտուց :

273. Ամբիս դիտել թէ արքդ
երկոքին իցեն բարեկամք, մի հար-
ցաներ թէ իցեն եղբարք և սննդա-
կիցք, կամ ընդ նովին վարժասու-
տաւ և դաստիարակաւ կրթեալք .

այլ հարց զնոսա թէ յի՞նչ իցէ հաս-
տատեալ նոցա զմտերմութիւնն :
Եթէ իցեն յայնպիսի ինչ իրս որ ոչ
կախին զմէնջ, մի ասիցես թէ իցեն
բարեկամք . զի չեն խսկ, որպէս և
չեն հաւատարիմք, անյողգողգք և
ազատք . այլ եթէ հաստատեալ ի-
ցեն զմտերմութիւնն յիրս որ ընդ
մերով իշխանութեամբ են և յա-
ռողջ խորհուրդս, մի ևս խնդրեր ե-
թէ իցեն հայր և որդի, կամ թէ
եղբարք, կամ ծանօթք են միմեանց՝ ի
վաղուց հետէ, այլ ասա համարձակ
թէ բարեկամք են դոքա . զի ո՞չ
ապաքէն անդ իցէ բարեկամութիւն՝
ուր համեստութիւն, հաւատար-
մութիւն և հաղորդակցութիւն ա-
մենայն դեղեցիկ և պատշաճ իրաց :

274. Միտք մտլեկանք ոչ երբեք
հանգչին . հանապազ յողգողդ և
անընարող տարուբերին ըստ հաճոյս
կարծեացն . այնպիսի մտաց տէր ան-
ընդունակ է բարեկամութեան :

275. Ամփիտարեւս կեցեալ էր
ժամանակս բազումս ընդ կնոջ իւ-
րում Երևիկէաց . և էին նոցին որ-

դիք բաղուձք • և ոչ ուրեք էր տե-
սանել այնպիսի զգոնացեալ ընտա-
նիս : Ընծայ բերաւ քայուամանեակ
մի • և ահա ոչ ևս երևէր կինն , և ոչ
մայրն :

276. Տեսանես զխաղ շնկացդ ,
որպէս քծնին , խաղապատին , և
փայփային • չերևիցին քեզ բարե-
կամք հաշտք : Արկ ոսկրիկ մի 'ի մի-
ջն նոցա , և ապա տեսցես : Այսպի-
սի է և մտերմութիւն եղբարց և
հարց և որդւոց : Եթէ յարիցէ վէճ
վասն կալուածոյ իրիք կամ ազա-
րակի կամ վասն աղջկան միոյ , ոչ ևս
է տեսանել ոչ զհայր , ոչ զեղբայր և
ոչ զորդի :

277. Զիք ինչ յաշխարհի յոր
ամենայն կենդանի այնպէս յարեալ
իցէ որպէս յիւր սեփհական ծգուտ :
Ամենայն որ զրիէ զնա յօգտակարե-
անաի , թէպէտ և հայր իցէ , թէ-
պէտ եղբայր և որդի և բարեկամ ,
ամենայն անտանելի է նմին • քան-
զն սիրէ զօգուտն միայն , որ զտեղի
ունի նմա զհօր և զեղբօր և զոր-
դւոյ և զբարեկամի , ծնողաց , հայ-
րենեաց և Աստուծոյ իսկ զլնովն :

278. Եպիկուրոս ասէ, չէ սլարս
անուցանել մանկունս, զի չիք քան
զայդ ինչ հակառակ ճշմարիտ բար-
ւոյ, զոր զնէ նա ՚ի հեշտութեան:
Եզկելիգ Եպիկուր, կամիցիս ու-
րեմն լինել մեզ դժնեայս քան զվայ-
րագասուն կենդանիս, որք ոչ լքա-
նեն զկորիւնս իւրեանց: Սէր ծնողաց
առ որդիս այնպէս բնածին իմն է, զի
վստահ եմ՝ թէ եթէ և ՚ի սլատգա-
մաց ուստէք գիտացեալ էր հօր քո
և մօր, եթէ յաւուր միում այսպի-
սի անհանձար խորհուրդս երկնե-
լոյ իցես, տակաւին ոչ հրաժարէին
՚ի սնուցանելոյ զքեզ:

279. Թողուս լքանես զմանուկդ
յորժամ ծանրանայցէ խօթու-
թեամբ. քանզի՝ սիրեմ ասես զնա,
և ոչ ունիմ ժոյժ տեսանել: Եթէ
այս արգիւնք իցեն բարեկամու-
թեան՝ հարկ ուրեմն է զի ամենեքին
որք սիրենն զնա՝ թողցեն, և մայրն
և դայեակն և եղբարք և քորք և
դասախարակ, և մնասցէ ՚ի ձեռս
ոչն սիրողաց: Որպիսի՛ կուրութիւն,
որպիսի՛ անիրաւութիւն և որպիսի՛

խժգժուծիւն: Պարզաբար ասելով,
կամիցիս և դու 'ի խօթուծեան
քում՝ այսպիսիս ունել բարեկամս
գորովագուծս:

280. Ի վեհագոյն աստիճանի
ամբարձեալ կաս, և ահաւասիկ
դու հալածիչ և բռնաւոր մերձա-
ւորի քում: Միթէ ոչ ևս յիշիցես
թէ ո՞ դու, և որո՞ց հրամանատու: —
Օնողաց քոց և եղբարց: Այլ գնեցի
զպաշտօնն իմ, ունիմ արտունու-
ծիւնս, ունիմ իրաւունս: Ի՞ թը-
շուաւական. ամենայն խորհուրդք
քո յածին ղերկրաւ և զտղմաւ. և
հայիս ևեթ 'ի զաղփաղփուն օրէնս
մարդկան, որ մեռելոց են օրէնք, և
ոչ յառեալ պշնուս յօրէնս աս-
տուածայինս:

281. Ամենայն պարտք գողցես
միշտ չափին ըստ զանազան աւրն-
չուծեանց: Հայր իցէ քո. պատուի-
րեալ է քեզ տածել զնա, յամե-
նայնի հնազանդել նմին, և տանել
արհամարհանաց նորին և դժնեայ
բարուց: Այլ հայր է անղգամ: Բա-
բէ, և զխորդ. միթէ բնուծիւն զօ-

դեալ իցէ զքեզ հարկաւ ընդ հօր
բարւոյ: Ոչ. այլ ընդ հօր միում:
Եղբայր քո անիրաւի քեզ: Պա-
հեա առնա զեղբայրական կարգն,
և մի հայիր ընդ այն զոր գործէ,
այլ յոր ինչ սլարախոդ առնել, և ՚ի
սլայմանն՝ յոր գոցի գուցէ աղա-
տութիւն քո, եթէ ընդ թելադրու-
թեամբ կամաց բնութեանդ գործի-
ցես. զի ոչ ոք կարիցէ անարգել
զքեզ կամ թշնամանել, եթէ դու
ոչ կամիցիս. և ոչ անարգեսցիս՝ բայց
յորժամ կարծիցիս թշնամանեալ:
Չայսօրինակ լիցիս միշտ գոհ ընդ
մերձաւոր քո, ընդ քաղաքակից և
ընդ զօրավար, եթէ սովորիցիս ու-
նել հանասլաղ յանդիման աչացդ
զկցորդութիւնս զայսօսիկ:

282. Լաւ է ներել քան վրէժ
խնդրել. քանզի մին արգասիք է
համբոյր և մարդասէր բարուց,
միւսն վայրագ և գազանական բը-
նութեան:

283. Գթաս ընդ կոյրս և ընդ
կաղս. և ընդէր ոչ գթաս ընդ ան-
զգամս: Ակամոց են անզգամք, որ-
սէս և այլքն կաղք կամ կոյրք:

284. Կանգնեցին մարդիկ մե-
հեանս և բազինս Տրիպոլումայ՝ որ
եղիտ դարման սննդեան մարդկան
սլաճարս, ոչ այնքան վայրենիս և
խոշորայինս որպիսեօք ցայն ժամա-
նակ վարէինն: Իսկ ո՞ր մէնջ օրհնի-
ցէ ՚ի սրաի իւրում զգտակս ճշմար-
տութեան, և զնորին յայանաբա-
նողս, և ոյք փարատեցինն զնաւար
տղիտութեան և մոլորութեան
յոգւոց մերոց:

285. Արեգակն ոչ մնայ խնդրո-
ղաց՝ առնել հաղորդս լուսոյ իւրոյ
և ջերմութեան: Այսպէս և դու
արա զամենայն բարի զոր կարիցես,
և մի սպասեր թէ այլք ժառնցին:

286. Յիշեա զբան հոմերականն
Եւմեայ զայն որ առ Ոգիսէս, զոր
ոչն ճանաչէր, և շնորհս ունէր
նմին վասն բարւոք հիւրընկալու-
թեանցն:

« Օտարականդ, չէ ինձ արժան նե-
ղէլ ըզհիւր և անսղատուել
թէ և քան զբեղ անփառունակ
իցէ տեսլեամբ և գրձուձ.

Ձի սլանդուկաք և կարօտեալք 'ի
ղից անախ առաքին (1) »:

Ձնոյն քանասա եղբօր քում, հօր
քում, և ընկերի քում. Ոչ է ինձ
օրէն վարել չարաչար ընդ քեզ, թէ
սէտ և լեալ էր քո վատթարացոյն
քան զոր եսզ. քանզի դաս դու
յասառւածոց կուսէ:

(1) Հովն. Ողխ. ԺԳ:

ԳԼՈՒԽ ԺԱ.

Յողաֆս Բիւր Խորժեաց :

287. Ձիք անտանելի առն բա-
նականի քան զանբանականն :

288. Են ծանօթութիւնք ինչ
յորս համախոհ էն ամենայն մար-
դիկ առ հասարակ : Իսկ ուստի ի-
ցեն կադք և աղմուկք և պատե-
րազմուկք : — Ի յարեւոյ յառան-
ճնակ դէպս զհասարակաց զայստօսիկ
ծանօթութիւնս : Ձի քան զամե-
նայն ինչ դեր ՚ի վերոյ է արդարու-
թիւն և սրբութիւն , ընդ այս ոչ ոք
երկբայի . այլ եթէ այս ինչ կամ
այն արդար իցէ և սուրբ , ահա
սակս այստօրիկ մինչև ցմահ մարա-
սին մարդիկ : Փարատեսցուք զար-
դիտութիւնս զայս , և ուսցուք քաջ
վարիլ ծանօթութեամբքս յիւրա-
քանչիւր դէպս . յայնմհետէ դա-
դարեսցեն ՚ի սպառ վեճք և մարտք :

Աքիլլէս և Ագամեմնոն կեցցեն համաշունչք:

289. Ոչ գործքն ինչ խառլեն զմարդիկ, այլ որ զգործոցն են կարծիք: Օրինակ իմն. մահ ոչ է չար. զի եթէ այնպիսի ինչ էր՝ հարկ էր և նոյնպէս երևել յաչս Սոկրատայ. այլ զմահ չար համարել՝ այս իսկ է չարն: Եւ արդ յորժամ վշտանայցեմք ինչ, կամ աղմկիցիմք և արբամիցիմք, մի զոք ամբաստանեացուք, այլ զմեզ ինքնին, այսինքն է զկարծիս մեր:

290. Ճանաչեմ զոք որ ողբալով ընդ թշուառութիւն անձին իւրոյ, եկն անկաւ առ ոտս Եսայիրոգիտեայ, և ասէր զանձն թշուառագոյն քան զամենայն մարդ, և ՚ի յատակս աղիտից հասեալ, չունելով ասորուստ կենաց, զի մնայր նմատան բիւր արծաթոյ: Չինչ կարծիցես պատասխանել Եսայիրոգիտեայ. համարիցիս թէ ծանր ինչ արար զյիմարդ: Ոչ բնաւ. այլ պատասխանի ետ ծանրութեամբ. «Այ թշուառական, ընդէր չխօսիս

դու մանաւանդ զաղիտից քոց • և
որպէս ժոյժ ունիցիս դմին առանց
մեռանելոյ » :

291. Վասն ամենայն իրաց որ
քեզ յանդիման լիցին, զգաստացիր
յանձին քում, և քննեա և տես 'ի
քեզ, թէ որպիսի՞ ունիցիս առաքի-
նութիւնս առ 'ի բարւոք վարելոյ
յայն դէսս : Եթէ տեսցես պատա-
նի կամ աղջիկ դեղադէշ, գացես
վասն այդր զառաքինութիւնս պար-
կեշտութեան • նեղութիւն կամ վաս-
տակք տաժանականք հանդիպիցին,
գացես զքաջասրտութիւն • Եթէ
զրպարտութիւնք և քամահանք,
գացես զհեղութիւն և զհամբերու-
թիւն : Եթէ զայս օրինակ սովորի-
ցիս հանդիսացուցանել յամենայն
դէսս զառաքինութիւն բնատուր
առ 'ի մարանչէլ ընդ'նոսին, ոչ պար-
տիցիս երբէք 'ի ցնորից մտաց քոց :

292. Լուեալ իցես յիմաստասի-
րաց ասել՝ Եթէ պարտ է լինել ան-
յողդողդս և հաստատունս 'ի խոր-
հուրդս • և դու վասն այսր յամա-
ռեալ սնդիս 'ի պատիր և կանխա-

կալ կարծիսդ, 'ի վրիպակս քո և 'ի
յիմարութիւնս : Այլ գիտասջիր
բարեկամդ իմ, եթէ նախ քան զա-
մենայն արժան է առաջադրու-
թիւնս բարիս ունել, այսինքն է
ընարել խոհեմութեամբ, ճշմար-
տութեամբ և իրաւամբք : Ասեմ
քեզ թէ հարկ է մարդոյ ունել
ջիղս, այլ ջիղս առողջ մարմնոյ, կո-
րովի և հուժկու ըմբշամարտի. և
դու ցուցանես ինձ ջիղս ուսու-
ցեալս զմուկնոսի. չեն դոքա ջիղք,
այլ տկարութիւն ջղաց :

293. Ղիա՞րդ չաւնիցեմք թիւր
դատաստանս. զի 'ի մանկութենէ
ուսուցանեն մեզ զայդ : Մանկա-
բարձ մեր որ քայլեցուցանէ զմեզ,
եթէ հարկանիցեմք զքարի զոտս
մեր և ճչիցեմք, փոխանակ խրատե-
լոյ զմեզ՝ դանէ զքարն : Բա՛րէ, և
զի՞նչ չար արար քարն : Միթէ նմա
ինչ ա՛նկ էր դուշակել զգայթեւն մեր
և տեղափոխ լինել : Յարբունս հա-
սեալ՝ եթէ 'ի բաղանեաց դարձեալ
անսպասարասս գայուք զընթրիս
մեր, անդէն բրդիմք 'ի ցատումս և

որոտամբ, և մանկավարժն՝ փոխա-
նակ սանձելոյ զթափ կրկցմերոց,
սկսանի ինքնին թշնամանել նաև
հարկանել իսկ զխոհարարն: Բարե-
կամ, միթէ դասախարանկ խոհարա-
րի կացուցին զքեզ թէ մանկածու:
Ի չափու կալ ուրեմն զկիրս աշա-
կերտիգ և ցածո՞ զանհամբերու-
թիւն նորա: Իսկ յորժամ՝ ի չափ
հասեալ արանց և ՚ի պաշտամունս
մխիմբ, զօր ամենայն առաջի աչաց
մերոց ունիմբ զնոյն օրինակս. և
վասն այսօրիկ կեամբ և մեռա-
նիմբ իբրև տղայս: Զինչ իցէ տղայն
լինել: — Որպէս յերաժշտութեան
և ՚ի գպրութեան տղայ կոչի ան-
գէան կամ վատառուն՝ նոյնպէս և
տղայ կոչի ՚ի կենցաղումս որ ոչն
գիտէ կեալ և ոչ ունի ուղղախոհ
կարծիս:

294. Եթէ բանն՝ որ ուղղիչ է
ամենայնի՝ զարտուղիցի, ո՞ ածցէ
զնա յուղղութիւն:

295. Յիմարք անուղղայք էն. և
ըստ առածին՝ մարթ է խորաակել
զյիմարն՝ այլ փոխել ոչ:

296. Ոչ է սպարա երկնչէլ ոչ 'ի
տնանկութենէ և ոչ յաքսորանաց,
ոչ 'ի բանտէ և ոչ 'ի մահուանէ,
այլ երկնչէլ յերկիւղ ունելոյ:

297. Յորժամ 'ի նաւ ելեալ չուի-
ցեմ, և ոչ այլ ինչ տեսանիցեմ բայց
միայն զերկինս և զծով, տարածու-
թիւն լայնածաւալ ջուրց՝ որ շուրջ
սլաշարեալ ահաբեկ աւնիցէ զիս,
որպէս թէ կայցէ ինձ նաւաբեկ լի-
նել և զամենայն զջուրն կլանել, և
ոչ ածեմ զմտաւ եթէ երեք չափք
ջրոց բաւական են հեղձուցանել
զիս: Նոյնպէս և 'ի սասանութեան
երկրի՝ կարծեմ թէ ահա քաղաքն
ողջոյն յիմ՝ գլուխ տասլալի, և ոչ
յիշեմ զի և կղմինտոր մի բաւէ 'ի
ջախջախել զգլուխ իմ: Ո՛հ, թը-
շուառ գերիդ կարծեաց:

298. Ե՞րբ իցէ զի տեսից զԱթէնս
և զգղեակն: — Բարեկամդ իմ, իցէ՞
ինչ գեղեցկագոյն 'ի տեսանել քան
զերկինս, քան զարեգակն, քան
զլուսին և զաստղս, քան զերկիրս
զայս և զծով: Եթէ այդքան ծանր
է քեզ շտեսանելդ զԱթէնս, իսկ

զի՞նչ առնիցես եթէ թաղչէր արե-
գակն յաչաց քոց :

299. Ամենեքին զարհուրիմք 'ի
մահուանէ մարմնոյ . ո՞ է որ երկիցէ
'ի մահուանէ հոգւոյն :

300. Բարեկամդ իմ, մինչև ցերբ
չկամիցիս հատանիլ 'ի ստենէ, և
սնանիլ հաստատուն կերակրօք :
Կամիցի՞ս տակաւին ճչել և անձկալ
ստկանց ստնտուիդ, և փափագել
առասպելեացն և երգոց՝ որովք նիր-
հեցուցանէրն զքեզ :

301. Կանոն և չափ գործոց մե-
րոց՝ կարծիք մեր են : Ուստի յա-
ռաջ եկն Աարէն Եւրիպիգեայ . 'ի
կարծեաց : Մեդէասնորա և Հիպպո-
լիտ . — 'ի կարծեաց : Իսկ Իգի-
պոնն Սոփոկլեայ . — 'ի կարծեաց :

302. Բարւոք թուեցաւ Պարի-
սեայ հափափել զՀելենէ, և Հելե-
նեայ երթալ զհետ Պարիսեայ : Եթէ
բարւոք թուէր և Մենելաւեայ
հրաժարել 'ի դրժող կնոջէն, զի՞նչ
արդեօք պատահէր : — Ոչ ունել
մեզ զԻլիականն և զՈդիսական .
զայլն ամենայն առ ոչինչ գրեմ :

303. Միթէ աղէտք մեծք եղևն
Պարխեսայ՝ մուան Յունաց ՚ի Տը-
րուլս, և զամենայն ՚ի հուր և ՚ի սուր
դատել, սպանումն ողջոյն աղգա-
տոհմին Պրիամու, և կանանցն
գերեվարուածիւն. — խաբիս բարե-
կամ: Յայնժամ ըմբռնեցաւ Պարխ
յաղէտս մեծամեծս, յորժամ կո-
րոյս զհամեստութիւն, զհաւա-
տարմութիւն, զպարկեշտութիւն,
և գրժեաց հիւրընկալուին: Այսպէս
և Աբիլէայ ոչ սպանումն ինչ Պա-
արուկէայ եղև ինաս մեծ, այլ ՚ի ցա-
սումն գրգռել և ողբալ զԲրիսէիս,
և մոռանալն զի չէր եկեալ ՚ի սպ-
աներազմն յայն ՚ի գիւտ հոմանեաց,
այլ ՚ի դարձուցանել զկլին մի առ այր
իւր:

304. Չիցէ քո երբէք տեսեալ
զաշխարհահանդէս վաճառուց, ուր
գնան մարդիկ յամենայն մերձակայ
գաւառաց. կէսք ՚ի գնել և այլք ՚ի վա-
ճառել: Սահաւք են որ գնան առ
հեաաքնութեան, ՚ի տես տօնա-
վաճառին, և ՚ի գիտել թէ առ ինչ
և յուսէ կարգեցաւ: Այսպէս է

և կենցաղս . ամենեքին գան 'ի վա-
ճառել կամ 'ի գնել : Յոյժ սակաւք
են որք կայցեն 'ի զնին և 'ի զարմանա-
լնդ չքնաղ տեսարանն , 'ի ճանա-
չել զորպէսն և զվասն էրն , զկար-
գիչն և զկարգավարու թիւնն . քան-
զի հարկ է թէ սահմանեալ իցէ յու-
մէք է և ուղղեալ : Անհնար է քաղաքի
կամ տան կանգնիլ առանց արուես-
տաւորի , և կալ 'ի կայի առանց
տեսչի . իսկ այսպիսի ընդարձակ և
գերահրաշ մէքենայ զխորդ կայր և
անէր ըստ լոկոյ գիտաց : Անմարթ
է այդմ լինել . է ոք ուրեմն արարող
ամին և վարիչ : Եւ ո՞ իցէ նա , կամ
որպէս և զխորդ վարիցէ զգա : Եւ
մէք նորին ձեռակերտք որպիսի ինչ
իցեմք . և յէր սակս հաստատեալք :
Սակաւք են յոյժ որ մտախոհ լի-
ցին ընդ այս , և յեռ սքանչանալոյ
ընդ արարածն և օրհնելոյ զճար-
տարապետն՝ զարձցին յեռս գո-
հու թեամբ : Եւ եթէ իցեն ևս ոմանք
որ զայդ առնիցեն , ծաղր և ծանակ
կան այլոյ , որպէս 'ի տօնավաճառս
խաղ առնեն վաճառականիք զսարդ

հետաքննման և պանդոյրս կոչեն :
Ապաքէն և եղանց և խողից Եթէ
կայր լեղու խօսելոյ՝ ծաղր առնէին
զամենեօին որ յայլ ինչ քան Թէ՛ ի
ճարակ մտաբերէին :

30Տ. Յանցանել քո ընդ քա-
ղաքս այս , մինչ վաճառ լինի նաւու
միոյ , ասեն . « Երթիցուք առ վայր
մի տեսանել զՆախկատ և լսել զոր
ասէն » : Գաս և տեսանես իսկ զիս , և
համարիս վճարեալ զամենայն : Իսկ
արդ զլ^նչ իցէ խօսակիցն լինել ընդ
ումէք : — Ո՞չ ասլաքէն հարցանելն
զկարծիս նորա և բացատրել զիւրն :
Թիւր ինչ կարծիս ունիմ , խլեա յի-
նէն՝ ի բաց : Ի Թիւր և ՚ի կանխա-
կալ կարծիս կաս , Թոյլ աուր բժըշ-
կեցից : Այս է ահա խօսակիցն լի-
նել ընդ իմաստասիրի : Իսկ դու ոչ
այսպէս , այլ դաս յայցելուԹիւն ,
ոչ ըստ վաստակոցդ շահեալ՝ դառ-
նաս գնաս ասելով . « Նախկատ չէ
ինչ մեծ . զիարդ անհեթեթս խօսի .
զհայրենի բարբառն անգամ զիւր
քաջ ոչ գիտէ » : — Եւ յայս սակս
եկեալ էր քո : Ահա այդպիսիք են

Ճարդիկ . խնդրեն զճոռումաբանս , և զօր ամենայն ժողովին առ իրեարս հանգոյնք անդրեաց անծանօթք միմեանց , անփորձք իրերաց , և առանց փոխելոյ 'ի լաւագոյնն : « Զբօսանք և հետազօտութիւնք և եթեն ամենայն փոյթք և կենակցութիւնք մեր » :

306 . Իմաստունն կորըստեամբ կենաց շահի զկեանս իւր :

307 . « Եթէ Սոկրատայ աղատեալ էր , ասես , լինէր տակաւին պիտանացու մարդկան » : Բա՛րէ , ո՛ր բարեկամ . Սոկրատայ բանք և գործք 'ի մերժելն անդ զփրկանան և յանձն առնուլ զմահ վասն արդարութեան՝ օգտակարագոյնք ևս են մեզ քան ամենայն բանք և գործք զոր թէ արարեալ էր 'ի զերծանելն :

308 . Զպատուէրս ինչ իմաստասիրութեան կլեալ՝ երթաս գնաս ուսուցանել զնոսին : Զի՛նչ իցէ այդ եթէ ոչ փոխել զանմարսն , որպէս ստամոքս հիւանդ վերաբերէ զընկալեալ կերակուրն : Մարսեաց ,

բարեկամ, և ապա ուսուցես յոր-
 ժամ փոփոխմամբ մաացդ՝ ցուցցես
 ինձ զանուշդն զոր ընկալար: « Բայց
 այս ոք եբաց վարժարան, կամիմ և
 ես բանալ »: Քերիդ վատանուն.
 միթէ ըստ քմաց և կամ ըստ դի-
 սուաց կարգեացի վարժեար: Արժան
 է ունել հասակ կատարեալ, բարս
 անսողիւտս, և 'ի դից խիկ կոչիլ
 յայդ. ապա թէ ոչ՝ խաբեբայ ոմն
 իցես և ամսարիշտ: Բանաս դեղա-
 րան, և ունիս սպեղանիս, այլ չդի-
 տես դու օժանել, և անդիտանաս
 խիկ զպէտս նոցին:

309. « Ոչ է բնական ընկերու-
 թիւն մարդկան, դից չէ ինչ փոյթ
 զմարդկանէ, և հեշտութիւն միայն
 է բարի մարդոյ »: Զայս ուսուցանէ
 մեզ Նպիկուրոս: Բաբէ, թշուա-
 ոականդ. և միթէ պէտք էին այդ-
 քան աքնութեան դիշերաց առ 'ի
 գրելոյ մեզ զգեղեցիկ գրեանդ: Ոչ
 լաւ ևս էր քեզ կալ ջերմիկ յան-
 կողնի, և կեալ իբրև զորդն, քանզի
 զայս ևեթ արժանի քեզ վարկար:
 Աստուածապաշտութիւն և սրբու-

Թիւն ըստ քեզ՝ գիւտք և եթ են տ-
րանց ժպրհաց և խմաստակաց . ար-
գարուծիւն տկարուծիւն իցէ , և
համեստուծիւն՝ յիմարուծիւն . չիք
այսուհետև հայր կամ որդի , կամ
եղբայր , և քաղաքացի : Ո՛վ լըբու-
ծիւն , ո՛վ խարէուծիւն : Ովրեստէս
'ի գժնեայ կատաղեացն ոչ աղմկեցաւ
մուկդին քան զքեզ :

310 . Չորօրինակ անհնար է մար-
դոյ հաւանել այնմ որ թիւր երևի
ինքեան , կամ մերժել զճշմարիտն ,
այսպէս և չէ հնար թէ խոտիցէ
զբարին : Եսկիւրեան որ ասէ ,
« գողուծիւն ոչ է չար , այլ ըմբռ-
նիլն 'ի գողուծիւն » , գողանայցէ ան-
երկբայապէս եթէ կարիցէ գողա-
նալ անտեսաբար :

311 . Երթեալ 'ի տեսլարան խա-
ղուց՝ նախ զկողմն ունիս ուրուք , և
կամիս զի այն ոք գուսան կամ այն
ոք ըմբիշ պսակիցին : Այլք այլում
բաղձան տանել զյաղթուծիւնն :
Իժկամակիս ընդ այսպիսի հակա-
ռակուծիւն . քանզի պրետոր ես ,
պահանջես զի ամենէքին տեղի տայ .

ցենք քեզ: Իսկ արդ չիցենք և այլոց
առանձինն կարծիք. չունիցինք և ա-
ռանձին կամս. և միթէ ոչ ունիցին
իրաւունս գժգմնելոյ ընդ հակառա-
կելքո այնմ որ արդար համարեալ
իցէ յաչս նոցին: Եթէ կամիս կալ
յանդորրու, և ոչ ուստեք կրել
հակառակութիւն, մի ցանկար պը-
սակաւորել բայց այնմ որում ելլէ
պսակն: Եւ եթէ կամիցիս ինքն-
իշխանաբար պսակել զոր արժան
դատիս, հանդէս արա՛ի տան յա-
ռանձնակի, և անդ քոյով իշխանու-
թեամբդ հռչակեսցիր, եթէ «Այս ոք
յաղթեաց՝ ի խաղս նեմէական, սիւ-
թեան, խթմիական և ոլիմպիական
մրցմանց:»: Այլ հրատարակաւ մի
ժպրհիր յոր ոչն է քեզ անկ, և մի
բանագաստեր զվիճակն:

312. Թշուառութեան մարդկան
սրաաճառք այն են, զի յանձահս
զգուշանան կամ վստահին. նմա-
նեալք եղջերուաց՝ որք ՚ի խուսա-
փելն ՚ի հաւուց խոյացելոց ՚ի վերայ
իւրեանց և ՚ի խնդրել տեղի թաքըս-
տեան, անկանին ՚ի ծուղակս և
ըմբռնին:

313. Ասեա թէ վստահութիւնն
 և զգուշաւորութիւնն ոչ պատշաճին
 ընդ իրեար: Մոլորիս, զի քաջ հնար
 է միաբանել զգոսին: Բայց միայն զի
 զգուշացիս յայնոսիկ որ կախին
 զքէն, և վստահացիս յայնս՝ որ
 չեն ընդ ձեռամբդ: Այսպէս լիցիս և
 վստահ և զգուշաւոր. քանզի խոհե-
 մաբար հեռացեալ 'ի ստոյգ չա-
 րեաց, աներկիւղս զդէմ կալցիս
 անոսի չարեացն զոր քեզ սպառ-
 նան:

314. Ամենայն մարդ որ գերա-
 զանցէ իւրք քան զայլս, և կամ
 կարծի գերազանցել, եթէ չիցէ
 քաջուսումն՝ անհնար է նմա
 չունիուլ հպարտութեամբ և զեղ-
 ծանել:

315. Փելիկիոն յիմար ոմն էր և
 ոչ ոք արժան համարէր խօսել ընդ
 նմա: Իշխանն էտ նմա զանաեւու-
 թիւն առանձին գործոց իւրոց. և
 ահա Փելիկիոն եղև այր պիտանի և
 հանձարեղ. ամենայն ոք ստէ. « Փե-
 լիկիոն այսօր հանդոյն հրեշտակի
 բարբառեցաւ »: Բարէ, բարեկամդ,

սպասեսցուք առ վայր մի. թող
բարձցէ 'ի նմանէ իշխանն զտեսչու-
թիւնն զոր յանձնեաց, և ահա իս-
կոյն եղիցի յիմար:

316. Բարձեալ միւս ևս օրինակ
հանդուհաախալ դմին որ տացէ քեզ
զճշգրիտ սլաակեր դրանկի շնթողի:
Յպափրոգիտեաց անձնապահապե-
տին Ներոնի՝ էր սարուկ մի, կօշկա-
կար յարուեստէ, այլ այնպէս յի-
մար և անարուեստ, զի իբրև ան-
պէտ ոք վաճառեցաւ: Մի ոմն 'ի
սպասաւորաց Ներոնի գնեաց զնա,
և ըստ բախտի յաջողեաց սարկին
լինել կօշկակար իշխանին, և սպա-
սուրեմն մտերիմ իսկ նմին: Եւ ահա
'ի վաղիւ անգր Յպափրոգիտէս
ինքն նախ յառաջեաց չոքաւ շողո-
մել զնա: Ոչ ևս ուրէք տեսանեմք
զՅպափրոգիտէս քանզի բովանդակ
աւուրս փակեալ կայ սահմանել իրս
կարևորս ընդ առն՝ զոր իբրև ան-
պիտան յանապիտանեաց վաճառեալ
էր:

317. Ոչ դատապարտեմ զճար-
տարխօսութիւն, և զհանձար ըն-

տիր գրեւոյ և ընտիր խօսելոյ . այլ դատապարտեմ զգերիվերոյ ամենայնի դասէն զգոսին . են են արդարև կարևորագոյնք և օգտակարագոյնք քան զայգոսիկ :

318. Մեծարանք մատուցեալք ինասապարտ արանց նման են բազնի Տենգի կանգնելոյ 'ի միջավայր Հռովմայ . որում պաշտօն ընծայեն՝ քանզի երկնչին :

319. Եհարց զիս ոմն եթէ մացէ 'ի նուիրական դասս քրմացն Օգոստեայ 'ի Նիկոպօլիս : Բա՛բէ , բարեկամդ իմ , ասեմ , զե՛նչ օգուտ քեզ իցէ այտի . այլ ծախք աւելորդք : « Բայց անուն իմ մնայցէ յարատև , զի դրոշմեացի յարձանագրուածիւնս » : — Գրոշմեա զայն 'ի վիմի , և յերկարագոյն ևս մնասցէ : Եւ դարձեալ ո՞ ճանաչիցէ զքեզ արտաքոյ պարսպացն Նիկոպօլեայ : « Այլ կապեցից պսակ ոսկի 'ի գլուխ իմ » : — Եթէ զայդ համարիցիս քեզ պերճանս , ահա պսակ փոխանակ պսակի պսակեսջիր վարդենեաւ . որ և թեթևագոյն է և վայելչագոյն :

320. Երկար և դժուարադնաց է ասեն ճանապարհ խմաստասիրութեան: Խաբիս, բարեկամ, չէ ինչ այնքան երկայն. զի զի՞նչ ուսուցանէ քեզ խմաստասիրութիւն: Չհետ երթալ զից, ուղղել զիղձս քո, և բարւոք վարել զկարծիսդ: Ասա ինձ զինչ են գիք, իլձք, և կարծիք. եթէ յերկար իցէ այդ, միթէ համառօտագոյն իցեն ճառք փիլիսոփայից քոց զհեշտութեանց: Զի՞նչ ասէ քեզ Եպիկուրոս. « Բարիք մարդոց հաստատեալ կան ՚ի մարմնի անդիւրում »: Արդ ասա ինձ զինչ են հոգին և մարմինն, և զի՞նչ էութիւն մեր, և տեսցես զի ոչ ինչ պակաս յերկարէ և այդ:

321. Բարեկամ, ընդէր ճեմիս այգակէս ուղղաբերձ, իբրու թէ ձող ինչ կլեալ: — « Կամիմ ամենայն անցորդաց հրաշալի հանդիսանալ, և լսել յաջմէ և յահեկէ, եթէ Ահաւազիկ մեծ ոմն խմաստասէր »: — Եւ ոյք են զորոց կամիս ձգել յինքդ զզարմանս. ոչ նոքին խակ են զորս յիմարս կոչես: Կամիս ուրեմն յի-

մարաց սքանչելի լինել: Այ յի-
մարդ յիմարաց:

322. « Բաղձամ բաղմիլ 'ի տեա-
լարանի 'ի գաճա ծերակուռին » :
Վա՛ջ, 'ի զուր 'ի նեղ արկցես զքեզ
և ճնշեսցիս: — « Ձի առանց այնր
չկարեմ քաջ տեսանել զխաղան » :
— Եւ մի բնաւ տեսցես, զի՞ կայ քո
և խաղուց, իսկ եթէ բաղմել 'ի
գաճա անդր ցանկաս, համբեր առ
վայր մի՛ մինչև ելցեն նստեալքն,
և յաւարտել հանդիսին, երթ բաղ-
մեա ուր փափագեան և ուրախ լեր:

323. Մարդիկ գիւրայօժար են
'ի չքմեղս լինել յանցանաց իւ-
րեանց, որպէս և ինձ իսկ դէպ եղև
այս: Յաւուր միում 'ի յանդիմա-
նել զիս Ռուփոսի վասն իրաց ինչ,
« Իսկ արդ, ասացի, միթէ զՎապի-
տուխո՞ն հրկէզ արարի »: Մարնկ
վատ, կրկնեաց նա, յանցուած զոր
յանցեար յայնմ սաճու՛ հաւասար
է հրկիզութեան Վապիտուկայ:

324. Երկու են զորս արժան է
արմատաքի խլել 'ի մարդկանէ,
յանձնապատանութիւն և կա-
կած:

328. Այր ոմն մեծապաախւ՝ որ արդ համբարապետ է, դարձեալ 'ի տարագրութենէ և դէմ եդեալ 'ի Հռովմ՝ եկն տեսանել զիս: Քսամենէ իմն նկարեաց ինձ զսպասկեր արքունեաց, սնդէր և ասէր զըզուեալ ընդ այն, վասն որոյ և բնաւ ամենեկն չկամէր յանձն առնուլ սաշտօն ինչ, այլ զսակաւօրեայ մնացուածս կենացն անցուցանել յանդորրութեան, հեռի յաղմբկաց և 'ի բաղմահինձիուն գործոց: Պնդէի և ես թէ ոչ արասցէ որպէս ասէրն, այլ այն ինչեդեալ զոտն 'ի Հռովմ, ոչ ևս յիշեսցէ զգեղեցիկ առաջագրութիսն, և եթէ յաջողիցի նմա մուտ գտանել առ իշխանն, ջանայցէ օգտել 'ի տեսութենէն: Իսկ նա կրկնէր և ասէր 'ի մեկնելն յինէն. « Ես իկտեա, եթէ լսիցես զկոխել իմ ըզսեամս արքունեաց, գոգ ասասջիր զիս վատշուէր քան զամ մարդ »: Չինչ եղև ապա. մինչ սակաւ ինչ 'ի բացեայ կայր 'ի Հռովմէ՝ ընկալաւ գիր 'ի կայսերէն: Մուտցաւ անդէն զխոստմունսն. փութացաւ ձե-

պէսաց յարքունիս վաղագոյն քան
չկարծիս . և ահա գուշակութիւնք
իմ 'ի գլուխ ելին : « Եւ զինչ կա-
մէիր , ասաց ինձ այլ ոմն , զի զմնա-
ցուածս կենաց իւրոց անցուցանէր
'ի դատարկաստորաութեան և 'ի
պղերգութեան » : Բա՛րէ , բարե-
կամ , և համարիցի՛ս թէ իմաստա-
սէր , և այր ոք այր որ կամիցի խնամ
տանել անձին՝ պղերգագոյն իցէ քան
զգրանիկն շնթող : Են արդարեւ պա-
րասմունք կարեւորագոյնք և ծան-
րագոյնք :

326 . Եթէ համարեալ ասիցես ,
Երանութիւն է կալն 'ի Հռովմ կամ
Սթէնս , ասպքէն կորեար . քան-
զի կամ վատաբաղդիկ լիցիս՝ ոչ ևս
կարելով յետս դառնալ , և կամ ե-
թէ դարձցիս անդրէն , առ խնդու-
թեանդ այլ յայլմէ լիցիս , որ չար
ևս իցէ քեզ : Թող անդր 'ի բաց ու-
րեմն զբարձրաձայն կարգալդ : « Ո՛հ
թէ նրպէս գեղեցիկ է քաղաքն Հռով-
մայ . նրպէս չքնաղ քաղաքն Սթե-
նացւոց » : Գեղեցիկք իցեն գոքա ,
այլ երջանկութիւն գեղեցկագոյն

ևս է: Այնքան կնճիւն է 'ի Հռովմ,
 և հարկ հասցէ շողովել բազմաց:
 Միթէ չիցէ՞ քեզ արժան ուրախա-
 նալ ընդ թողուլդ 'ի գիւտ երջան
 կութեան՝ զայնքան կնճիւն և ըզ-
 հոգս:

327. Չիք ինչ որ նոյն հեռայն
 հասցէ 'ի մեծութիւն. և ոչ խկ
 հաա մի խաղողոյ, և ոչ թուղ մի: Ե-
 թէ ասիցես ինձ, « Կամիմ այժմէն
 թուղ մի: », ասեմ քեզ. Բարեկամ,
 ժամանակի պէտք են. մնասջիւր, զի
 բուսցի, աճեացէ և ապա հասու-
 նասցի: Եւ դու կամիս զի հանճարք
 'ի քթթել ական բերցեն պտուղս
 քաջահասուկս: Իցէ՞ այս իրաւացի:

328. Եթէ կամիս յառաջանալ
 յուսումն իմաստութեան, թող
 անդր 'ի բաց զպատճառաբանու-
 թիւնքդ: « Եթէ անիոյթ արարից
 զանտեսութեամբ՝ անկայց 'ի ար-
 նանկութիւն և ոչ ունիցիմ ապ-
 բուսա. եթէ թողից անպատիժ ըզ-
 ծառայ իմ՝ լիցի ապիրատ »: Լաւ
 ևս է սովամահ լինել յեա վանելոյ
 զանձկութիւնս և զերկիւղ, քան

կեալ 'ի լուսութեան՝ հողովք և տա-
 ռապանօք. լաւ իցէ ծառայի . քո
 անդգամել՝ քան քեզ աղարատել
 զանձն: Սկիզբն արա 'ի մանուկնց ի-
 րաց. հեղին զիւղ քո, գողացան
 զգինիդ. ասա՛ վասն գոցին. Այս
 գին է խաղաղութեան, այս գին ա-
 զատութեան. ոչընչիւ ոչ ինչ ոք ոչ
 շահի: Յորժամ կոչկցես զծառայ
 քո, յիշեա զի մարթ է նմա չտել,
 և 'ի լեւն իսկ ոչ կարել կատարել
 զհրամայեալդ: Այլ, ասես, ծա-
 ռայ իմ՝ հպարտացեալ համբերու-
 թեամբս իմով՝ լինիցի անուղղայ:
 Այո՛, բայց քեզ լաւ լիցի. քանզի
 նովաւ ուսցիս արհամարհել զտագ-
 նապ և զանժուժութիւն:

329. Արեւմբ ուսանել զխոր-
 հուրդս բնութեան յիրաց անախ՝
 յորս չիք հակառակութիւն 'ի միջի
 մերում. օրինակ իմն. յորժամ սպա-
 սաւոր մերձաւորիդ բեկանիցէ բա-
 ժակ մի կամ այլ ինչ, մի՛ զանց առ-
 ներ ասել ցնա՛ 'ի մխիթարութիւն,
 եթէ յաճախ պատահեն այդպիսի
 դէպք: Քիտասջիւր, զի և 'ի բեկա-

Նէլ բաժակի քոյ այնպէս պարտէ
քեզ կալ յանդորրու՝ որպէս 'ի
բեկման անօթոյ դրացւոյն: Փոխեա
զայս առած, արկ 'ի կիր 'ի կարևո
րագոյն դէսս: Ի մեռանել որդւոյ
կամ կնոջ ուրուք, ամենայն ոք ա
սէ թէ ընդաբոյս է այդ մարդկու
թեան: Այլ 'ի մեռանել անդ որդ
ւոյ կամ կնոջ իւրոյ՝ անդէն և
անդ հնչեն ձայնք ողբոց, աղաղակի
և հեծութեանց: « Եղուկ եմ ես.
վճարեալ է վասն իմ »: Պարտ էր
յայնժամ 'ի յուշ ածել զպայման
կենացն յոր դասանէր 'ի լեւն զնմա
նալիչս գէսս ընկերին:

330. Ըղձակերտ լինիս ընդունել
պսակ յոլնմալիական խաղան. հա
ճոյ է և ինձ դլխովին, քանզի մեծ են
միտք պսակի. այլ քաջ քննեա և
տես զինչ յառաջ և զինչ յետ այնր
հանդիպին, և ապա թէ հետամուտ
լիցիս: Հարկ է անլրէս պատկառ
կալ կանոնաց ինչ. չուտել յան
չափս. հրաժարել յախորժելեացն,
հրահանգել զանձն, թէպէտ և 'ի
պայմանեալ ժամու մարդկցն ցուրտ

ընցի կամ տօթ՝ ոչ ըմպել բնաւ ջուր
ցուրտ, կամ գինի, բայց սակաւ և
չափով. և պարզաբար ասել հարկ է
անձնատուր լինել ՚ի հրահանդա-
պեան, որպէս ՚ի բժիշկ ոք. և յետ
այնորիկ երթալ ՚ի մրցանս. յորում
թերևս հասցէ քեզ վերս ընդու-
նել, օտնբեկ լինել, ՚ի հող և ՚ի փոշի
թաւալել և երբեմն ձաղկ խարա-
զանի ընդունել և ՚ի վերայ այսր Թմի
գուցէ նկուն ևս լինել: Յետ քաջիկ
քննելոյ զայս ամենայն, երթ՝ եթէ
կամիս լինել ըմբշամարտ: Եթէ ոչ
դիցես միս այսոցիկ՝ ճամարտակի-
ցես միայն և ընդվայրաբանիցես որ-
պէս զաղայս, որք մերթ մրցողս կեր-
պարանին և մերթ սուսերամարտս-
մերձ ընդ մերձ փող հարկանեն, և
մերձ ընդ մերձ ողբերգութիւնս ՚ի
հանդէս ածեն: Չնոյնս արասցես և
գու, մերթ ըմբիշ մերթ սուսերա-
մարտ, և մերթ հռետոր, և հուսկ
ուրեմն իմաստասէր. իսկ ճշմար-
տութեամբ և ոչ ինչ. այլ հանգոյն
կապկի զոր ինչ և տեսցես՝ ՚ի նմա-
նութիւն կրթիցիս, և ամենայն ինչ

հաճոյական թուեացի քեզ մի ըստ
միողէ . քանզի ոչ քննեցեր զոր կա-
մէիրդ առնել, այլ ժպրհու թեամբ
մխեցար և յանողոյչս վարեալ մի-
այն յագահութենէ և 'ի վայրասլար
փափաղանաց : Այսգունակ բազ-
մաց տեսեալ զխմաստասէր ոք, կամ
լուեալ զասել ոմանց, եթէ « Զիարդ
քաջ խօսի Նփրատէս, և ո՞նման
նմին բարբառիցէ » , կամին անդէն լի-
նել խմաստասէր :

331. « Բարի է առողջութիւն,
չար է խօթութիւն » : Վրիպակ ա-
սացուած : Բարւոք վարել զառող-
ջութիւնն՝ բարի է արդարև, չարա-
չարն վարել՝ չար է : Զհիւանդու-
թիւն բարւոք վարել՝ բարի է, չա-
րաչարն վարել՝ չար է : Յամենայնէ
մարթ է քաղել բարիս, և 'ի մա-
հուանէ անդամ : Մենեկէս որդի
Արեօնի, միթէ ոչ մեծապէս օգտե-
ցաւ 'ի մահուանէ՝ յորժամ նուի-
րեաց զանձն 'ի վերայ հայրենեաց
իւրոց . յայտ յանդիման ցուցանե-
լով զգութ իւր, զվեհանձնութիւն,
զհաւատարմութիւն և զքաջասրբ-

տութիւն: Եթէ յարեալ էր նորա
'ի սէր կենաց, զայս ամենայն կո-
րուսեալ, հակառակ նոցին ցուցեալ
էր ախտս, զապերախտութիւն,
զամպարշտութիւն, զվատասորա-
թիւն, զհաւատադրժութիւն, և
զվէհերոտութիւն: Ի բաց թօթա-
փեա յանձնէդ զպաշտելիս քո խո-
հերականս, և առ 'ի լինել ազատ
կառ՛ն ակն 'ի ճշմարտութիւն:

332. Ոչ խնդրեմ 'ի քէն գիրս
ընծայութեան. պահեա զայդօսիկ
վատից և վէհերոտից, և այս պատ-
ճէն իցէ. «Յանձն առնեմ քեզ զգի-
ականս զայս, զտիկս զայս արեան որ
չէ տակաւին մածեալ»: Այսպէս
սլարտ իցէ յանձն առնել զայր որ
չունի միտս խմանալոյ՝ եթէ ոչ ոք
կարէ զինքն առնել թշուառ:

333. Այսպէս պատասխանի եւս
Իրողինէս առ որ խնդրէրն 'ի նմանէ
թուղթ ընծայութեան: Բարեկամ,
այրն առ որ խնդրես յինէն գիր բա-
րեխօսութեան, տեսցէ ինքնին ա-
ռանց ինչ իմ՛նախ զի դու մարդ ես
և եթէ ուշիմ ոք իցէ ծանիցէ ընդ

Նձին եթէ բարի որ թէ անդգամ ի-
ցես. որ զի եթէ չիցէ քաջ ճանա-
չող՝ թէպէտ և գրիցեմ հարիւր
թուղթ՝ ոչ ճանաչիցէ զքեզ քաջ:
Արժան է քեզ լինել որպէս գահե-
կան ոսկի, որ ինքնին իսկ ճանաչի
հմաից որ գիտիցեն ընտրել զզուան
'ի ստոյն:

334. Անհնար է ինձ չգործել
սխալանս. այլ կարի իսկ հնարաւոր
մտադիւր ջանաչն առ ՚ի չանկանել
'ի սխալանս: Եւ այս իսկ մեծ է զի
հանապաղօրեայ ջանիւքս պակասի-
ցին սխալանք և կէսք գլխովին ուղ-
ղեսցին:

335. Եթէ ասես վաղիւն ուղղեմ
զսխալանս իմ, ապա յայտ առնես
եթէ կամիցիս այսօր մնալ լիրք, ցո-
փակեաց, վաս, ցասկոտ, մախա-
ցող, անիրաւ, շահախնդիր և խո-
րամանկ: Տես, քանի ինչ չարեաց
թոյլ տաս ՚ի վերայ անձին քո:—
«Այլ վաղիւն փոխեցայց յայլ այր»:
Եւ ընդէր մանաւանդ ոչ այսօր
իսկ: Պատրաստ լեր առ օրին վասն
վաղուի. ապա թէ ոչ հանապաղ օր
յօրէ յերկարաձգեսցես:

336. Թուլացուցանես առ վայր մի անձինդ, և յուսաս զգուշանալ երբ և կամեսցիս: Թաբխս. Թեթև ինչ յանցուած՝ յոր գթես այսօր յանհոգս, վաղիւ 'ի մեծագոյնն գթեսցուսցէ. և անխուժութիւն կրկնեալ՝ դարձցի 'ի սովորութիւն, զոր ոչ ևս կարիցես ուղղել:

337. Զոր ինչ հնար է յասլաղել օգտիւ՝ հնար է արդեօք թողուլ լըքանել առաւել օգտիւ:

338. Մտադրութիւն օգտակար է առ ամենայն, նաև 'ի զբօսանս անգամ: Իցէ՞ քո տեսեալ ինչ երբեք 'ի կեանս՝ որ անխուժութեամբ լաւ ևս կատարեսցի:

339. Արք պնդենն եթէ չիք ճշմարտութիւն ծանուցեալ, 'ի սուտ հանեն զայն կարծեցելով իմն ճշմարտութեամբ: Թէպէտ և սուտ իցէ զոր ասենն և թէպէտ ստոյգ, սակայն և այն ճշմարտութիւն է ծանուցեալ:

340. Հարկ է թէ մեծապէս արժանաւոր և քաջարդիւն իցէ իշխան, յոր՝ առ 'ի սէր նորին ևեթ յարիցին մարդիկ:

341. « Կաղ եմ ոտիւք, և ընդէր է ինձ կաղ լինել » : Սարուկ անարդ, արժան իցէ բասրել զՆախախնամութիւնն. վասն ապիկար ոտին միոյ : Ա՞ր արդարադոյն թուիցի. քեզ Նախախնամութեան անսալ ոտին քում, եթէ ոտին քո՝ Նախախնամութեան :

342. « Ընդէր ծնայ ես 'ի հօրէ անախ և 'ի մօրէ » : Բաբէ, բարեկամ, միթէ կարէր մինչև ծնեալ ասել. Կամիմ զի այս ոք ամուսնասցի ընդ այնմ կնոջ, և ես ծնայց 'ի նոցունց : Եթէ վատաբախտիկ եղեր ծննդեամբդ, ընդէր ոչ ուղղեցես զքեզ առաքինութեամբ :

343. Մտայ մեծութիւն ոչ չափի տարածութեամբ, այլ ստուգութեամբ և ճշմարտութեամբ կարծեաց :

344. Հարցանեմ քեզ, թէ ո՞րքան ինչ զարգացար յառաքինութեան, և դու ցուցանես ինձ զգիրս ինչ Քրիստոսիպետայ, և պարծիս հասկանալ : Արպէս այն թէ ըմբիշ որոյ զօրութեանն կամիցիմ հասու

լինել, փոխանակ ցուցանելոյ ինձ
զաճառուտ բազուկսն և զթիկունսն
լայնամիջոցս՝ ցուցանէր ինձ զձե-
ռէսն իւր երկաթիս: Վա՛շ վատթար
սարկիզ. զոր օրինակ կամ է ինձ
տեսանել զինչ ըմբիշն արարեալ
իցէ ձեռէիւքն, ըստ այնմ կամիմ տե-
սանել զինչ դու արարեր՝ Քրիւսիալ-
պեայ գրովքն: Արկէր արդեօք 'ի
կիր զխրատս նորա: Եդէր 'ի չափու
ղերկիւղ քո և զիղձ: Ի գործոց ան-
տի ճանաչի զարգացումն: Ունիցիս
հոգի վեհանձն, ազատ, հաւատա-
րիմ և համեստալից. և իցէ՞ այնպի-
սի՝ զոր և ոչ մի ինչ ոչ կարիցէ խա-
փանել կամ վեր 'ի վայր առնել: Հա-
լածեցէր արդեօք յամենայն կեանս
քո զհեծեծանս, զտրտունջ և զան-
պատեհ ձայնարկութիւնս, թէ
« Ո՛հ, քանի թշուառական եմ
ես »: Աժէր զմտաւ թէ զինչ իցէ
բանտ, աքսոր և մօլէխիմոզն: Եւ
կարիցէս ասել յամենայն դէպս.
« Անցից քաջասրտաբար ընդ այս,
զի ընդ այս կօչէ զիս աստուածու-
թիւնն »:

345. Որպէս առարկուածիւնս այս « Առաւօտ եղև, գիշեր է », արդար է մինչ անջատեալ է, յերկուս արոհեալ. իսկ անպատեհ է թէ յարակցաբար ասիցի յերկուց մասանցն մի և եթ առնելով, նոյնպէս և 'ի խնճոյս չիք ինչ անիրաւ քան զկամելն զամենայն վասն իւր, առանց ինչ ակն ածելոյ յայլոյ: Արդ յորժամ հրաւիրիցիս 'ի կոչունս, մի զորպիսուածիւն կերակրոցն նկատիցես որ առաջի գնիցին քեզ, և գրգռեսցեն զխորժակս քո, այլ զձիրս հրաւիրակին քո, որպէս զի ակն ածիցես 'ի նմանէ շուք գնելով որ անկ է նմա:

346. Որում վստահացաւ քեզ զծածուկս իւր, համարիս և դու վայելչական իմն արդար և սպառաւասիրական՝ հաւատալ զգաղա նիս քո: Անմիտ և խօշական էս թէ զայդ աննես: Յիշեա զոր տեսերդ յաճախ պատահել: Զօրական ոմն 'ի ձև քաղաքացւոյ ասն երթեալ նստի առնթեր քաղաքացւոյ, և զքանիւք անկեալ սկսանի շարախօ.

սել զկայսերէ : Քաղաքացւոյն սա-
 դրեալ 'ի համարձակութենէ նորին
 և կարծելով ունել զգաղանիս զի
 նուորին, 'ի գրաւ հաւատարմու-
 թեանն՝ բանայ զծածուկս սրախ
 իւրոյ, և արանջայ զիշխանէն. յայն-
 ժամ՝ զինուորին յայանեալ զինքն,
 քարշեալ տանի զնա 'ի բանա : Այս
 դէպ լինի զօր ամենայն : Ար ասէն
 քեզ զծածուկս սրախն՝ յաճախ զկեր-
 պարանս և եթ ունի և զհանդերձ
 առն անկեղծի : Եւ դարձեալ ոչ է
 այդ վստահութի, այլ անժօրժու-
 թիւն լեզուի, և զօր ասէն քեզ յուն-
 կանէ՝ զայն ասէ և ամենայն անցոր-
 դաց : Արաս է ծակ, և ոչ պահիցէ
 զգաղանիս քո, որպէս զիւրն խակ ոչ
 պահեաց :

347. Տոյց ինձ զի է 'ի քեզ հա-
 մեստութիւն, հաւատարմութիւն,
 անյողգողութիւն, և զի չիցես կա-
 րաս ծակ. և ոչ ևս մնացից քեզ ասե-
 լոյ ինձ զծածուկս սրախ, այլ ես
 ինքնին կանխեցից յաղաչել զքեզ
 զի լուիցես գաղանեաց իմոց : Զի ո՞
 որ ոչ սքանչասցի ընդ գիւտ մա-

քուր, յարդարեալ և անկասկած
անօթոյ: Ասմ' ո՞ մերժիցէ զաւան-
դասլահ՝ որ և միանգամայն խորհրդ-
դատու իցէ մեզ, ցանկացող բա-
րեացս մերոց և հաւատարիմ.
կամ ընդունիցի բազում հաճու-
թեամբ ոչ զմտերիմ բարեսէր, որ
զիջանի առ տկարութիւնս մեր,
և օգնական լինի մեզ 'ի բառնալ
զբեռն մեր:

348. Եթէ տեսանիցես զոք հե-
տաքննին և պնդասլէս վարեալ
զհետ օտարոտի իրաց որ չենն ընդ
մերով իշխանութեամբ, դիտասջիր
հաւաստեալ եթէ ճամարտակ ոմն
է, և ոչ լուեսցէ զգաղանիս քոյ. և
ոչ է պիտոյ մերձեցուցանել 'ի նա
ձիւթ եռացեալ կամ անիւս առ 'ի
տալ բարբառել նմա: Քթթել մի
ական աղջկան միոջ, գոյզն ինչ
շողումք շիթող գրանկի, յոյս ինչ
սլատուոյ և աւագութեան, փա-
փառք ժառանգութեան 'ի կտակէ,
և այլք յայսպիսեաց աստի գողա-
հայցեն զգաղանիս սրտիքո՞ 'ի նմանէ,
և սուանց շատ ինչ ջանից:

349. Յորժամ միայնակ իցես, ասես յանապատի լինել, և յորժամ՝ ի խռանի բազմութեան կայցես, ասես ի միջի աւազակաց, դուղոց և ստամբակաց կալ: Քանզառիս զծնողացդ, զկնոջէ, զմանկանցդ, զբարեկամաց և զազգականաց: Ահա քեզ. եթէ զգօն էիր, ՚ի միայնութեանդ ասէիր լինել յանդորրու և յազատութեան, և վայելել զանձն, նման իմն լինելով աստուածութեան. իսկ ՚ի միջի բազմութեան մարդկան ելով՝ փոխանակ նեղելոյ և կոչելոյ զայն ազմուկ և ամբօխս, կոչէիր հանգէս տօնից, և կամ հրապարակական խաղս, և միշտ հաճ և հաւան դտանէիր:

350. Միթէ կամիցիս լինել հանդոյն վատթար գուսանաց, որ առանց այլոց ընկերելոյ ոչ կարեն երգել:

351. Իշխողն մեր խաղաղութիւնս պարգևեաց աշխարհի, ոչ ևս պատերազմունք, ոչ ևս մարտք, ոչ ևս աւազակութիւնք ՚ի ցամաքի և հէիք ՚ի ծովու. յամենայն ժամու

և յամենայն ժամանակի հնար է
գնալ միայնակ ամենայն ուրեք ա-
մենեկն աներկիւղ: Այլ միթէ կա-
րող իցէ իշխանն տալ մեզ խաղա-
ղութիւն ընդ հիւանդութիւնս, ընդ
նաւաբեկութիւնս, ընդ հրդեհս,
ընդ գեանաշարժս և ընդ կայծա-
կունս: Բլք և եթ կարեն զայն տալ
մեզ. և քարոզն որ հռչակէ զայդ՝
ինքն իսկ բանն է: Որ ունիցի յան-
ձին զխաղաղութիւնս զայս՝ կարէ
կալ միայնակ զողջոյն զկեանս իւր:

352. Ձե՛նչ առնեն մանկունք
յորժամ առանձինն իցեն: Ձբօս-
նուն 'ի խաղս. գիղեն խիճ և աւազ
շինել բերդկունս մանունս, զոր յեա
սակաւուց աւերեն: Այսպէս հնա-
րին միշտ ինքեանց զբօսանս: Ձոր
գոքա յիմարաբար և տղայաբար
առնեն, չկարիցես զնոյն առնել
խմասանօրէն և զգօնութեամբ:
Ամենայն ուրեք գտցի խիճ և ա-
ւազ. և են իսկ 'ի մեզ բազում ինչ
առ 'ի հիմնել և 'ի կործանել:
Արդ մի քանքարտեցուք ընդ
միայնութիւն մեր:

353. Տրտնջես զառանձնու թենէ,
 և զինչ է զոր առանձնու թիւն կոչես:
 Մի թէ իցէ լինել օտար 'ի կենա-
 կցութենէ մարդկան, կամ թափուր
 գոլ յամենայն նստաստից: Բա՛րէ.
 գիտաջիր զի ոչ ինչ ընդ հաս 'ի քէն
 յաճախ պատահէ գտանել ուրուք
 միայնակ և 'ի միջի անդ Հոով-
 մայ. 'ի միջի ծնողաց, բարեկամաց
 և մերձաւորաց և 'ի խռան ստրկաց՝
 գտանել միայնակ: Աչ է թէ տեսու-
 թիւն մարդոյ միոյ լուծանէ զմիայ-
 նու թիւն, այլ տեսութիւն առն ա-
 ռաքինւոյ, հաւատարմի և օժան-
 դակի: Ասես միայնակ լինել. և ինքն
 Աստուած շատացեալ յիւրում
 միայնութիւն, զամենայն դասնէ յին-
 քեան: Գուն գործեա նմանող լի-
 նել նմին. 'ի քո ձեռս է այս: Աե-
 նակից լեր անձամբ անձինդ. կան
 քեզ բանք բազումք առ 'ի խօսակից
 լինել և հարցանել ցանձն քո. և զի
 կայ քեզ ընդ այլոց: Զուրկ էս յա-
 մենայն օգնականութենէ. չիք քո
 հայր, ոչ եղբայր, ոչ մանկուիք, ոչ
 բարեկամք, զամենեսին զտոսա կո-

ըուսեր: Այլ չիցէ՞քո հայր անմահ, որ ոչ վերջացի ունել 'ի վերայ քո խնամ, և տալ քեզ զամենայն կարեւոր օգնութիւն:

354. Յորժամ տեսցես զոք 'ի սուգ և յարտասուս հարեալ ընդ մահ կամ ընդ անջատումն որդւոյն կամ ընդ կորուստ ընչից, զգոյշ լեր մի՛ խոտորեցուսցեն զքեզ միաք քո. և համարիցիս ճշմարտիւ զայրն այն լինել 'ի չարիս յաղագս արտաքին իրացդ այգոցիկ. այլ հաւանեաց զի ոչ գէսքն այնոքիկ վշտացուցանեն զնա, զի և այլ ոք զնոյնս կրեալ՝ ոչ նոյնպէս վշտացաւ, այլ կարծիքն նորա զայնցանէ: Բայց եթէ հարկ իցէ՞ մի՛ զանց առներ 'ի լալոյ ընդ նմա և ցաւակից լինելոյ բանիւք սփոփանաց. այլ զգոյշ լեր զի վշտակցութիւնն քո թափ անցցէ 'ի ներքս 'ի քեզ, և ստուգասլէս լիցիս վշտահար:

355. Հասին քեզ լուրք 'ի Հաովմայ, և ահա ախրութիւն և ցաւ պատեն զքե: Աւ ընդէր բնաւ անցք որ անցանեն երկերիւր փար-

ստիսաւ հեռի 'ի քէն՝ տառապե-
ցուսցեն զքեզ: Բարէ, սաս ինձ, ո՞ր
չար մարթի քեզ զիպէլ՝ ուր դու-
ոչն դատնիցիս:

356. Յորժամ տայցեն լուրս
դժնգակս, յիշեա զի չէ այն քեզ
անկ, քանզի ոչ հայի յիրս որ ընդ
քո իշխանութեամբն իցեն: « Այլ
իբք կարևորք են ինձ, զի ամբաստան
լինին զինէն իբր յամբարշտութիւն
հատեալ »: — Եւ միժէ չամբաս-
տանեցին և զՍոկրատ: — Այլ
դուցէ դատապարտ զիս արասցեն:
— Եւ ոչ Սոկրատ դատեցաւ 'ի մահ:
Դիր զայս քաջ 'ի մտի, պատիժ
անդ ևժ է՝ ուր դուցեն յանցանք,
անհնարին է երկուց այդոցիկ մեկին
կալ յիրերաց: Մի համարիր զքեզ
իբր թշուառ: Սյէ սաս, զո՞ կարծի-
ցես թշուառագոյն, զՍոկրատ ար-
դեօք ևժէ որք դատապարտն արա-
րին զնա: Չիք ուրեմն քեզ վտանդ,
այլ դատաւորացն, զի քեզ չէ մարթ
բնաւ մեռանել իբրև եղեռնաւոր,
իսկ նոցա հնար է դատապարտել
զանմեզն 'ի մահ:

357. Տրտմեալ ես զի թողեր զվայրդ գեղեցիկ և հեծես և ողբաս: Թշուառագոյն ուրեմն ես քան զագուաւս և զճայս, որք փոփոխեն զկլկմս և հասեալ անցանեն զծովս անմուռնչ և անվիշտ վասն տեղեացն զոր թողուն: — « Այլ նոքա անբանական կենդանիք են »: — Եւ միթէ դիք ետուն քեզ զբան զի եղկելի լինիցիս: Աամ կարծէիր եթէ մարդիկ հանգոյն ծառոց իցեն խորարմատ հաստատեալք յերկրի՝ զի մի տեղափոխք լինիցին բնաւ: — « Այլ ես թողում զիմ բարեկամս »: — Բարէ. աշխարհս ամենայն լի է բարեկամօք, և նոքին սաշտսպան կացցեն քեզ. լի է մարդկամբ զորս բնութիւն կցորդակից քեզ արար: Ոգիսևս որ այնքան տարաշխարհիկ ճանաստարհ եհատ, միթէ ոչ եգիտ բարեկամս: Հերակլէս որ այնքան թափառեցաւ ընդ երկիր, չեգիտ նոյնպէս:

358. Զիք ինչ քո զոր չեցէ ընկալեալ: Որ եան քեզ զամենայն՝ բառնայ ինչ՝ի քէն: Ոչ միայն յի-

մար այլ և աստաշնորհ իցես և անխ-
րաւ՝ եթէ կամիցիս հակառակել
ընդ այդ :

359. Կամիս յալևոյթս հասանելը
և ոչ կամիս տեսանել զմահ ուրուք
'ի սիրելեաց քոց : Կամիս ուրեմն
անմահս ընել ամենայն բարեկամաց
քոց . և զի վասն քո միայնոյ վո-
խեսցեն դիք զօրէնս իւրեանց և
զկարգս աշխարհի : Միթէ արդար
իցէ այս , և խորհիցիս ուղղու-
թեամբ :

360. Ընդ մեկնիլ և ընդ անջա-
տումն բարեկամին քոյ և որդւոյ
լաս և ողբաս : Ո՞չ գիտէիր եթէ
մարդ ուղևոր է 'ի վերայ երկրի :
Յիմարութիւնդ տանջէ զքեզ : Միթէ
յուսայիր ցանկ ընդ քեզ ունել
զհաճոյականան քեզ , և վայելել
հանապազ զվայրս և զկենակցու-
թիւնս ըղձականս : Ո՞ խոստացաւ
քեզ զայդ :

361. Մի խուովիր 'ի մտի քում
ասելով , եթէ ոտնհար եղէց , և յո-
չինչ դրեցայց յաշխարհի . զի ոտրն
հարութիւն եթէ չար ինչ է , ոչ է

քեզ մարթ ըմբռնիլ 'ի չարիա 'ի
ձեռնայլոյ, և ոչ անկանել յախոս:
Միթէ 'ի քոյ ձեռս իցէ ունել ա-
ւագական պաշտամունս. միթէ 'ի
կամէն քո և հրաւիրիցն 'ի կո-
չունս խնջոյից: Ոչ բնաւ ամենեկին:
Եւ միթէ իցէ՞ այդ քեզ ոանհարու-
թիւն և անպատուութիւն. միթէ
վասն այդր յոչնչ համարիցիա յաչ
խարհի, դու՝ որում անկ էր լինել
ինչ յիրս որ ընդ քոյով իշխանու-
թեամբ իցեն և որովք կարես երե-
ւելի իսկ հանդիսանալ:— «Ս, յԼբա-
րեկամբ իմ, ասես, ամենեկին անոք
և անօգնական մնայցեն առ յինէն»:
— Ձինչ իցէ անօգնականն ամենեկին
լինել: Ձի չաայցես նոցա արծաթ.
զի ոչ գրեացես զնոսա քաղաքացիս
Հռովմոյ: Ո՞ր ասաց քեզ զայդոսիկ
ընդ մերով իշխանութեամբ լինել, և
ոչ այլոց: Եւ ո՞ր կարիցէ ինչ որ ոչ
իւր իցէ աալ այլոց: Ս, սեն. «Կու-
տեա ինչս, որպէս զի և մէք վայելես-
ցուք 'ի նոսին»: Եթէ մարթ իցէ
ինձ ինչս ունել անկորուստ պահե-
լով զհամեստութիւն, զպարկեշ:

տուժիւն , զհաւատարմութիւն , և զվեհանձնութիւն , ցոյց ինձ զպառաճածական ուղին առ ընչաստացութիւն , և եղէց փարժամ . իսկ եթէ կամիցիս զի ես կորուսանիցեմ զըստոյդ բարիս իմ , որպէս զի զսուաբարիան ստասցիս , աես քեզէն թէ որքան անհաւասար ունիս զնժարս կշռոցն , և որքան անշնորհակալու և անխորհուրդ իցես : Ո՞ր առաւել սիրելագոյն իցէ քեզ , արծանժ եթէ բարեկամ իմաստուն և հաւատարիմ : Ո՞հ . օգնեա ինձ մանաւանդ ստանալ զառաքինութիւնս և մի սախպեր զիս առնել իրս որով կորուսանիցեմ զայնօսիկ : Ասացես գարձեալ . « Այլ հայրենեաց իմոց ո՞չ արբանեկեցից ինչ » : — Զոր արբանեկութիւնս : Կուցէ չունիցի՛ նա՛ ՚ի քէն ձեռակերտ գաւիթս սիւնազարդս , և բաղանիս : Եւ զի՛նչ իցէ այդ . միթէ ունիցի՛ նա և սօլերս՛ ՚ի դարբնոյ , կամ զէ՛նս ՚ի կարուակէ : Ետտ է ամենեցուն զիւրեանց սարարս կատարել և զիւրեանց գործ : Այլ եթէ տայիր հայրենեաց քոց

միւս ևս խմաստուն պարկէշա և հաւատարիմ քաղաքացի, ոչ ապաքէն հարկանէիր նմին սպասս: Ստուգապէս այդ այդպէս էր, և վեհագոյն սպաս. չէս ուրեմն անօգուտ նմին: — « Իսկ արդ զո՞ր աստիճան ունիցիմ 'ի քաղաքի »: — Չայն՝ զոր կարիցես ստանալ կալով մնալով 'ի նմին հաւատարիմ և պարկէշա: Իսկ եթէ հայրենեաց կամելով արքանեկէլ կորուսանիցես զայսպիսի առաքինութիւնս, զո՞ր սպաս ընկալցի նա 'ի քէն՝ եթէ ցովիակեաց եղեր և նենդաւոր:

362. Կամիցի՞ս պայծառացուցանել զքաղաք քո չնաշխարհիկ և ծանրագին ընծայիւք. պարգևեա զքեզ նմին, յետ կարգելոյ զանձն քո օրինակ կատարեալ հեղութեան, առատամտութեան և արդարութեան:

ԳԼՈՒԽ ԺԲ.

Յաղագս Տակոսան :

363. Չանդիտես յանուանէ մա-
հու՝ իբրև 'ի չարագուշակ ինչ իրէ :
Չիք ինչ չարագուշակ յամենայնի
յորումքնութեան ինչ գործ նշմա-
րիցի : Այլ սղերգութիւն , երկչո-
տութիւն , վատասրտութիւն , լրբու-
թիւն , և այլ ամենայն ակտք , սոքա
են աղիտաբերք : Եւ 'ի վերայ այսո-
րիկ եթէ զգուշացի ոք յիմէքէ՝ ոչ
ինչ է մնաս տալ զանուն նորին :

364. Յորպիսի՞ գործս պարա-
պեալ գոլով կամէիր թէ ըմբռնէր
զքեզ մահ : Ես փափաքէի զի հա-
սանէր 'ի վերայ իմ 'ի գործէն իմ
արժանաւոր ինչ մարդոյ . մեծ , աղ-
նիւ և կենցաղօգուտ : Ես մանա-
ւանդ կամէի թէ դտանէր զիս պա-
րապեալ յուղղել զիս , և մտադիւր

ի պարտս իմ, որպէս զի յայնմ պահու
հարող լինէի ամբառնալ սրբա-
մաքուր ձեռս յերկինս և առ դիան
ասել. « Չամենայն կարողութիւնս
զոր ընկալայ ՚ի ձէնջ առ ՚ի ճանա-
չել զիննամս ձեր, և առ հպատակել
նոցին, ոչ բնաւ ընդ վայր հարի-
այլ դուն գործէի իմովսանն չանար-
գել զձեզ: Այսպէս վարեցի զգայա-
րանս իմ, այսպէս և զկարծիս: Աչ
երբէք կալայ արտունջ զձէնջ. ոչ
գժկամակեցի երբէք ընդ տուրս
ձեր, և ոչ ցանկացայ փոփոխել զնո-
սին: Եւ ոչ զմի ՚ի զօրից սրոց կցորդ
արարէք զիս՝ ոչ բանաբարեցի: Գո-
հանամ զձէնջ զի ստեղծէք զիս:
Վարեցայ պարզւօք ձերովք ցոր-
քան ետուք ինձ թոյլ վարել. արդ
կամիք յետս առնուլ, աւադիկ դար-
ձուցանեմ առ ձեզ. ձեր իսկ են, և
որպէս հաճոյ իցէ ձեզ՝ արասջիք:
Սաւ զանձն իմ գնեմ ՚ի ձեռս ձեր:

365. Ընդէր բուսանին հասկք
ցորենոյ: Աջ ապաքէն յատորանալ,
և յետ այնր հնձիլ. ոչ եթէ թո-
ղուն զհասկսն ՚ի վերայ ցօղնոց իբրև

նուիրահանս ինչ: Եթէ էր ինչ 'ի նոսա զգացումն, կարծիցես արդեօք թէ ուխտս դնելին մի բնաւ հնձիլ: Արդարև ոչ. նա մանաւանդ անէծս իմն համարելին զկալ մնալն անհունձ. նոյնպէս են և մարդիկդ. յանէծս համարեալ լինէր նոցա չմեռանելն: Մարդկան չմեռանել՝ նման է հասկի ցորենոյն չառօքա- նալոյ և չհասանելոյ 'ի հունձս:

366. Զի՞ փոյթ է քեզ ընդ առիթ մահուն քո, թէ ջերմն իցէ և թէ սուր, կամ ծով, կամ հիւանդութիւն և կամ բռնաւոր ոք: Ամենայն ճանապարհք որ ասնին 'ի դժօխս՝ հաւասարք են. և մի 'ի կարճառօտիցն է ճանապարհ ընդ որ առաքէ զքեզ բռնաւորն: Ոչ ակտեր երբեք զբռնաւոր զի սպանցէ զոք զամիսս վեց. այլ ակնդ սպանանէ զմարդ զամս բովանդակ:

367. Ի հասանել ժամուն՝ մեռայց. այլ մեռայց հանդոյն առն՝ որ դարձուցէ զաւանդ առ փոխատու:

368. Որպէս յերկարագնաց ու-

զԼորուԹեան՝ ՚ի հասանել նաւուդ
 ՚ի նաւահանդիստ ուրեք՝ ելանես
 զՂրոյ, կարես զճանապարհայն հա-
 շաքել խեցեմորԹս և սունկս. այլ
 միշտ հարկ է քեզ զուշ և զուրուշ
 ՚ի նաւ անդր ուղղել, և հայել ստէս
 յայն կողմն, Թէ գուցէ կոչեսցէ
 զքեզ նաւապետն. և ՚ի կոչելն՝ հարկ
 է ընկենուլ զամենայն և ընԹանալ,
 զի մի՛ ՚ի յամելք արկանիցիս ՚ի նաւ
 անդր ձեռօք և ոտիւք կապելովք
 իբրև զանասուն մի. նոյնսլիսի է և
 կենցաղոյս ուղԼորուԹիւն, եթէ
 փոխանակ ԺԺմակացն և սընկի աա-
 ցի քեզ կին և որդի, կարես առ-
 նուլ. այլ ՚ի կոչել նաւապետին,
 հարկ է Թողուլ զամենայն և փու-
 Թալ ՚ի նաւ անդր առանց հայելոյ
 յետս: Եթէ ծերիցես՝ մի շատ հե-
 աանար ՚ի նաւէն, զի մի՛ ՚ի կոչել
 նաւապետին, անսպարաստ գացիս
 և անժաման:

369. Հարկ է մահու վաղ կամ
 անադան հասանել առ մեզ: Յոք սա-
 րապմունս ըմբռնեսցէ զմեզ: Մշակ
 զբաղեալ գացի ՚ի հողագործու.

Թեան, պարտիզպանն 'ի պարտի-
զին, վաճառականն 'ի տուրևառս
իւր. իսկ դու յինչ արդեօք պարա-
պեալ իցես: Ինձ փափաքելի է ա-
մենայն ուխտիւք 'ի վերջնումս պա-
հուն գտանիլ պարապեալ միայն
յուզղղել զկամս իմ. որպէս զի ան-
վերգով, անարդել և անընդդիմակ
առնիցեմ զվերջինն զայն գործ, որ-
պէս այր ազատ, և կարիցեմ ասել
առ դիս. « Զեղծի՛ արդեօք զօրէնս
ձեր. միթէ զեղծայ տրիւք ձերովք
զոր ետուքն ինձ: Ո՞չ ապաքէն
նուաճեցի ձեզ զզգայարանս իմ,
զիղծս և զկարծիս: Տրանջեցի՞ եր-
բէք զձէնջ. կամ թէ բասրեցի բնաւ
զՆախախնամութիւնդ ձեր: Խօ-
թացայ, զի այսպէս կամեցարուք.
զնոյն և ես կամեցայ: Սղքատացայ,
զի այդպէս կամեղև ձեզ. գոհ եղէ
և ես ընդ աղքատութիւնս իմ:
Նուաստացայ, զի այս էին կամք
ձեր, և ոչ երբէք ցանկացայ վերա-
նալ: Ե՞րբ տեսէք զիս ակրեալ ընդ
պայման կենաց իմոց. երբ գտէք
զիս սրտաբեկեալ կամ 'ի քանքար-

տանս : Պատրաստ եմ և այժմ 'ի
կրել զամենայն զոր և հաճեաջիք
հրամայել վասն իմ. և դոյզն ինչ
նշանակ կամացդ՝ օրենք են ինձ
անդրժեւիք : Աամիք զի ելից 'ի հրա-
շակերտ տեսարանէս : Յլանեմ ա-
ւադիկ, և բիւր շնորհս խոնարհա-
կանս մատուցանեմ ձեզ, զի ար-
ժանի համարեցայք մուծանել
զիս անդր 'ի զինն ձեռակերտաց
ձերոց, և առ 'ի ցուցանել ինձ
զսքանչելի կարգն որով վարեքդ
զտիեզերս զայս) :





Յ Ա Ն Կ

ԳԼ.	Ա.	— Յաղագս Չչմա- րիա բարեաց.....	5
ԳԼ.	Բ.	— Յաղագս ընչա- ւէտութեան.....	47
ԳԼ.	Գ.	— Յաղագս արժա- նաւորութեան և հաստատութեան	52
ԳԼ.	Դ.	— Յաղագս Աղա- տութեան.....	71
ԳԼ.	Ե.	— Յաղագս առ- տուածոց և կրօ- նից.....	85
ԳԼ.	Զ.	— Յաղագս իմաս- տասիրութեան և իմաստասիրաց...	106

- ԳԼ. Է. — Յաղագս կա-
նանց և հեշտու-
թեանց..... 144
- ԳԼ. Ը. — Յաղագս խնա-
մոց մարմնոյ..... 150
- ԳԼ. Թ. — Յաղագս առ
ոչինչ համարելոյ
ղթնամանս..... 154
- ԳԼ. Ժ. — Յաղագս բարե-
կամութեան և
ընկերութեան... 158
- ԳԼ. ԺԱ. — Յաղագս թիւր
կարծեաց..... 167
- ԳԼ. ԺԲ. — Յաղագս մա-
հուանս..... 211







« Ազգային գրադարան



NL0127289

